



08387

黃山詩話目錄

卷之四

辛亥

元旦訪餐霞道人即過崑陽山菴八首

發使七首

送愁五首

再過隱仙庵二首

正月十四不見月

過紫竹庵二首

正月十七

黃山詩話

卷之四目錄

正月二十一宿豐樂僧庵次日早發將寄何庸夫

諸君子十六首

過佟壽民姑蘇寄園看梅四首

舟中得湖州太守王公諱弘仁

同遲糧儲王驛使侍馬撫軍宴二首

再過姑蘇得胡雪公

再過虎丘四首

午睡四首

孟東園先生招同邢命石顏修來看綉毬初放二

首



得張際亨二首

和佟儼若世兄扇頭惠韻六首

清明後一口雨中舟泊池峽張邑宰紫巖載酒言

別兼寄舊太守郭公四首

青青行三首

再過太子磯將呈友人

江雨行寄陶尚書

過太平

東太守

哭見心和尚

黃山詩畱

卷之四目錄

二

遣使蜀中乞宋艾石買景要園莊八首

青陽山館懷舊令楊子

上張撫軍十二首

贈總督豫閩尚書張溫如十二首

過三笑堂用王陽明先生韻

過東林三首

滕王閣四首

章江

閣雨二首

五月三日自皖江南下舟中歷述所見留三十首

其餘三

偶紀十九首

江夜二首

寄常州太守紀光舍

山寺夜月八首

九月十六日皖江遙祝陳開之五十五壽

偕白仲調劉筠友邀張澹修訪紫竹和尚四首

送張澹修之里四首

雨凍二首

姚太守書岑來自皖江遺蕙苜賦此答二首

黃山詩畱

卷之四目錄

初冬于念劬送酒四首

和周履坦寒夜霜鍾韻

贈周履坦畫師行

四賢紀事四首

得宋艾石寄幼子七歲書喜爲識之二首

十二月雨中八首

寄破塵道士

燕京篇

今上祭陵禮成儼應制

雪中送別郭文海之里九首

七歌再別郭文海七首

賀何庸夫次郎相如進士

陳開之來自浙江卽送郭仲逸北歸用衣字三首
得姚際斯江上

十一月十六日得朱徽亂來江上五首

聞雁聲卽得佟韓一世兄書到四首

信到二首

雪中懷郭仲逸十二首

送王大哉之戴無聰刺史徐州二首

雪中使至卽書寄檉樟兒感賦十首

黃山詩畱

卷之四目錄

四

十二月初七夜九江廟訪友人四首

邀張麟生夜話二首

憶鶴

十二月十五雪中卞圖南山齋同楚藩劉敬庵太

史鄧元昭夜集十首

立春前一日六首

早發

除夕

除夕雨中同陳開之喬梓坐何庸夫齋頭諸子咸

集賓主交錯笑啼情深聊以識感

黃山詩畱卷之四

宗序

樟

光祖

宗曠

膠東法若真黃山父著男樓校孫

枚

輝祖

辛亥 元旦訪餐霞道人即過崑陽山菴五首

軒對清涼頂門深虎踞坡雪寒枯橘柚烟冷宿藤蘿山

僻牛羊少江空鴻雁多猶留樹半晦青鳥往來過

隱仙菴

又

黃山詩畱

辛亥

卷之四

一

曲折穿幽徑攀條上古臺青天高樹落白雪半山來琢

玉函飛鳥綺文硯趾苔黃庭第幾卷夜半老人開

又 祀老

無淚傾椒酒尋山到竹園火輪三百載鐘鼓五千言

飯餘青籜支鐻搜綠蓀那能留十畝依傍葛洪村

又

近依黃鶴客撥竹坐深林臥閣凭山嶽攤書論古今六

朝餘白骨一枕盡黃金自醉長江水春風何處尋

又

不飲岳陽水飛來玉疊峯輕潮送畫壁迴夢解山鐘鶴

去江聲落柸空花氣濃我亦乘雲客此身何所容

發使七首

我僕行矣而行且止將彼謀思不行何以

我僕行矣而行且已其言不多其行何俟

我僕行矣而行徙徙啾啾鳥音將顧其子

我僕行矣而糗且峙莫我顧矣涉彼江水

黃山詩畱

辛亥

卷之四

我僕行矣而執其使棘彼中懷流水淒淒

我僕行矣言送之兀溶溶江流恐沒其趾

我僕行矣好歸之里陟彼北山不將其履

送愁五首

正月十一夜

送愁須早睡假寐避譙聲好月偏分影危樓已三更

送愁門外去薄暮須重關却怪月明入淒涼照客顏

又

送愁石逕下掃徑不能留無奈春風起隨風上客樓

又

送愁床下去垂幔不相容偏坐床頭上同愁夜半鐘

又

送愁上雨花鈞月半天斜不敢開愁眼驚看萬里沙

再過隱仙庵

正月十二

依山懸斗閣鑿磴辟叢園引水纏丹竈籠花避鳥喧名

高天下友字註半山軒竟日無愁事飈車帶月輪

又

水閣臨丹井天鷄綴玉幢古梅分曲逕高竹護團窗蔬

黃山詩畱

辛亥

卷之四

三

切龍涎草峯懸鷲子江歸來月漸出無淚灑銀缸

正月十四不見月

笙歌聲未歇天半影全昏好月為愁避長星入淚吞雖

貧車馬少獨坐劍書存無酒消深夜不須問竹根

江南新以

竹根
斲杯

過紫竹庵二首

十六日

萬竹崩崖長連山徧種花虛樓扶斷壁臥閣綴輕沙搜

筍低窗外燒松古徑斜坐看好月上着意戀袈裟

又

不識祇園路尋山開竹籬春寒嬌鳥入夜靜老僧知樹

雨濃新畫石烟落舊詩還餘方丈地掃雪傷峨眉

正月十七

此眼何曾閉輕譙已四更非關今夜短不是東方明慢
捲搖雲氣天空散雨聲荒園春鳥落偏入客愁驚
正月二十一宿豐樂僧庵次日早發將寄何庸夫

諸君子十六首

不知明日老却悔從前非到夜霜鐘夢初春雪衲衣金

山扶鳥上鉄鎖釣魚歸東北邗江水何曾一雁飛

次日係賤

辰故嘆息及之

又

黃山詩畱

辛亥

卷之四

四

山昏失北固樹黑盡南江鑿壁穿精舍讀書借竇缸雪
留香飯甌天補落花窗半夜邀僧話愁心未肯降

又

支公借市隱停轡解金繩一水洞雲壁千峯射雪屏魚
敲深梵月鳥亂早鐘僧浩切浮生半歸來問大乘

又

曉渡昭關上雪空萬歲樓山容漫欲老友意好長留藜
藿依狂士笙簫避列侯沽來椒酒盡解醉不曾休

又

百年已過半身後漫悲歌俠客投金少王孫枕淚多烟

寒春塔樹天盡海潮波不敢訊知已其如一飯何

又

雪埋鷺嶺合晚掉龜潭分送送峯頭樹依依江上雲天
書低北斗地氣入南薰慷慨許公意豈關絕代文

時江
南大

雪寒甚凍死
者數萬計

又

此骨爲名謾此官以拙貧仲連雖魯士季札亦吳人海
岳孤臣淚乾坤一劍身健鵬挾兔後春燕許誰親

又

駿馬毛輕脫神龍角漸彫自難留歲月况復事飄搖雪

黃山詩畱

辛亥

卷之四

五

凍松楸結庭虛燕雀驕蘇耽并未塞淚斷墨溪橋

又

此夜丹陽水昨年白鷺洲長蛟江影斷孤雁雪痕留漁
舫燒青籜酒家換黑裘猶堪收老淚歸去註春秋

又

結束從商旅連舸坐輕軒高賓分七國蒙錦散千門風
遍雲收夜龍飛鶴唳昏一經何足恃不讀任兒孫

又

時何庸夫
遣使遺問

河塞舟人少情親使者來食簞炊玉熟瓷罍水鳧裁不
識投書渚虛傳試劍臺春園竹亂長許待老夫開

又此月同家黃門
及標兒生日

故園正月酒兄弟眼中人北海黃鬚醉南天白雪新靈
葩卜寶鏡玉臂夢雕輪莫怨徐陵老子山待爾親

又

剪燭分愁句開檣避客船南杓侵壁域北鷺別春天社
鼓飛花雨官航吐炬蓮也須此夜盡親見大茅仙

又望茅
山

無地尋心季有山問葛洪魚龍鞭海北鸚鵡傲江東家
與仙人近生逢吾道窮會聞埋玉冊春雪白蜚鴻

又時胡非熊
約後至

黃山詩畱

辛亥

卷之四

六

誰掃山頭雪懷君一葉舟家貧半恃懶客避可忘憂何
遜梅千樹履靈書滿樓金焦期舊約泯瀾向天流

又

眼力除前短齒齟春後長愁多藥漸減老力髮猶狂艷
雪江魚罩濃雲山韭筐中風從未嬾不必怨他鄉

過佟壽民姑蘇寄園看梅四首

逍遙留虎閣射雪過綺園高下梅依嶺淺深樹結村危
橋沉日景曲洞倒雲根定有花吹額分香聖主恩

又

幔亭懸碧水老樹接蘇臺白苧清江落綠沉明月開風

流何遜去慳淡子猷來燈火留鳧雁應憐作賦才

又

有地撐高樹飛虹渡草亭梢花濼澗碧泚水帶山青梅
綻疑藏雪樓虛綴落星范雲重大節不盡酒如澗

長沙又

鳥縮三江雪寒吹二月梅綠文流淡粉紅棘綴深苔石

法蠶椒書書徵金殿才猶憐橘井淚柴鎖為誰開

燕春舟中得湖州太守王公諱弘仁

曾約罨溪水十年得大賢雕旗纏錦錯袍鼓湧樓船花

氣環孤嶼山光載穎川神龍傾蓋地彈劍送春天

黃山詩畱

辛亥

卷之四

七

同遲糧儲王驛使侍馬撫軍宴二首

特簡天人表星分江漢槎梯航飛玉粒郵使散梅花巢

燕春千樹歸鴻雪萬家經營召虎力北斗指金華

去盡又

七政回星次三吳控帝區龍騎分海岳王會輶車書學

易乾坤靜叅天調燮舒庾公樓上酒春色勅兵厨

公齋頭

易象諸書

再過姑蘇得胡雪公

先大夫受業弟子也先大夫以靜海謫姑蘇幕循遷太平

震澤趨庭後黃山墮淚餘晴湖留過雨花嶼訪遺書簫

鼓樓船會山川錦步車當年鴻雁侶霜雪近何如

再過虎丘四首

泊纜山門外無聲水北流沉波搖綠野周靜香宅在此危磴結

紅樓直塔三千界孤峯十二洲春烟浮白虎神箭護王

侯孫武子墓在虎丘

又

曾禮平丘頂孤踪二十年名從先帝策花載使臣船輸

輓分江漢舳艫雜管絃於今春水上殘雪淡山川

又

星亾纏老樹水影亂棲鴉一片石頭雪千層塔上花苔

黃山詩畱辛亥卷之四

八

封烈士墓春入野人家寂寞沉簫鼓孤舟落日斜

又

不老溪邊樹寒烟擁寺門飛虹駕練影神劍劘星痕海

甸千峯合江聲萬櫓喧歌船不送酒迴避入桃源

午睡四首

午睡沉難醒滌花繞半溪不知江水濶纔到六橋西

又

危橋深避客春樹葉紛紛不看山頭雪愁來海北雲

又

無意春風起偏多嬌鳥啼不如驚夢早休渡竹橋西

又

只見山頭雪不見江上人那知昨夜夢雪色斷江津

孟東園先生招同邢命石顏修來看綉毬初放

布幔晴茵石簟開輕寒雨洗送春廻疎星巧綴天孫織
團月虛傳漢使裁眼入青箱書幌去香吹白玉殿頭來
桃花結子三千後又上吳宮釣雪臺

又

柴鎖青烟遠逕低為忙花事客遲遲疑來嶺上梅千畝
不放山陰雪萬枝槎泛銀河濺水落樽開石鏡倩人移
謝家自愛東山樹坐到春深爛熳時

黃山詩畱

辛亥

卷之四

九

得張際亨二首

際亨來金陵讀其詩文諸集泰岱雲流芙蓉波碧珠璣在天撫我風

雨拔劍床頭慷慨東西始嘆吾東海未嘗無君子其人也閣泪言別兼呈正句

春寒燕燕接江聲近在天河星更明手挽三山飛草檄
枕消八陣坐談兵天空解珮鬚猶動血濕盟書劍未平
誰道魯連千載後於今不復過聊城

又

東海雲晴十二樓懷人華不注峯頭曾籌輸輓封函谷
誰薦奇文似馬周淚許秦庭七日哭歌輕燕水半行秋
鐘聲客病聞雞起不脫江寒四月裘

和佟儼若世兄扇頭惠韻六首

時清明前一日

又近清明節江雲遶樹屯雨纏千葉塔水落萬松門杯
舉黃花岸帆開綠野村將軍高閣上憑弔一消魂

又

山中黃髮在縱火盡蕭然薄祿分春雨微軀結樹烟風
雲催過鳥海嶽老啼鴉那得携君酒桃花送客船

又

啼咲同官後飄搖大樹筵白雲纏北斗青草暗南天客
淚封知已尋山剩黍田但能歸去早七寶問清泉

又

馬周卿相事肯老食江萍囊捲春榆葉書高秋雪屏杏

黃山詩畱

辛亥

卷之四

十

花翻水白柳絮入湖青更恨山頭鳥非關君自聽

又

驚得叅軍句高懸片葉蓬客從七馬外名落五湖中俠
骨黃金少奇文白雪空交情分北海莫漫怨春風

又

死生歸故友此輩愛江清無淚沉花妥有家寄雁聲山
川依謝眺虎豹問君平臘燭明宵出餘光分半檠

清明後一日雨中舟泊池峽張邑宰紫巖載酒言

別兼寄舊太守公四首

使君載酒過谿東雨細烟寒避落風髮短水精驚鏡藻

力餘劍器脫神工峯搖雙塔沉江上鍊鎖長虹入鏡中
不斷齊雲舍木末桃花春水送歸鴻

又

急雨回船峽口東桃花西嶺問殘紅半湖疎柳愁蘇子
環渚空山怪醉翁留客珠文噴海外沉瓢魚影老江中
主人自有巴鄉酒莫怨青蓮一夜風

又

開檣竹榻臥江聲過雨飛花到水晴浪擁漁航歸斷戍
天低草色泛孤城書痕枕泊桃花濕甌底烟消榆葉輕
坐對故人親送酒可憐昨夜已清明

黃山詩畱

辛亥

卷之四

十一

又

行行江柳雨依依空缺天南使者歸挽花撒漩帆側過
背風浪濕鳥輕飛沙晴冒竹白魚跳石亂攏雲青草肥
不是敲尊無酒意寒花故落野人衣

青青行

麥青青柳青青青青水色入江亭鷺宿淺沙落又飛鴻
雁北歸去復停曾顧雪深牛馬縮亦畏淮河白骨撐流
亾不肯食官米糲發金錢市井爭五岳四竇失所長魑
貓食虎大官養上下血流白晝吞手橫喜怒翻羅網紛
披詬笏自神明射獵衡石勞昧爽雨深雲厚江漠漠草

鬱堂高掛銀榜千仞峯頭鳳子飛誰掄羣鳥問痛癢清
秋皓月魄當空山幽長嘯埋魍魎堯舜禹湯皆設官何
曾晝夜苦執掌願請多用讀書人猶爲良民理冤枉
再過太子磯將呈友人
山河萬里色依依雲濕花殘嶺半飛未老青榆啣鳥落
誰封白雪送鴻歸春風寂莫梁王殿江雨濛澗太子磯
不見投金千尺水吳冠楚劍一麻衣

黃山詩畱

昨日江上風今日江上雨風雨斂江濤蛟龍泣颺怒漩
波山影搖雲黑迷崖樹帆側落孤村悽清點春鶯慘澹
黃山詩畱

辛亥

卷之四

三

賣酒家青帘出柳渡高雪塞天河潮湧垂綃露倒影驚
石飛星辰墜無數珠血隱如字愁逢蒼水使力拔掣電
雷進退無所試汨眼睜蓬萊桃花一再墜鼉鼉飛碧梁
網羅密如織猶載蓮湖米可爲嘉賓食猶懸峨眉箋可
書山水意猶餘麩米春可消甲兵事初飲共一瓢再飲
淚成血痛哭自哀哀未醉髮如雪髮直再痛哭醉言生
死別大呼闢龍門老龍嗔欲咽杖斧追龍涎瀉瀦窟窟
穴嗟嗟爾老龍余其哀以說財賦積江南挽楫連車轍
天不藏于民水旱萬室絕雪深秦淮水牛馬毛如結橫
粥四萬人食盡骨叢折廩米數千斛不厭饑民舌縱橫

發金錢不如一蔬啜察察以爲明几席蔽媒孽大半養
虎狼生殺在白紙小吏身可容大吏無巧伎搜括薦上
官是非寄三耳左右環赤衣晝夜門如市洛陽與南陽
膠結經營藹若去張司空西南亦已矣余亦無所求敢
以傾金齒官舍醜無米饑顏羞粟里柳毅自貧儒此來
無所喜勿需珊瑚枝不艷金闕靡屠伯吹細毛黃金易
生死拂袖長風悲母亾歸無期吁嗟乎江之鳥亦可飛
思江之魚亦可遊思江南之官不可爲思吁嗟乎江南
之官不可爲思

過太平

黃山詩畱

辛亥

卷之四

三

驚傳勾漏已還丹懶惰門關玉趾寒剩有徐孺賢太守
猶來折節下前官

東郭太守

攬轡齊山山半亭相憐池水草青青郭生年少才揮霍
肯再登舟御李膺

哭見心和尚

僧諱湛衲號見心別號古
甲精於畫不求知於人

富貴不可得空名受亦難况復逢知己不敢一技看憐
僧以畫著露頂撇禪冠所恨名不成擁衲抱食單介之
劉太史墨汁潑江干怪石倒天落瀑水驚危湍千峯渾
墨汁樹雨倒迴瀾高懸太古堂雲崩墨未乾一贈郭逸

仲一報大春官自此立騫騰乾坤扶羽翰畫水凌滄海
蛟龍避夜彈畫雪射淡粉峨嶠萬里寒寒聲噴四壁高
賓坐石軒字曰白雪僧神物憑在臂聞之于長安公卿
書如積揚之于秋水諸家皆迫視其法用古人不爲古
人易相許讀三年經營力最屬腕內調風雲可以持天
地天地不兼成奇人不再生才大遇軼軻自惜身後名
子貧不可富子賤不可榮得此一山衲友稱南湖精回
首放深山風雨傲縱橫蒼天何夢夢亦死此山僧文章
遭鬼妬畫工豈所憎草木變赭色山色失遠青世絕老
畫師天隕處士星嗟嗟彼蒼天不平其謂何昔爲乞丐

黃山詩冊

辛亥

卷之四

十四

兒掬棘金谷歌昔從牛馬後太階凌銀河富貴期百年
且恨不能多此僧三尺軀一手弄清波生亦山半屋死
亦山半阿何有亦何亾亦俾悲泪羅其人則已矣其如
畫工何其畫則已矣其如天地何

遣使蜀中乞宋艾石買景要園莊八首

時丁母
夫人艱

誰牧江干橫虎狼市頭白日行人藏可憐嚼盡前官骨
又賣溪南附郭莊

又

黃牛纔報使君書着意南園水竹居足起樓臺千百晦

爲君又早種芙蕖

又
遠屋荷花四坐香輕舟六月納微涼當年猶記采菱女
挽棹長歌送侍郎舊爲高侍郎先生園亭

又
繞溪楊柳綠雲飛水泊山橋送客歸只恐明年來故友
柳陰不是舊柴扉

又
種竹十年南畝津饑來搜筍不全貧於今嶰谷含烟雨
別拂青梢媚主人

又
黃山詩畱辛亥

卷之四

十五

又
墻西花落過墻東梅子新兼杏子紅莫上東山絕頂去
飛花自恨主人翁

又
誰許江南取一錢做官賣盡舊青氈縱歸海北無餘地
避得長橋亦可憐

又
母魂倚望泪依依我已無家何所歸坐送春風鴻雁影
行行兄弟自同飛

又
青陽山館懷舊令楊子閩人諱夢鯉

又
半挿孤亭老樹支參天一蓋影垂垂巢危鳥宿石人背

薜剝虫封前代碑松栢寒深鐘斷續芙蓉青入雪參差

不知宓子琴何在繞坐千山月上時九華山在前

上張撫軍十二首

公號玉如子以藩司從事國士禮之及丁艱破產公力調濟咏

歌逸事士為知已非云佞也

羅列峯擎百子晴環青鍊柱海門城司空十日臨江酒

漢武三千封禪兵丹煑白麟春臥雪書啣赤鳥夜吹笙

重來雙塔鶴留處爭采藤花上木精皖上百子山有長春藤服之可仙

又

涪翁亭倚大江流萬里江聲四望樓分爨廩人歸白嶽

救荒宰相起青州還封玉冊龍湫出持節金旄渤海收

黃山詩畱辛亥卷之四

十六

自有綠衣來夢裏蓮花九子泛清秋

時江上水荒飛鴻載道公施粥涪翁

亭上生活萬眾古君子有扶危濟困夜夢綠衣大人稱謝即皖上事

又

購金漢使竟何如今日新詮山谷居人在天門修禮樂

圖來龍亢接車書又歸白鶴千年後不改黃庭十卷餘

乘月聞詩留估客同舟却贈杏花魚皖上有山谷書院前代君子藏書於

內久湮兵火公新修綱目政要諸書

又

曾泊三山水亂流相公早識夢仙舟牧鷄雨洗黃山竈

寶馬雲輕白紵裘絳雪峯西邀刺史清輝水北擁桓侯

相傳昨夜靈墟鳥啣藥長生到鬱洲

宋陳堯佐泊太平之三山夜夢神人

告以賢相之兆

又

千秋嶺外五湖分嶺上桃花湖上雲赤鯉琴聲波泛泛
青溪石鼓月紛紛丹成松隱陵公露功著碑痕謝眺文
臥看敬亭天半影直懸春水到江濱

寧國有千秋嶺下視桃花潭仙人居

又

黃鶴山頭黃鶴飛仙人白日五溪歸筵開八座蓮花藁
酒落千峯秋浦暉着雨村烟分墨濕閒雲楓水釣魚肥

黃山詩畱

辛亥

卷之四

七

蕭公折節修文事護惜龜鼉太子磯

黃鶴池在池州山中寶子明乘鶴往

來其上

又

金庭飛鳥漫長風天上笙簫度八公平野稻孫侵水綠
雙橋龍子射江紅甲兵一夜回蘊武

官名禮樂千年起仲

廬有金庭山為王子喬居

又

八百年來雲母餐羽衣道士紫霞冠含園花落桃初摘
厥閣星流酒未寒龍女晴沙金萬晦虎坡春竹玉千竿
邛憐圖上歸鴻冊不向沉碑惜墨乾

籤輕符離人食雲母度八百歲

又

江洞三十六山光鄭重奇書註紫陽問政不妨石室去
看花自許釣谿藏龍從黃帝山中輦鶴背青蓮鉢底香
愛戴羊欣千載後新傳婦子解文章

朱紫陽新安人著綱目公重修之

又

車載甘霖六轡還不須燕燕禱黃山范公亭上雲如客
諸葛城邊鳥自閒吳楚樓船分漢水秦淮鎖鑰入賢關
踏歌粳稻青千里坐受兵消明月灣

桐有橫山歲旱禱雨庚戌五月不雨

公一禱輒應范公亭諸葛城俱皖屬

又

黃山詩畱

辛亥

卷之四

又

遠浦橫流惠政堂清風樓北水滄滄輕舟不許邀神楫
一石何曾入劍囊梅野還消千騎壘桃花舊宿萬書莊
沈丘自著河防議况渡乘槎漢影長

歷陽有惠政堂宋辛宗賜守臣也

又

瑯琊溪上水清濛五百年餘扶醉翁珠射客衣明月在
香流石磴白雲空稻花夜濕留吳蔚虎杖僧敲度衛公
到處野人歌土鼓山樵不必調全工

歐陽醉翁記瑯琊山泉公明不為察

竟不為縱吏民安之其五百年之再見者乎故採民謠為十二章以俟國風

贈總督豫閩尚書張温如十二首

浮渚擎飛閣鈞天秋水新江頭雲入楚洞口樹歸秦鐘

鼓扶殘臘蛟龍護老臣花侵石鏡底香濕玉筍垠騎鶴
來梅福清鷗問叔倫柴車應早至同是采芝人

唐刺史韋丹祠

近滕王閣兵火久圯公捐金重建字曰鈞天

洪崖山萬丈上與白雲齊范老春花早魏廉秋菊遲山

遺藥曰在甲臥梅巖栖野叟歌三善歸鴻過五谿

玉谿寫谿蕪榮戟天上列簪黻聖朝梯會宿桃源洞蒼烟放

牧鷄時江右兵民雜處公創構營房以安兵士

君子亭猶在南屏濤影流丹成憑白石冲舉駕青牛坐

黃山詩畱辛亥卷之四

十九

講懷元晦得人問晉州龍涎囊背秘鹿洞草深秋四上

鑾坡直三陪鳳閣遊如君伯仲貴恩滿萬書樓

公再起漳江書

院并置膳田兼修本草綱目

駐節匡廬頂橫波濺客衣珠噴星宿落雪浪蛇龍飛書

校南康日雲高西澗輝簫聲鳥度曲石瀨鯉空肥人自

青城至禪從黃蘖歸掛流三百丈甘雨漫霏霏

公安賈惠民德

在江右

又

海鯨終未殄烽火到江城雪寇推陶侃陳兵識灌嬰旗

翻彭蠡沒甲洗飛魚平直搗白麟塞高懸青谷營星搖
六水動月上八公明千里樓船下何曾草木驚順治十
六載海
寇犯金陵公提兵抗敵
內封豫垣外控皖塞

又

天盡九江水鳥啣萬戶霞修魚高白雪澄麴艷丹砂靈
谷山多橘秦人峯戴花荆養生甲外鷄犬失仙家望闕
縑租隱陳書歸雁斜朝廷從所請何地不桑麻南郡兵
荒之後
浮租二十餘萬
公抗疏入告

又

天兵驚萬櫓江漢避千帆沉火青霄出飛牽素手摻覆

黃山詩畱辛亥

卷之四

三

鼉愁夾楫老穉荷征衫召匠徵龍甲官錢去免爨分航
趨買市舉網曠魚饒尚有紅船渡山僧薑不鹹江上兵
行絡繹

公捐造紅船
嵩司兵馬

又

一石雲中出炎天宰相扶絃歌開紫帽草色散青湖番
舶千帆影珠還萬艤圖鍾南仙子芊滌北老翁壺藻鑑
歸承叔文章識定夫游曾憇龍舌上秋靜入平蕪七閩
兵焚
萬戶流公
撫綏安全

又

自見東南氣誰分蘆荻根舶帆真德秀稻囷陸長源玉

女紅雲幔集公綠葉痕舳艫千嶂合鳥譚一王尊雲影
連江閣天風出海門從來貢萬國珠淚復誰論南海用
兵禁絕
商舶公上下制
馭用惠南國

又

環海千畦稻涵江萬樹梅山樓分水戒竹箔斷魚來忽
塞瀕渠畝重逢上釣臺備安方置庫劔荔少餘財漁寇
封高爵武臣列上台自公攬轡去舉酒望蓬萊閩中賧
田世業
悉近海濱分界轉徙公
思緩輒惜在閩未久

又

懷玉山人夢承恩南斗迴傳家三鳳起世業八龍開有
黃山詩畱辛亥卷之四三

母分蔬水呼天平草萊何曾紅蔕飽再失白魚哀嘗藥
春霜冷乞齡燕雨摧定知鎖鑰地悵望紫泥來公事王
太君藥
鑄簣殮晝夜罔
懈母恩無二

又

同入啣珠掌孤封橘井園龍塘衣自舞雉嶺雪猶吞遺
杖慈顏憲攀轅聖主恩懷柔分斗宿孝友列天門秦國
思眉壽姜肱戀弟昆孤亭清水上洗犂上朋樽時值公
初度皖
撫公感兄季友無以將忱屬將詩書
以獻稱鴈故不厭委委以報知己

過三笑堂用王陽明先生韻

廬山石背依秋草結屋山陰坐更好客到看花泛虎谿

金篋剖皆禪心老秋老經聲萬壑哀盤渦鐘磬兩峯開
月明不許靜修去爛醉還携大士來忽邀山月醉白首
床下雲眠床上酒酒盡溪南大嘯回塔擁虬龍骨未朽
缺甲千帆過北庭漳江血落洗沙汀長嘯山空自在樹
危崖瀑水入天青

過東林三首

攀磴千峯上人家萬樹中
相花低淺綠楓葉卷微紅
問釣長溪北叅禪小澗東
山川猶在眼風雨問諸公

又

山雲沉澗底樹雨送諸天
碑斷猶餘字哇荒不種蓮
梵黃山詩畱辛亥卷之四
二三

留龍洞口人到虎溪前
金粟身何在殘經歸鏡船

又

避風去素水過雨墜蓮房
傷屋畦流狀危廊山補墻
嘯聲疑在樹花影半侵床
邗復存詩社不嫌載酒狂

滕王閣四首

玉臺天上去此閣瞰江深
桃李新沙岸山城古殿陰
巢虛看鳥落秋老聽龍吟
何處檀欒影空波待月尋

又

不盡章江水乘槎漢影長
山川空甲冑風雨護文章
塔落孤城隱峯懸高閣藏
斗牛終不沒天地見光苾

又

飛閣千年後提兵萬里封月懸南浦鏡雨泛北湖鍾埋
玉無多冊撐天第幾重夜深分紫氣高臥看神龍雷

又雨二首

曾聞凌復道石壁綴丹梯愁避蛟龍臥寒驚鳥鵲棲懸
峯留雨細遠浦帶雲迷彷彿停車馬乘波章水西
章江

凌槎銀漢落天孫歸省御書朝至尊奉詔呼不受拜
珠文血映帶深痕沉鎖金蠶吹萬葉旌旗千櫓章江屯
層燭疊帆垂火樹波明星動亂雲旛雲旛輻輳縹渺飛

黃山詩畱

辛亥

卷之四

三三

天低南浦影微微蒙蒙錦渾纏越裳國繡耀玳瑁孔雀翬
珊瑚垂鈎迴烟霧鈿床玉壺掩青扉日暮不見行人渡
黃鶴白鳧懶惰歸鬱鬱西山樹半紫樓船簫鼓斷江水
黃幄金鋪行殿開臙脂翡翠凝花藥宮女錦纏刀在腰
跋扈乘龍覲聖朝七星魚尾聲脩脩龜鼉風雨自飄颻
吁嗟乎驛符檢點排官船連江燈火照青天

閣雨二首

高閣飄搖夜江聲奪戶摧懸恩斷驟雨危棟響崩雷秋
入山桐樹沙侵石逕苔竹床無落處迴避老龍來

又

風雨來何驟危樓天半搖沉雷競壁走卷畫入波漂親
見蛟龍影疑翻烏鵲橋莫驚高臥榻不是海東潮

五月三日自皖江南下舟中歷述所見留三十首

其餘八

又是龍舟渡孤帆送遠行雲留黃父樹雨過越王城遺

犢孤臣泪擁車萬戶聲願留鎖鑰在濁酒灌江清

時請留張

撫軍在任
守艱不果

又

暮雨空江岸垂籬繫借舟書饒倩社宰甌側問蒼頭螢

亂天低影雲歸戍斷樓南風終夜起不敢泛東流

黃山詩畱

辛亥

卷之四

一

移棹漳湖北懷人桑落西問天尋酒市歸鳥戀沙栖山

斷白雲續江高黑樹低蛟龍一夜泣風雨自悽悽

又

不作迴車哭還憐鼓棹歌眠絲愁繭盡截竹恠龍多帆

側江間影雲搖山半阿靈均去未遠有客唱哀些

又

無酒酌公子空航渡老夫石鐘湖口斷鏡柱海門孤浦

賦愁金盡深江剪葉鋪馬當風過處遮莫有神呼

馬當山名

又

江上望江水江深倍可憐敲冰疑血凍汲水愛魚鮮草

盡池中雪鴻歸海北天休徵終有母攀樹許何年望江縣有

臥冰池王祥奉母處也
字休徵弟王覽字忝通

又

萬里江流下天門
撼小孤雲根春燕落石洞老龍扶削
磴凌三峽危峯障五湖南山橫斷枕夜半鬼神呼

又

康郎何處渡山影散平湖水盡三江落天高五老扶甲
兵西斷楚梗稻北歸吳千載威公在橫秋大小孤陶威公橫

秋霜而
貫白日

又

黃山詩雷辛亥卷之四 二五

不復堯俞至肯留海北園携書訪鹿洞追錫到龍門月

上清暉閣風吹秋水樽庾公樓上客談笑滿乾坤

又

自藉岐公重敢沉謝泌書朝廷惜駿骨海嶽上柴車爲
客留鹽齏看山採豆蔬相逢開石廩不釣曲江魚

又

晚棹乘流急蒼茫萬櫓喧烟濃沉浪細月小入江痕
淙淙魚聲亂陰陰沙影昏蘆中支睡眼孤艇釣絲翻

又

漩澗上湖口驚濤鷗鳥疑浪高濶岸沒帆動遠峯移雲

荷幻無着蛟龍渾未知於今舟楫穩尚待好風吹

又

厚褥今猶在竹園不可留春竿疑半老秋筍爲誰愁百

嶂東山隱一溪西水流萬年疾足健鄭重豫章樓

讀孟嘉史

寄長孫慶以慶有小恙也

又

不得王弘出北村無酒賒鐘聲敲白石江水養黃瓜城閣橫低嶺彭湖擁斷沙烟波今夜起月影落誰家

又

悔我梅根去憑人修水過北江青嶂少南浦白雲多戰

黃山詩畱

辛亥

卷之四

一

士懸弓橐漁航鼓掉歌天涯同是客纖月弄清波

又

看山留七日破浪過南湖樹結石門閉城懸沙岸孤人家縈水住漁子隔船呼何處鐘聲落風流懷大蘇

湖口

又

環峯依水落一柱補天空浪湧山光白霞翻塔影紅蛟龍避劍怒雲雨怪神工錯看青天上僧歸縹緲中

又

纔泊南湖裏驚濤避大孤飛樓連鏡柱蒼水護金鋪花落秦人少雲歸神女呼飄搖一塔上直入九天扶

上下盤渦逕參差三四峯石聲斜墜燕塔影亂騎龍直
壁波含雪無僧葉落鐘往來琪樹叟着意白雲封

江落千山外城低百萬家晴峯依榻入隔水渡雲斜父

老言兵事高田漸種茶我來已五月無處問桃花

蘇長公有

東風吹落碧桃花之句

又

都陽不我渡一夜颶風吹岸仄千帆落城孤一塔支波

黃浮日動山黑傷雲移亦欲尋吳猛相邀白羽披

吳猛渡江

黃山詩畱

辛亥

卷之四

三七

風濤大作以白羽扇畫水而渡

又

北斗一星直瀟風五月寒驚濤催木葉仄岸折漁竿天

遠崩雲暗江空綴雪殘娥眉慘淡影同照淚痕乾

五月十一

夜大風湧起寒如深秋濤聲并泝草木變哀故識之

又

南山凝白雪西山出白雲下看湖中水雲雪白紛紛石

聲觸水落帆影到天分只有湖邊鳥悽清不忍聞

又

雨障廬峯頂雪沉彭蠡陰空懷靈輒飯誰解仲塗金錦

織赤衣舌江空白水心橫舟競渡處劍拂老龍吟靈輒字翳

桑或遺之簞食懷以食母柳開字仲塗以全遺貧不能莖者

又

風聲不在樹水聲不在天風悲水怒號疑在廬山巔影動千巖月寒吹萬竈烟不知星子路縹緲看歸船

又

浩浩石聲急湖天共水長濃烟低落塔飛雨斷危檣易

卜夷陵寶書歸寒碧堂斗南泪盡處縹緲已三霜狄仁傑稱

斗南一人登太行望白雲孤飛泣下不能去

又

黃山詩畱辛亥卷之四 壬

颶風十日坐米盡質鄰船食簞蘆中容武臣江上仙無

才題寶相何句謁臨川恐下君王詔未陽報醉眠

又

湖風分上下神力復何如泪濕虞潭珮血濺徐偉書帆

低依白鳥炊盡折青蘆只有文疆骨蕭蕭無所餘彭湖有神

能分上下風

又時李生善易同舟相從

江雨晴還暗山雲淡復濃說耐枝葉變劍着蒯緌從箕畢熒天象晨昏亂寺鐘知君精筮策前路却誰逢

又

墨水我無屋缺山君有廬草深風力厚桐老月痕疎江
遠留孤客官貧讀異書猶堪消寂寞出載赤幢車

偶紀十九首

讀史以示諸子
孫非云詩也

溯彼劉僕射小大皆瞻舉內以總朝政外復事軍旅咨
稟亦盈階聽訟驅雀鼠安危視大臣調燮矢當宁或勝
墨墨者鳥鳴呼其侶

南北史劉穆之以左僕射內總朝
事外供軍旅賓客輻輳咨稟盈階

日覽詞訟手荅書箋耳行
聽受口並應醉悉皆賒舉

又

歐陽悲乖錯公綽詠舞文枉直非私窺生殺豈意分一

邑且如此天下其誰聞

柳公綽行部見貪吏並舞文者
公詠舞文謂貪吏法在舞文法

黃山詩畱

辛亥

卷之四

三九

亡也歐陽修令夷陵取舊案反覆之見其枉直乖錯不
可勝數乃仰屋嘆曰一邑如此况天下乎自此遇事不
忽敢

又

迂哉羊叔子積粟何十年但恐成朽粒何如賣官錢鈔

閣三千甲襄陽八百田以此持德量喜怒無所偏

晉史
羊祜

鎮襄陽與陸機相持鑿
田八百頃積粟十年

又

嗟彼雷與陳顧此漆與膠黃金深固結頭白莫相拋亦
思連理重誰為死生交維鵲苦經營飛飛鳩作巢

讀陳
雷集

又

元結文長在光芒見石門家聲留二叔酒病老孤樽貧

以山川重名從兄弟存馬安貴意氣嘯傲寄雲根唐史元結

避亂樊上與武昌令馬安為友或稱酒徒或稱曼叟有

子二人長叔間呼為直者次叔靜呼為正者其孝友見

重於世元結

百年奉酒約五夜聽江聲哭雪廬猶濕看雲山未晴散

金酌國士脫襪喜吳兵當代威公出為歌白水清陶侃酌酒

宴賓必為飲限或問故曰勿多失酒慈親見約故不敢踰

又

勿云貧賤累孝悌生葦門子珪豈無事真長果有孫兄

黃山詩畱辛亥卷之四 三

弟相師友文章自討論着衣拱壁外操行百年存史劉惔字

真長少孤織履事母葦門陋巷晏如也後六世孫名獻

字子珪五歲時聞舅氏讀書寧傳欣然聽之曰此可及

也弟璉字子璣璣隔壁夜呼之璉下床着衣立然後應

兄怪其久曰頃束帶尚未了也其操行友恭如此甘貧

力學兄弟相為師友袁粲嘉其清德咸薦於朝

不愧書屏後坦夫有四公忘身先孝友力學鬱精忠清

貧一家事開濟兩朝功所謂天倫重非關大道窮宋書呂夷

簡字坦夫真宗識姓名於屏後拜相自仁宗初立太后

臨朝十餘年內海內晏然夷簡之力居多封許國生子

天下無雙士篤生子與孫萬言遺袖草七歲倒詞源累

葉文章事三朝聖主恩原從孝德著不必以名尊安陸黃香

字文疆事親至孝累遷尚書令天下稱無雙士生子瓊

字世英李固遺書曰世皆為處士純益虛聲願先生強

起以雪此言及謝政後語不及家事草封萬言以進諡

忠侯生子琬字子琰建和初正月日食京師不見瓊為

魏郡守以狀聞詔問所食多少瓊不能對琬時七歲在

傍日何不言日食之餘如月之初瓊異之累官光祿大

夫

又

毅夫忠孝著韋布自能貧不失天下士學成第一人

獲事聖主沒亦浴龍津大洪絕頂上風雨擁孤臣宋史鄭獬

黃山詩畱辛亥卷之四三

字毅夫安陸人少負俊才行成忠孝以文章著於世仁

宗廷試焚香禱天願得忠孝人冠多士已而獬第一後

又

誰謂臨湘侯而有二陸友贈嫁亦細事死生得不苟與

疾治大軍君恩推牛酒所謂社稷臣君當其一否晉紀

正屬學討平陳敏封臨湘侯嗣王毅作亂輿疾治軍君

賜悉已出也帝常召入內室問瞻方

又

其源不可澄其流不可湜玄宗有景初劍南無荆棘扶

以保護功調濟乾坤力苟不平其心國鈞誰之職陸象先

景初于玄宗朝太平公主擅權欲廢嫡立庶公在政府多保護功得以不廢及歷劍南等處觀察所至吏民尸祝每曰天下本無事庸人自擾之苟澄其源何憂不治

又

上下咸一德父子有同心可以任天下可以全人倫君

臣疑則讒父子疑則嚚小范曰盡義大范曰至仁范仲淹字

希文做秀才時即以天下為己任宋仁宗朝出入將相諡文正嘗遺子堯夫將麥五百斛過丹陽見石曼卿云三喪未舉即徹麥以助又聞二女未嫁并贈之舟還見公曰曼卿喪嫁是急以麥與之未足公曰何不并舟與之曰已與之矣公曰善堯夫名純仁哲宗朝賢相以博大開上意以忠厚作士風諡忠宣

又

季長不可及用心抑何苦克讓無間言所難晏與普猶

黃山詩畱辛亥卷之四

恐跡不白窮達為舍取幸友暴上天子孫皆接武漢許武字

季長以二弟晏普少慮未成名乃析產為三自取肥田廣宅二弟無後言人皆服其克讓及晏普季廉武乃會宗言析產之故悉以田宅歸晏普天下歎服之後武孫名荆字子長兄子世殺人怨者攻之荆跪曰世無狀咎在荆兄止一子死絕嗣荆願代之怨者曰許椽郡之賢者吾何忍遂委去此亦季友之遺也

又

江盡蜀岡水淮南第一樓花催明月影酒散美人舟政

簡餘僧舍堂開諸客留平山何處是風雨吹揚州宋歐陽文

忠知揚州建平山堂上據蜀岡下臨江水壯麗為淮南第一夏月每携客堂中折召伯荷花數百朵命妓傳酒載月咏歸所治寬簡不擾數日間事十減五六公府如僧廬或問故公曰吾寬不苛急簡不煩碎非廢事也

又

將相兩朝績少年宰海陵萬家沉雨竈四邑掛柴督戰

水長堤落驅龍大海乘於今數百里夜夜見漁燈范仲淹令

數百里以衛民田歲享其利民不作怨聲而惠及萬世

道使民也

又

武城稱季友積累及處仁同慶者四世同官者三人貯

書遺少子石銘見老臣錫以德星堂亦曰全天倫齊武城崔

邠字處仁官太常弟鄆觀察使鄆官僕射其先崔潛崔

後崔瞻皆以文章季友垂家同慶四世帝嘉其一門季

友題所居日德星堂

黃山詩雷辛亥卷之四

朝廷懸儲侍天地衡豐嗇季先去其廬平陸得所食嗟

彼刺史來繭絲必如織太子無多金何如為民賊山賓字季

先平陸刺史散廩粟給荒民後刺史至勒逼償米

失其家業露處風雨昭明太子聞之遺金治第

又

景伯有賢母對榻事養殮慈容接階下清風依華門生

死千年血蕭條萬樹原恨此晨昏短空懷烏哺恩魏房景伯

母崔氏賢有明識有某婦人訟其子不孝景伯白其母

母曰民未知禮何足深責乃召其母與之對榻共食使

其子侍立階下觀景伯供食未旬日悔過求還母曰此

雖面慚其心未也且置之凡二十餘日其子叩頭流血

聽之去卒以孝聞

江夜二首

主恩憐伯玉 唐王伯玉丁母艱去 孝德大臣偏夜響宣

樓鼓雲封太史船 荻燒秋岸澗星落 野沙連追楫三更

月蕭蕭江上天

又

慘澹天涯客 山門江畔開 慙慙減祿米 瀟灑放亭梅 湧

月留孤榻 看雲近上台 秋風昨夜冷 誰傷野鴻來

寄常州太守紀光含

浮遠堂開山色舒 秋風新送使君車 金蛇走電來廳事

玉女飛潭護尚書 種滿石邊罨畫竹 釣忘臺下箸溪魚

黃花自足蘭陵酒 肯到延平楊子廬

黃山詩畱 辛亥 卷之四

古

山寺夜月八首

傑閣清江上 懸崖古木疎 叅禪僧梵懶 泛酒月痕無 濯

墨蛇龍隱 高秋天地虛 栖遲又半載 黃竹問誰鋤

又

休兵三十載 何處問桃林 帶甲橫江水 踞床揮劍鐔 射

龍分綠幘 搦筆謁黃金 約計瀟湘路 南臯聽楚吟

又 時張撫軍解纜北行

小舫猶容客 濤聲盡夜愁 星霜高楚塞 淮海斷吳鈎 曲

臂憑書臥 晴波載月流 昨宵鐘鼓歇 人去一江秋

又

石壁懸精舍，鏡繩攀一僧。寒蔬啄鳥苾，淺泊掛魚膾。病入深秋苦，山憑好月登。黃花今到眼，隔岸水千層。

又宮山土韻
迓名禮野寺，遊客放歸航。水盡平砂濶，星殘畏月藏。經聲熟老衲，漁火落前莊。爲客偏秋懶，淒涼九月霜。

又

水落山谿出，波橫古殿搖。門開千嶂月，江湧萬松潮。衲子虛留榻，將軍疑射雕。大龍絕頂上，愁見白雲遙。

又

放棹依陶侃，樓船夜半來。一時賓客散，千帳甲兵迴。月

黃山詩畱

辛亥

卷之四

壹

正光芒，白風輕。海甸開，猶餘舊牧長。依戀司空臺。

又

不識前江路，颶風天半濤。碑沉浮鳥跡，穴隱照龍膏。已哭珠痕見，還騎鯨背高。應憐蒼水使，夜半起揮毫。

是夜風起

幾設江上

九月十六皖江遙祝陳開之五十五壽

別後白麟九月天，誰携菊水醉秋仙。烏栖楚塞山頭曲，月滿吳官江上船。脫去紫裘將換酒，坐來紅葉不參禪。憑君肝膽還如鏡，五十於今又五年。

借白仲調劉筠友邀張澹修訪紫竹和尚四首

高龕新竹樹環閣舊山川虎踞凌方丈龍門列大賢
友爲澹
修弟子霜蔬秋子落雪洞老藤纏不厭清貧牧同叅惠
遠禪

又

此情天地濶大道在雷陳列宿纏星柳朝廷領搢紳珠
光留大士劍氣結才人
白仲調薦庚
戌第二人並轡尋支遁登臺

釣雪綸

又

跋扈文公力飛揚六代扶家鄰太傅舍句散美人湖海

北星芒動江南雁影孤山空金篦嬾隨意障屠蘇
白拈
易諡

黃山詩畱 辛亥 卷之四

三六

公文

又

江干深夜話放櫂半船書雪盡青蘿遠天空朱雁疎得
人報聖主避酒愛山廬尚惜鵲鴿鳥盤餐少饋魚
青羅
朱雁

見登
萊誌

送張澹修之里四首

崖薄江泥厚舟行客意違愁深無所寄泪盡更相依濤
磯滌楓下雲閒傍鳥飛知君懷白髮遮許小春歸

又

未了三年夢行行欲有言甌空餘畫籠官拙賣山園客

散桃花渡舟停燕子村歸帆過墨水寄札問柴門

又

無計留僕射空懷寄樂天春秋隱外史治亂訪諸賢
髮推平陸艱難投渭川憶歸桑落熟擁楫望神仙

又

誰復鞭青海逍遙萬歲河山東麻菽賤海北甲兵多
密繭絲苦書聞牛角歌扁舟懸子羽過粟奈愁何

雨東二首

雨凍侵麻屨更長接竹燈貪書修退筆憶畫哭山僧

和尚善畫 已凶半載 裹敝三年薄江寒十月水饑烏尚未飽隔水

黃山詩畱

辛亥

卷之四

三七

看魚督

又

已去山賓屋誰辭楊震金雨聲催夢嬾花色入愁深
藥白鬚落問天黃鳥吟寒松吹血盡隔斷故園心

姚太守書岑來自皖江遺蕙苴賦此答二首

客病隣初別單車無所疑圓珠侵白雪黃竹細青絲
懷飯山園淚封魚江水思夜來商舉火愁爲故人知

又

龍眠三月後白水近何如雪澹司空閣雲藏太守書
乾封方苦疫蝗蟄待新蔬恐有蜚鴻在二千何所餘

初冬于念劬送酒四首
飲僻浮山醪懶縫彭澤冠
乍來香近雪不用麴如丹
着眼長星澗揮毫白髮寒
愁深滄海夢抱甕據霜乾

又

莫下長沙泪空懷潁水悲
啣愁追落月引淚護沉碑
只此交如水何妨雪作匙
投金千尺渚不及叔倫卮
會度樊山客秦觀亦浪遊
白衣霜影斷黃葉雪痕流
擁日封書甕看山問楚樓
半生存酒意聞醉已垂頭

又

黃山詩畱

辛亥

卷之四

三

自是縈調燮同憐弓影翻
脂凝青玉液竿洗綠娥痕
限飲千年泪中書半夜尊
君王思麴蘖早問蕩湖村

和周履坦寒夜霜鍾韻

清晨百憂集到夜竹杯輕
霜薄抵牕冷恐是月縱橫
月翻霜影亂坎坎恨未平
深江千尺水照見古人情
古人不可見江水照山城
骨老寒沉榻霜空月更明
虎狼不在側忽覺天地清

贈周履坦畫師行

真也北海人七歲僭學詩
十歲好李賀憑弔天寶時
陳風識治亂非敢刺公私
翱翔山水間亦爲人所疑
防口

嫉醉吏睚眦報相期自此焚三百逃而學畫師方從宰
相後出牧南海陂壺公波萬頃楓亭餘荔枝無意摹古
人蒸變鳥雲垂縱筆追秋烟荻山血離離血落染冰綃
委棄捲蠶絲去之登靈隱湖水灌江籬且有西蜀客潑
墨鬼神悲西湖松十里梅老建炎碑樵牧牛羊臥樓臺
宿戰騎山川色慘澹丹青何所施去之躡雨花江城數
萬家新種十年樹驪山隱暮霞冠蓋憑虎豹繭絲失桑
麻七年秋地震白毛長瀆沙滂雨摧秦淮雪深骨撐枒
朝廷散侍粟積貯付官牙怨恨罰長陰使相賀白鴉筆
拙媿鄭俠徒懷鴻雁嗟去之禮龍眠德星聚九華上有

黃山詩畱

辛亥

卷之四

三

張司空江水避龍蛇南陵樹作雲白麟列奇葩官閒空
囹圄稻畦蔓秋瓜忽斷白雲汨難挽清水車鷺溪五尺
絹涓涓楓水涯頻作輓車圖征雲江半遮歸而謀我友
烟霞揮在手輞川追摩詰浩浩十千酒爲我畫叢菊問
誰種五柳爲我畫宿鳥鳳凰沒已久奇君絕代才山川
囊在肘拳空凌寫照毫髮皆能剖非徒畫色笑精神得
八九死可使之生喜怒不出口愁可使之喜美服復不
醜面目若各異鬚眉未盡負何必照肝膽隔腹分薄厚
頰毛幾寸長形影無差否曷不畫堯舜垂旒撫九有曷
不畫夔契禮樂稱佩綬亦可畫召杜田家樂鷄狗亦可

畫魏霍肘後黃金紐何必臥羲皇只來尋畫叟畫叟忽
長嘯出門江漢走數卷古人書構華不凝口曠野踏荆
蓐麋鹿畏山藪鼓鉞問朱門相逢何所取夜氣吐金銀
猛虎山頭守朽骨留百年失聲及瓦缶莫漫鑿磨厓輕
薄笑不朽何如一溪雲清風拂竹帚十畝載閒閒春天
種礎韭好雨來床頭月明侵短牖霍霍墨淋漓村醪歸
謀婦可爲鄰里歡可爲父老壽登山哭古甲錫飛風雨
吼其人以名留豈終哲匠後

古甲僧善畫早亡

四賢紀事四首

司馬溫公與兄伯康生平無間言伯康年八十餘公奉之如嚴父每

食問曰得無饑乎天稍寒曰衣得無薄乎白首友恭有如一日孟東園先生得古人畫卷杜子

黃山詩畱

辛亥

卷之四

四

漣有詩予讀之言念春今傷心大被屬而和之

相公歸擁洛陽歌兄弟尊敵白雪皤于今休向淮南去

遜說金刀尺布多

又

宋文潞公有園雲水縹緲泛舟如坐江湖上公年九十從容杖履諸子孫供奉以爲常杜子濂有詩余讀之念先君子年近八十子孫不能繼先緒致平陸之艱棄質山園感而和之

雲水園開百歲筵老臣扶杖月娟娟閒來供給兒孫好

消受荷花六月天

又

晉宋縉字令艾年八十餘高居樓上篤學不倦酒泉太守馬岌造訪不見岌拂墨題詩于石曰丹崖百尺青壁千尋奇木蒼蒼鬱若鄧林其人如玉維國之琛室邇人遠實勞我心予亦和之

烏巾白髮坐山暉寂莫丹崖鳥跡稀自是晉家賢太守

留詩百丈墨重圍

又

唐沈麟年過八十手書細字授古今事盈數十篋每訓子若孫按卷課之末有所遺常學道玉笥山單衣風雪嗜酒工詩

奕奕也予亦樂而稱之

木山雪落滿輕裾八十經年老註書不煑玉笥山上石高樓睡足到華胥

得宋艾石寄幼子七歲書喜為識之二首

自去山陰後崢嶸七歲見鈞捶皆有力筋骨復何師杜甫辛懃泪陶潛棗栗悲阿戎頭上雪別後漸如絲

又

懷中尚抱橘書學衛夫人到夜紅霞護分江赤水新生

黃山詩畱

辛亥

卷之四

四

封于麓厚笑受一經貧好惜東山竹青氈坐老臣

十二月雨中八首

入臘愁無雪輕寒和雨來水仙翻絲妥山客折黃梅樹影迷鴻爪泥陰濕鹿苔清晨柴火斷不放竹門開

又

雨密深如織寒聲送早鐘疎藤高樹拒細草半山容白水情皆淡青天雲自濃滄溟分泪眼何日哭長松

又

家書來北海愛客重將軍小果紅烽火蒸魚白雪文逢

迎骨更拙老辣泪平分千里夜深牧江聲送斷雲

時客有遺

山棗嘉魚兼寄張天石
先生札先生有溪牧樓

又

誰復悲雲漢天寒山雨輕封珠抵斗粟劇藥失山菁鴻
雁謀無着虎狼夜不驚街頭兒女泪慘澹內橋聲

時子
女夜

半哭于
市乞食

又

大官愛侍粟鄭重易黃金愁下勸災使遮迎矯詔臣獵
騎清塞路春燕穩巢林只讀王褒論寒江千尺溪

又

分愁翻舊史對雨問支離天限秦橋粟泪沉楚水碑

時
張

黃山詩畱 辛亥 卷之四

聖

撫軍 北去 懷金笑入幕畏謫削新詩那得從陶子高帆萬里

吹

又

三日長干雨寒深薜荔根讀書花氣暖窺甌鼠聲喧草
落青苔濕崖深紅子翻轉愁停畫事何處問平原

又

雨塞方山路雲深天印廬安禪已過半老畫近何如石
洞寒侵樹山晴暖薦蔬原期精舍約又斷故人書

懷那
命石

中山

寄破塵道士

桃源風雪斷不得送鸞來玉趾留丹竈金繩換酒杯山
空雛鶴宿潭隱老龍開新種松千晦商量去鏡臺

鏡臺山名

在膠州東

燕京篇

禹貢分幽薊天文肇尾箕唐堯千葉祀公爽二南垂上
谷秦東塞澗陰燕北師析津纏廣范遼海帶盧雎烽火
山陵壯甲兵風雨馳入關迎大夏卜世命元龜草昧雲
雷始詒謀郊廓基玉泉澄惠濟天壽亘雍岐穹帳白浮
動輕旄黃洛移典章扶廟論黼黻簡中儀收復九龍穴
光輝五鳳池江淮雲擁夜朔漢雪晴時石關芙蓉毀河
黃山詩畱

辛亥

卷之四

四

侵督亢陂仰山停輦路拒馬獵歸騎問道崆峒頂燒丹
蓬鵲厓高陽顓頊烈魚子軒轅期赤鯉光苾見青藤錫
杖隨彈琴石磬響溫律黍聲吹嶺踞摘星落峯懸射虎
危乘輿金井駐警驛玉潭麾萬國迎青闥千巖列絳墀
壇壝松栢古城闕日星麗下詔賙王會分田辨羽旂西
園齊政迥南闕望京垠大陸衛銅馬長豐召玉筍籀文
斑石鼓洞壁環經碑太極陳濂洛酈亭貯鼎彝開宮先
樂毅講易薦陳奇忠獻棲深巷漁陽歌附枝紫袍賞仗
石白水失衰騏障雪留羊角長風送漸離聚書子贛牧
立傳韓嬰詩不死留千載何人畏四知兩朝勒顧命五

帝歷丰姿渤海呼冀遂瀛州攀護兒黃花封北鎮朱李
憶南皮氣槩隆嘉祐銘功渡燕脂素箏投刺嬾曰杵定
交遲種樹曲阿側食鹽修武陘蘭陵書可著天祿字難
窺李絳一無諱魏公兼所遺草深耶律墓血盡虎臣髭
雋永濁河汨風濤大海悲梅花臣味道鶴賦逐崔琦水
早艱難對塚文科蚪推賢豪振古在川岳亦何爲富強
編無棣山河負令支越橋從獲豹潭柘駕熊羆錦幔桃
花水酒帘魚藻滄湖深荷蒲綴石種玉田資棗栗贖車
馬笙簫艷黛睂名葩紛上苑好鳥亂豐坻周禮勤三奏
太僕掌萬駿燕羣啣落葉雉隊掩香梨避暑留河朔開
黃山詩畱 辛亥 卷之四 畱

邊拓汨瀉諸侯從太乙方貢接臨淄藕泛美人里崖凌
石筍陔梯航來古定溟海下昌黎涿鹿桑田變盧溝鴻
雁糜錦纏雲斷續畫舫月參差瓠子沉圭璧枋頭藉罍
韜征帆飛綠鴨神渥見蒼騅水利潞南北朝宗滙委蛇
六宮淡雨露萬樹隱却躓金錯嚴椽桷銅標列鷺鷥差
峩鳴鳳嶺森蕩飲虬踞夾柳停仙輅飛航采瑞芝挽車
收薄賦別苑試新詞玉螭白雲塔金鰲紅日曠天門修
譯篆甬道濺轅眠不識公卿第何妨齒角疲庶人依大
布廝牧艷奇繩鶴羽懸巢陸金毛叢草施旣逢秦晉熟
尚恐楚吳饑報國須臣力瞻雲頌聖慈文章揮殿陛易

象畫庖羲對策天顏喜看花春色宜中書授視趾聖主
愛鴻詞痛哭違平勃迂疎放鹿麋畏讒隱岳牧去國望
孳恩有骨藏巢許無才報繭絲愜山招延世大伾莫伊
祁輸輓至元足求仙漢武欺樓船修臥甲鳥嶼散輕犁
白雉還阻越紅羊已服氏三年憂積貯四海峻藩籬灌
漑漳連滑耕屯衛並淇江干謀雁鶩棘水澹蛟螭戰守
皆長策乾坤亦一夔休兵刑措日願上萬年卮

今上祭陵禮成擬應制

皇帝之十祀辛亥九月秋春官諏鳳曆司馬簡龍騶克
卜叶先吉迺降自帝丘錯文蒙錦繡珠絡載驪駟瓊案
黃山詩畱

辛亥

卷之四

四

皇祇出墀宮華蓋浮翠旄浴日上黃屋帶星流浙浙長
風曉青青天氣悠迅雷舒鐵騎霽雨洗銀鈞赤駿成陰
結朱輪大野併旂翻問政閣角動披雲樓日月光三殿
蛟螭纏九旂雕弓射豹虎重鎧抗貔貅功勒白浮石聲
喧黃洛洲霜華清北塞螫采耀南州天地扶軒輊山川
橫斗牛花香迎寶輅海氣艷貂裘聖主思齋肅庶官絜
燭稠列屏開玉軼鹵簿唱銅籌月上三辰靜山空萬木
幽人門行按轡縣位坐封鞬天作憑宗德神工鞏烈謀
肇基臯契事草昧典章修創守軼湯武鐘銘駕漢周息
兵截海外服戎辟荒陬畫晦分旂甸開邊重列侯車書

緝洛水圭壁走盧溝衝福光寅夜稱觥拱燕床陵堦星宿綴寢栊鳳凰遊律呂鈞天合虞賓經術幽術音登升

齊甲乙恩賚響鳴球剡爨羅宮珮崢嶸峙鬯占索昉登玉尊錫嘏獻金甌霜女瑩疏布鈞陳驅畫輶取先於麴蘖取著於勲猷腴骨胥陳宿柴燎肇哉修執紱寒雲翠承燠灸電標澤深滌淡汙合漠蠲網繆飲酢皮軒下頌恩帳殿頭維神命哉殺上帝享懷柔華表凌歸鶴覺花艤落舟百玉尊達季萬國望凝旒大亨酌酥酪投醪醉幔幃誓臺吹劍綬長白脫弓彊遼海合圍動天山一箭收永安樂大就王夏禮同優慈告太壇冊陽和黍谷詠黃山詩畱辛亥卷之四

四

金微咸稽首朱落泳遮留不踐乎農耒豈荒於彌蒐宜麻飛雨露溟渤喜鳧鷖早晚勤封禪乾坤聖德侔雪中送別郭文海之里七首

慘淡雲寒月半吞輕搖雪色抱柴門不分江北千層樹淚滴空天破水痕

又

一載論文典不孤長宵酒盡典衣沽空天月影沉沉黑爲送人歸畫雪圖

又

薄檢書囊數卷空雪籠殘月帶雲紅臨行欲畧家書懶

只向長天數落鴻

又

貧賤交情五十年
恰逢別去白雲天
只愁明月寒江雪
踏破蒼茫萬樹烟

又

送送君歸北海涯
長松短屋是君家
不須回首清江水
丁卯橋東雪帶花

丁卯橋許渾

又

送送君歸拔劍歌
山啣雪影落秦河
分明淚斷長江水
錯恨江聲萬里波

黃山詩畱

辛亥

卷之四

四

又

落星岡北雪痕流
酒盡何妨換紫裘
此去次宗修左傳

春風護惜借山樓

公治春秋名於世

七歌再別郭文海

七歌盡兮爲君別
江濤風起白於雪
行行驢背看梅花

錯認山頭杜鵑血

又

七歌盡兮爲君哭
雪飛淚湧黃山谷
君早歸來我未歸
東海東頭數茅屋

又

七歌盡兮爲君舞短袖傲傲淚如雨市上行人不敢行
白日江頭走豺虎

又

七歌盡兮爲君嘯一聲響落長江棹輕鴻雪陣斷行雲
別離不似當年少

又

七歌盡兮爲君酌酒紅淚淡鸚鵡勺厨人斷魚白雪高
搖亂銀刀聲霍霍

又

七歌盡兮爲君坐袒褐經年風雨破不盡無官今日貧

黃山詩畱

辛亥

卷之四

吳

王渾空腹常饑餓

又

七歌盡兮爲君壽子在尊前孫在後楊花臘月戀春風
風輕錯恨離人瘦

賀何庸夫次郎相如進士

直躡天門上文章原有神三千海內士第一殿頭人白
雪留家乘青箱報老臣小珠書萬卷羞澁寄藏春

陳開之來自浙江卽送郭仲逸北歸用衣字三首

江上客來雪乍飛恰逢送客小春歸客來客去無兼味

搜括床頭再質衣

又
客裏敲尊雪漫飛鳳凰山北憶郎歸猶憐一片長江雪
不忍輕分去客衣

又
山色陰陰雪欲飛梅花不肖故人歸好須今夜多沽酒
檢點臨行舊絮衣

得姚際斯江上

陰陰雪色滿江城別後三年鴻雁輕烟雨樓深千畝水
滌澗不盡使君情

十一月十六日得朱徽胤來江上五首

黃山詩畱

辛亥

卷之四

四九

第一山頭令孤舟載雪來家同扁鵲渡客到鳳凰臺夜
麩消藜藿官亭問草萊相憐啼笑處樽酒不曾開

又

未了中宵話平明送客船借薪煑糲糲撥火盪茶烟夢
入漆園吏官閒龍吮仙書屏趨輦路早晚拜堯天

又

莫惜舍桃醉風高宰相家釣魚春煑笋到谷雨翻花臥
甲黃金散荒山白雪賒數年別後事携手漫長嗟

又

臘月淮河水驚聞浸釣臺水翻天白浪沙捲雪黃埃乍

聚星芒動還乘龍角來應憐穎水上別淚濕蒼苔

又

半生同胃病看月白紛紛市避虎狼走江空鴻雁分憐
才存酒意淚眼錯天文誰說浮山近鐘聲愁夜聞

聞雁聲卽得佟韓一世兄書到四首

何處留鴻雁更深尚未眠秋深墜斷葉雪背響高天樹
鎖偏侵夢鍾沉疑落烟行行江上影着意向人憐

又

客夜孤鴻過遠天嘹唳輕畏霜依灌口掠月出江城有
淚梅花曲無絃湘女聲咲啼俱不敢斷續傷愁生

黃山詩畱

辛亥

卷之四

五

又

人渡黃湓去江懸白雁來輕痕入墨濕斷陣撥雲哀感
激投金渚悽清掛劍臺故人情不盡楓水倍滌洄

又

倚枕驚危坐開書眼未分摘天星落落去淚雪紛紛鶚
鷗勾中曲魚龍江底文使來重問訊載到幾鵝羣

信到二首

時黃石公
去黔中

驚到華城信將軍借檄來老臣畏石鏡妃子避陽臺不
是河間士誰云鄴下才南江橫雁陣昏黑白徘徊

又

有憐楚客意誰哭楚臣書草厚青門怨天高黃髮疎峯
回歸雁路雪凍美人車不信空彈鋏昆明避釣魚

雪中懷郭仲逸十二首

只此羊裘叟雪深避客閒無才從世上有骨謫人間撥
火煨鎗側濃雲看鳥還那能高白眼嬾臥竹門關

又

忽斷長江水孤鴻去不還官衙借四壁石浪擁三山柳
絮催殘臘梅花綴半閒夜來歸夢晚月落早門關

又

何處着愁眼江高驚浪聞寒聲奪戶入墨汁判冰分到

黃山詩畱

辛亥

卷之四

五

地皆成雨連天無斷雲黃河古岸北歸雁幾千羣

又

故人十日別雪暗一江空只有書堪枕何嘗畫漸工論
高兄弟異見到是非同看此空江上相憐幾落鴻

又

聞到浮山北今朝雪有無停鷗畏草徑買酒向山廬鬚
濕水疑絮天空雁作書應須恨早別無淚復何如

又

計渡黃河岸北風雪更濃近家夢漸穩沾酒客從容鳥
盡山崖路雪低天畔峯紆回到墨水不敢過臨卅

又
薄暮還飛雪亭空景漸昏疑濺花路絕愁失月臆痕思
苦書留榻甌懸鼠在門強留貧賤客潑墨換清尊

又
且容繞膝坐看雪過千山草濕無深淺雲輕自往還啄
饑藏鳥智沉影側魚閒撫此疎床上檢詩半夜刪

又

懷人思雪瘦抱火擁衣寒深夜難沽酒短天不再餐死
生依故友啼咲窺同官豈下英雄淚如何枕未乾

不能沽酒

而曰夜深不能再餐而曰
天短亦哀而不傷之意也

黃山詩畱

辛亥

卷之四

五三

又

萬里長江白蒼茫掛布帆波懸城闕落天盡野烟函滑
逕誰攻險貧交亦畏讒寒深嚼菜茹三月不知鹹

又

長天倚半閣孤塔落千燈治亂酬圖籍經筵問股肱

上時

召經筵
擁沙啼水鳥戴雪醉山僧十萬流亡戶同敲臘月

水

時集民夫數
萬開運道

又

雪逕憑風掃寒爐斷葉焚鄉書紙半濕雁影水平分賒
酒留嘉客減餐飽故人逢迎終自拙高誦謫仙文

送王大哉之戴無聰刺史徐州二首

曾駕秦橋使有無
肯餘鱗爪半天扶
揮譚開闢從前事
坐畫澄清半夜圖
樓枕黃河瓠子斷
城懸青野稻孫鋪
波平春雨千門柳
萃畧亭高醉大蘇

河岸憑流漢武功
談經家世舊山東
黃樓樹落千門雨
白鳥帆懸片葉風
力挽梯航分節度
閒消禮樂起文翁
千年疏鑿原無事
射水何須問掛弓

雪中使至卽書寄樵樟見感賦十首

露頂芒鞋篋笠翁
山園倚近大河東
低徊好問書中事
黃山詩畱

辛亥

卷之四

五三

拂雪村奚口未工

又

雪滿山谿帶雨濺
相憐撥火綴殘烟
疑翻血淚驚愁眼
不似江南臘月天

又

園近溪南雲嶺莊
先臣舟載萬荷香
商量出質無多直
淚濕書痕雪半行

又

雪漫江空海北人
囊懸一札不知貧
應憐老母餘藜杖

誰割芝丸寄臘辛

又
蒼茫雲徬柳花飛却怪江南不早歸若是萱堂黃髮在
如何流淚補兒衣

又
雨濕桓山河北涼纔來江上雪蒼蒼老奚不解讀書事
好問諸孫若個長

又
雪斷烏衣巷不開故人河上自徘徊可憐夜夜頻沾酒
竹杖青錢尚幾枚

又
黃山詩畱 辛亥 卷之四 五

何曾白雪和歌來年少梁園作賦才讀易更深學漫卜
長風目盡右軍臺

又
痛哭車回雁影垂雨花山徑雪離離縱貧莫失青瑣去
小大珠峯護兩兒

又
淚濕千峯畫雪圖愁翻白髮老江湖十年紫竹壺公夢
愛惜淮南少孺孤 枚乘幼子名臯
予四子枚也

十二月初七夜九江廟訪友人四首

不盡長江水功歸身後王空樓避月黑危磴接霜黃夜

澹碁聲落僧饑茶竈忙河山千載事一劍惹毫光

又

絕代英雄事清宵鐘磬分踞床歸戰甲泛雪識參軍客
老餘肝膽官貧註典墳相憐望月影帶雪白紛紛

又

盤曲危樓上辭官病折腰孤龕封月壘帶甲練霜樵舌
在山魈避詩酣墨雨搖漢家問社稷松栢已脩條

又

帳御今何在紅樓消月昏經聲浮水動燈影入江痕甲
士天人力珠臺清淨根此來灰劫重抱雪避山門

黃山詩畱

辛亥

卷之四

五

邀張麟生夜話二首

結客憑肝膽疑人避是非凍雲呼酒至踏雪數鴻歸沉
毅偏年少老狂半世違英雄慷慨語坐聽亦忘饑

又

每期昏黑到客夜不曾孤痛哭鐘聲歇雄談酒力扶見
聞俱怪事啼笑了須臾此夜山東士光搖太史圖

憶鶴

老母來官衙每晨開窗飼
鶴後老母歸鶴哀哀不去

半晦桐陰隻影橫夢移山閣入江清高天月落孤臣淚
薄海書封故國情黃髮調來分俸米白雲別後怨秋聲
哀哀不計遼陽路窗外猶疑問寢驚

十二月十五雪中卜圖南山齋同楚藩劉敬庵太史鄧元昭夜集十首

筵殿東山雪人高北海吟會稽宰相事數對老臣心寶馬銀絲綴宮衣粉黛深驚騎黃鶴下萬樹曉層陰

又

雪擁青溪斷風吹白鷺搖松濤奪短戶鴈背響危樵艷曲迴雲落禪心入夜消會須王屋叟坐聽入功潮

鐘山

東山南有世武九國多生鐘山皆其地

又

黃雪山中客逍遙葛稚川殘樓隱淡粉老樹宿輕烟月

黃山詩畱

辛亥

卷之四

五

淺羸樗醉更深入畫禪寒光積素後丹火幾千年

又

不問山南事掛冠神武門鹿皮花坐暖龍背月調痕藥綻梅千畝棉扶柳萬根剡溪今夜棹天影送黃昏

又

誰知思遠後今見秣陵人萬卷垂年少三車載諦因青娥天半曲白雪殿中臣肝膽無輕許偏宜貧賤親

紀瞻字思

遠與陸機交厚機亡遺幼女思遠治喪遺嫁不異已出

又

西嶺餘鐘鼓南天昏斗牛水涵邀笛步人在半山樓斷

草圍荒圃書空揮落鈎早除門外雪驄馬去還留

又

江漢旌旄重書屏開御筵赤山釣尚父黃鵠護神仙雪
避貂裘艷雲深錦錯纏北門夜半出簫鼓震江天

又

今夜耆英酒先皇侍從臣安禪收客夢深雪妬官貧才
老山中相元昭
同事書藏河上人投金千尺水何事弔垂綸

又

那得羊求仲相逢雪滿山鳥迴汀閣落客去竹門關獵
馬燒青野書魚避白間應須繪鄭俠不借小臣刪

黃山詩畱

辛亥

卷之四

五

又

紫竹垂濃雪蒼烟失六花連吳分疊玉過楚弔長沙上
下十行雁支離數萬家老僧應未睡愁坐補袈裟

過竹
林寺

立春前一日六首

中山連社鼓江水乍溶溶草色明朝發雪香昨夜濃馬
嘶疑鳥語雁背斷魚封何日浮青海春迴小固峯

小固
山名

在膠
海

又

驚說梅花發明朝春色迴輕雲浮燕渡釣雪上魚臺送
果延僧坐開門問畫來不嫌捧餓腹斜日影徘徊

又

十日江頭雪春回作雨聲鳥餓投臥閣客坐黃枯精江
水偏能險山泥未肯平欲尋孫楚去敲凍出西城

又

已難消晝短何日解春暉日影薄侵面霜花澹入衣寒
深非雪後胃病奈貧饑喜怒因人意眼開凍雨飛

又

欲到星岡上輕風吹斷沙紫裘換市酒白雪落簷花好
鳥窺春早離人入夢賒明宵夜漸短何計伴還家

又

黃山詩畱辛彥卷之四

壬

將軍修折簡隔水送鱒魚春入江聲緩雪殘鴈影疎何
公滿逕草仲子幾行書墨雨初晴後應留海客車

時熊奎五

總戎自皖上饋鱒魚
終臬司韓一札至

早發

龍潭潭水聲活活山黑烟濃雪欲落羊裘三補戰曉寒
尾箕斜掛明星大藩商渾夜讌笙歌樹亂鳥啼霜影破

除夕

客淚今宵盡新詩明日刪思家停北斗舉酒對南山東
墨書從懶焚香門早關先人囊欲解不敢事愁顏

先人
生容

以囊括
奉辰忌

黃山詩畱目錄

卷之五

壬子

元日贈何庸夫四首

得傅飛黃二首

姑蘇得袁文山諱汝景

得喬鶴年諱榕齡陝西秦州人善六壬乾象

正月十三夜

十五不見月二首

觀音山

黃山詩畱

卷之五目錄

虞山許公祠春雪四首

坐佟壽民寄園

佟壽民招訪徐長民元慕山看梅

感書

得陳韋庵

柬胡雪公

宿龍興寺

天寧寺得張君亮二首

五月十三日邀何九程泛舟青山莊四首

過東林禪庵得心維和尚二首

過惠泉別吳伯成二首

侯仙蓓園齋二首

侯蔚礪招同張枚臣次民僧心維遊惠泉卽別吳

伯成四首

和許公路儼花萼樓用韻二首

何庸夫八十五壽詩二首

白雪園雨中得李素亭年翁

祀蝗

又雨二首

簡張際亨三首

黃山詩題

卷之五目錄

二

張際亨招同唐濟五泛湖上卽過葉世楫園中

中秋過濟南同友人登北極臺四首

平原道上二首

景州塔

河間道上和壁上韻二首

河間道中

香城二首

趙北口懷蘇劍浦叅軍

牧馬

寄登州總戎劉施平二首

寄登州太守楊如石

坐魏環極年兄小齋見長君無偽卽簡呈二首
再寄登州總戎劉施平

季秋集可亭連句

再和聯韻報無偽

感書四首

九月廿八壽魏環極

用聯韻簡張爾成魏環極

艾長人招同宋子飛段西美田兼三飲石園

李坦園招同魏環極田兼三園亭夜集

黃山詩

卷之五目錄

三

十月朔再集可亭

過故居

邀顧文起周西水黎子晉話借樓二首

李鄴園特簡少宰紀事

上李坦園相公

簡耿又樸年丈

十月廿七日王敬哉夫子七十三壽題書

簡高堂令劉雲麓

長至日簡戴年兄雲門

送張友舟別駕潞江

得劉子羽來京師二首

十二月五日上馮相公易齋二首

壽夏封公文山八十

鞠觀玉齋頭卽事

上孫忤庭樞兒受業

逋雪歌四首

長安除夕病中八首

懷陳開之二首

癸丑

正月和艾長人除夕咏懷五首用韻

黃山詩畱 卷之五日錄

題巢公僧影

正月廿一日發使歸寄懷家黃門初度

正月廿六日雪中簡李少林御史

得杜子濂蘇竹浦黃破塵上人約入東山

壽東撫張來之公祖

送魏文石相公予告歸里三首

同鞠觀玉送劉蘭嶠年兄假歸

又別劉蘭嶠

清明送蘇竹浦歸里

二月得河南王金章年兄來京

儼 南苑大蒐十二韻

讀千秋金鑑有述十二韻

五日陳開之偶病借孟百聚楊海文坐話四首

五月和魏無偽韻卽送別王蓋臣之里

代贈姜賓陽

贈朱長公

用韻和環極年兄送王蓼航之虔州

附魏環極原韻

賦得聖朝無闕事送楊岱嵐請歸卽題書

送別陳開之六首

黃山詩畱

卷之五目錄

五

送別孟百聚之江南八首

再同馬天衢送孟百聚言別四首

十二月廿八日馬天衢內使齋頭緋桃盛開

甲寅

元宵雪中同鞠觀玉坐李望石齋頭

三月送魏無偽歸里應小試

響樹園十四首

甲寅七月鏡臺山修先大父母墓六首

哭單香令墓上二首

寄黃民部方振

卽席簡趙羅山

九日前留別趙浮山

李海若書室成得奇石索額字曰擁麓卽倣迂體

紀事

九月四日月下坐鞠瞻玉齋頭

偕劉不倚黃山河上

早發翫底道中卽訊劉不倚山居二首

同鞠瞻玉簡村夜話二首

九日前雨中留鞠漸盤山莊二首

九日李海若招同鞠漸盤鵬萬瞻玉趙壽椿浮山

黃山詩畱

卷之五日錄

六

文獻張又學平瀾盛九苞諸公登鳳山觀獵晚

歸浮山索句限高字卽簡正二首

九月過王松心山莊二首

大嵩道中二首

沽河渡

十二月朔三日諸子文成以詩示之志感

送劉不倚東歸卽訊鞠瞻玉趙浮山李海若諸君

子仍用安字

除前山居十二首

雪中同王宜之宿高密二首

雪中陳開之至山中二首

雪中宿羣源莊感懷若直云弟

乙卯

詩寄丁率胥乞柳栽種慈庵下

談白復李一如來黃山

送李一如莊天水回里兩公皆七十二首

和談四村居口號十四首

看荷兼示諸子四首

懷寧夫子相公感書

七月七日爲柴太守雲巖壽

黃山詩畱

卷之五目錄

七

雨中病起二首

寄王金章虔州刺史

郝雪海補侍御

題蒲城壯繆公廟四首

過霑化訪李吉津齋頭坐話

泥燈二首

比部侍郎魏環極饋俸米簪謝

御史張青樵遺羊裘答謝

所言

沈貽堂壽索句

偕馮閣老易齋賀比部馮訥生長君登第二首

用文章却在司農家句賀魏環極長君登第二首

冬夜艾長人于岱仙任海濱招同譜宋子飛冀公

冶王迂叟林北海劉公愚孔心一劉潛夫魏環

極田兼三朱小晉馬幼石咸集時朱右君治禮

中堂馮易齋李坦園秉政皆未遑及也於戲從

龍者三十年而十八人落落長安子亦以下走

從諸公卿後良可悲也爲之紀事

十二月朔日朱小晉劉公愚劉潛夫再招同譜得

閻嵩岱艾長人任海濱于岱仙田兼三冀公治

黃山詩畱

卷之五日錄

八

林北海魏環極馬幼石與子偕某僅十二人而

宋子飛以病謝孔心一去山東朱小晉主人翁

也亦以病謝聚散之際亦云難矣再紀

擬賀冊立 皇太子紀事六首

守歲大雪二首

除夕

黃山詩畱卷之五

樟

光祖

宗廣

閱

膠東法若真黃山父著男樵校孫

枚

容壬子

元日贈何庸夫四首

淡雨消元夜揚州小宴開
猷尊凌綠雪卜葉削青梅
萬歲

歲天風迥千秋春水來
從容鳩杖響扶上妙高臺

樓名

千秋水名

貴山詩畱

卷之五

又

無才高北海鶴髮見先生
插帽名花艷燒丹石趾輕牛
車千氣象虎坐老崢嶸
春雨蛟龍喜同看引子行

又

客裏依何遜梅花十里洲
窗含疎柳暗城倚大江流
夢去留雲頂春歸喜雨樓
百年足大藥原不問封侯

留雲喜雨

俱北園寺

又

輕身載畫史開閣燕逍遙
斗轉壬寅柄書傳丁卯橋高
齋懸白雪新竹拂青霄
吾道南來久江深春雨潮

是年元日

壬寅丁卯橋名

得傅飛黃二首

少年謝吏事放掉泖湖遊還許春風起看花塵外樓

遭逢非意計才大喜能貧不識延平後如君更幾人

姑蘇得袁文山諱汝景

江右人棄官精命學

天地無所私巧拙何相因君相亦言命誰濟雲雷屯憶

我少年時翱翔束髮巾雖無賈陸才揮霍泣鬼神濟南六射策負書上國賓抱玉哭長白扣角淮水津遭逢開

代主懸詔出楓宸六經邁東海同刻十六臣召入玉芝

黃山詩畱

壬子

卷之五

二

宮臨軒得七人宰相喜動色春官綸綍新八載事金闈
喻喻平勃嗔初欲試雷雨輒復棄逡巡用舍違其材山

川老其身再替之江漢茹藥宅吾民啼笑視大吏形影

羞礧磷生當堯舜時而不終隱淪昔年去禹杭遇子於

風塵今年尋盟鳧邂逅胥江濱且喜且悲歌歌罷更酸

辛竟填虎狼食不如牧豎貧薄言往愬之虎狼日益親

鬼亦不可見况復折珠薪得子橫高談飛揚足屈伸可

以析陰陽可以泣楚秦謂我困版築謂我老潤莘十年

纏坎墮星芒逼北辰乾坤留翼亮文章藉返醇浮沉標

水鏡未嘗失衡鈞嗟嗟招子友遺酒繼青蘋月明照萬

芴燈火走麒麟鬱坐市樓上車馬聲駉駉尚有圮橋書
肯携埋荆蓊齊天大樂得喬鶴年諱榕齡陝西秦州人善六壬乾象
海嶽鍾奇人恒處治亂間宛變如孺子旅旅走河山大
名動侯王其車不可攀所言動鬼神其書不可刪雖未
抵鑪錘輿衛已日閑啣召謁承明紫氣出秦關星辰察
順逆歲差不終還時憲重萬禩正朔報百蠻慎無從赤
松七政與誰閒正夜

桂櫂蘭槳聲盪摩參差撇旋影婆娑雲流欲破山頭雨
黃山詩畱壬子卷之五 三

月落輕消江上波江水波寒公子衣美人花綻醉顏酡
隔櫳盤繞青絲髻金釵斜墜曲蟬阿寶鬢蓬飛擎半尺
珠啣欹屐帶微那青蓮紫葉疊層被含愁頓蹙可憐歌
歌罷笙簫動滿船紗燈高燭亂春烟瞻殘鰻美白於雪
橘棘蔗漿散錦絃香裊金猊落遠水屠蘇翠甸綴江天
水穀小童花入隊艷嬌錯舞酒如泉明星西墜還留客
輕散纏頭數萬錢借問舟中公子誰夾楫老翁皆未知
讀書鳧閣鋪青草公卿故家無所遺煩苦悉索餘鴻鴈
戶斷火殘深夜吹孤腋貂冠披贅虎牙檣錦纜擊驕騎

昨日官衙雄意氣皓皙彷彿緒衣兒

十五不見月二首

撥火凌松刺輕烟入病脾愁隨歸鴈嬾影避老龍知好
雨催歌曲沉雲入柳絲夜深驚客夢錯怨春風吹

只聞江雨落不見江月明樓船催畫角燈火暗江城烟
濕迎花氣醪濃折齒聲俱傳藩賈客爛醉復談兵

春厓蕭槭暮雨氣涼如秋石劈千巖落磯分百道流山
空餘老衲樹斷鎖危樓稽首慈雲洞凌風到土頭

扁舟何處渡飛閣掛峻嶒石篔偏洞雪春寒恠雨冰危
橋扶野竹小洞折疎藤亦是金閨彥遭逢任股肱

黃山詩畱 壬子 卷之五 許公前詞臣 四

江寒石灝灝山響葉紛紛支榻移紅樹空天散白雲巖
樓深客避春雪半船分自許袁安臥誰憐鴻鴈羣

老梅盤歷落石丈撐嶙峋圖籍空山事衣冠前代臣樓
虛侵雪臥柴鑽結花隣直削千峯白天涯送早春

長風吹凍雪老樹宿寒烟水結魚龍避村荒狐兔眠焚

又

又

椒辭臘火麩米解春天亭午猶高臥虞山隱吏仙

坐佟壽民寄園

二月寒深風漠漠石湖霜曉飛鳧閣慘澹酒樓拄杖頭
此來人倩梅花約高船簫鼓泊方磯低徊顏色春風薄
投刺橫樽不相識手翻雲雨雄然諾尚有姑蘇舊牧臣
一日二日開桑落接嶺參差花飛飛筵擎星斗廻峯削
拍歌短竿過溪雲七雪銀魚刀霍霍圖書萬卷動麒麟
踈搖珠履盤絲弱石根波動湧蛇龍老樹弓啣鸚鵡勺
昨日黃金一擲輕紛紛賓客縈陸博香匝臙脂錦繡纏
寶葦蹙裊珠文錯娥眉自是舊時容新婦偏濃舊婦惡

黃山詩畱

壬子

卷之五

五

到眼輕粧留幾時青門草色愁消索君來河漢近天家
支機石下驚烏鵲况兼十年輪輓才經營愁苦關中畧
黃金借箸顧東南歎息鄗侯今再作

佟壽民招訪徐長民元墓山看梅

渡雨競胥江輕帆過木竇漸次放梅花歷亂山間屋行
行四十里雲深不可掬忽斷嶺頭雲忽見溪邊竹野溪
畏草深寒濤穩風激盤渦路轉迷虎橋響掛漉隨花入
幽厓停席何所逐姑蘇舊牧臣結客遄相速寶炬燒青
蓮高筵夾朱轂清晨肩輿來躡齒鄧尉麓萬峯抵青天
花聲卷轆轤石根戴墓門不識郁公葉錦幔蒙千村紛

紛明月谷粉射湧湖光雪色沉魚腹縹緲七十峯萬頃
飛盈羽香侵莫釐嶺雲白蒼松服柴鎖鈎客衣花落擁
香陸春女撐髮鬢一尺凌結束素袂沾露裊響屐半蹙
蹙擁珮衣石幢殘脂濕方麩我歸賢主人笙歌再信宿
情不問榮枯空山留醇樸世德光烈垂積書諸子讀相
顧清水亭挽車醉百斛何日送歸鴻春煖留一犢作吏
雖十年鶯我盟蠹蠹尚許織金繩多種祇園福

感書

姑蘇二月春風惡客病淡愁骨半削船泊楓橋米價高
洞庭早閉溪山藥倚床挑火翻天文天高昏黑未可度

黃山詩畱

壬子

卷之五

六

參橫狼角分外明光芒搖動江聲薄悔不學劍敵萬人
六十年來一齒落

得陳韋庵

諱雲師戊子
弟子也

前年問雪去白門今年扶杖梅花村靈光未了春秋約
秦岱還尋風雨痕自在鬢眉衣布老可憐葵藿聖朝思
相看撐骨同脾病檢點天涯酒半樽

東胡雪公

三十餘年看劍文曾于氣象斗牛分高天鴻鴈十行淚
連火山村三月焚花落谿南門外雪家依海北嶺頭雲
重來江上尋車馬愁逐潮聲半夜聞

宿龍興寺
繞屋隣高樹登樓禮大悲扶天諸手力着雨亂花吹鐘
歇餘歸夢春殘檢贈詩禪關深閉處一榻了塵思

天寧寺得張君亮二首

小閣連僧榻開門坐畫溪貪書草筆盡避客石龕棲松
甲子年厚塔繩萬葉低淚溪江上水歸夢竹橋西

又

何處尋塵外種松古道傷龜山席未遠水榭魚初長
有河南米刺無燕北梁春深浦上雨四月帶秋涼

五月十三日邀何九程泛舟青山莊四首

黃山詩畱

壬子

卷之五

七

縱橫天涯淚撇旋愚谷船依人封草木摹畫作山川
慷慨風雨悲歌亂管絃不知酒盡處或恐是神仙

又

載酒柴車上尋山竹逕東入門凌斷水坐石釣危虹
影沈波黑金繩倚塔紅夢來九百策鄭重贈何公

又

原非依任昉避客見楊時浦北黃河斷山東白雪期石
空補水榭松老護雲籬多種溪南竹留題五客詩

又

朱鴈翱翔後名園近碎疆書分客子舍水護美人莊痛

哭車廻嬾經營花事忙坐來嘉樹下若個倚天長公原官登州

過東林禪庵得心維和尚二首

是庵爲前君子講學祀先聖處

延平不可見肇草入招提門隔桃花岸城洄曲水谿兩朝俎豆地一逕雪霜畦鐘磬清宵盡携僧大樹栖

又

無處依梅里愁來問虎溪短匙調菜甲老樹舞天鷄髮照麻如雪羹寒笋作泥嬾殘頗解意早過竹林西

過惠泉別吳伯成二首

浥彼方池水寒空第二泉梅封諸客舍瓶渡老龍禪電

黃山詩畱

壬子

卷之五

八

影還留壁雲光自在天得君郊勞意淚重疊卿船

又

誰憐平陸使結客杏花墟黃浦千峯合白雲一杖扶筇歌停水榭錦幔徹荆湖不盡西山酒慙勳別仲塗

侯仙蓓園齋二首

仙蓓官刑禮二部尚書耶叨源淵之儀

環渚飛千嶂高樓足萬書山空宰相事花落使臣車吳伯成已擢行人艷雪侵梅里輕風近草廬綺園新結構繞護

白雲居

又

怪石求天闕珠林種令支白間分列棘青闔薦中儀秋

入芙蓉水雲封玉藥碑相逢憐綰帶莫廢蓼莪詩子丁內艱

侯蔚驪招同張枚臣次民僧心維遊惠泉卽別吳

伯成四首

錦檣邀醉客申浦邁家聲奇字鈞文古風流落絮輕珠

藏龍角銳畫人虎頭驚不惜金尊酒堪償十二城蔚驪週疾

仙蓓長君

又

寂莫臨池岸西山作主人空冥千嶂石結構兩朝臣野

竹排青玉山雲宿白磷壽公數百尺瞻仰大如輪亭有樟樹

偃蓋相傳秦太史曾祖撫軍手植今已五葉矣故識之臨池亭名

黃山詩畱王子卷之五 九

又

過雨長虹暗歸帆落日紅看花幽澗北避客小橋東呼

白輕劉毅烹茶醉遠公來朝江上別莫湯哭秋風時次民投

爐心維以茶易酒

又

借郡勞蘇軾空船送子猷月來澄練來雲起擁飛樓泉

以名山重人爲嘉樹留百年感意氣此淚不輕流月來雲起

二樓名皆吳公自創

和許公路擬花萼樓用韻二首

天家兄弟戴恩均酒散花香御座新山雨迎樽洞太涼

宮雲低柳近長春笛中細逐瑤臺曲馬上輕飛荔子塵
賴有昇平寧薛在白衣自是渭南人

又

爲愛天親翼國均樓依長樂擁花新宮開舞馬南薰暖
水落飛鯨北渭春坐膝詩名香欲濕近天蛾影澹無塵
清平許奏諸王力好醉深宮第一人

壬子何庸夫八十五壽

其壽與夫人同

老人星出井南州天上新裁紫翠裘花嶼曾分謝眺句
龍門不避李膺舟讀書聲滿千秋水主聖恩垂萬歲樓
昨夜遙占五百里重看好月送吳鉤

黃山詩畱

壬子

卷之五

十

白雪園雨中得李素亭年翁

無力依天問相逢讀異書山留袁粲竹水盡季然廬好
雨吹深柳清樽擁大魚須尋六十字盤瀾掣龍車

祀蝗

八十五

十

十

十

十

蝗舉高天没行人道路藏已見麥根枯誰踏秕白秧大
吏不修省揮汗治橋梁開網去鈎距不必出死亡亂虺
開檻呂楚楚潔衣裳醉歌上下走車馬新張皇大者通
呼吸小者凌翱翔貧者哭無斃富者殺羔羊婺婦祝於
途君子賀於堂侏儒擊社鼓八蜡喜倘佯東南甘雨來
蝗皆死道傍吁嗟天地心仁愛在虎狼

又雨二首
入夜連淡雨高天塞密雲泥厓挿短樹厥閣論竒文龍
舌江聲盡鶴銘水府分荷花邵伯渡誰折贈諸君

又

六月雨漫漫翻覆作陰晴天道尚如此而况於人情雲
亭纏落塔江柳暗孤城水戰三千甲昆明何處營

簡張際亨三首

歎息經年別青齊偏汝閒小船留載客秋浦借看山貧
賤交情重疎狂酒意閒問詩早晚去不許木門關

又

黃山詩畱

壬子

卷之五

十一

北極千峯合南山萬樹懸雲輕纏御柳秋老澹湖蓮鄰
舍兵戈没晴沙鷺鷺眠浪遊三十載又放鵲華船

時登北極

臺

又

草塞南橋路天高北極臺青蓮浮水閣白虎結山隈穴
湧還珠出泉分明月來習池新結構今日爲誰開

時過北渚

閣

張際亨招同唐濟五泛湖上卽過葉世械園中

山作主人竹作隣官貧下馬揖此君爲來沽酒尋明月
何故焚船避斷雲血盡先臣封楚塞書投甲士哭秦軍

却輸臺上千峯色到夜秋空樹影紛

世臧之伯父以罵賊死

壬子申秋過濟南同友人登北極臺四首

臺上叢陰古殿曛龍鱗着雨結松文五絃自解南風合
六甲還高北斗分秋老荷翻千葉月天圍水落一湖雲
新傳帝座扶鐘鼓直會乘槎夜半聞

又

芰荷揚柳泛湖村鎖鑰高懸北渚門水近魚龍侵月影
城依宮闕切霜痕天河半湧秦淮落王氣全收海岳尊
東望飄搖華不注自留車馬帶雲屯

又

黃山詩畱

壬子

卷之五

七

三十餘年草色薰依然明月白紛紛龍門苑鎖千峯雨
鵲水橋平萬晦雲酒放青蓮歌通客樓空白雪哭奇文
誰家畫舫憐公子不許清秋載使君

時期葉世械酒舟不至是秋僅有錢

伯衡賢伯李合玉省試皆榮于人

又

主人借酒送秋思酒盡臺空月上時鳥亂荷擎俚綠妥
魚寒菰菹拒紅絲死生半去秦沙友風雨虛傳魯殿碑
猶憶當年十五夜平明露濕滿船詩

秦沙在萊子

平原道上二首

爲問潁川上依誰索酒嘗摘棉餘雪綠剝棗間霜黃鴈

影湖天濶粘聲秋夜長北風昨夜起燕海正蒼茫

星象又

涼風吹土屋解橐卷征塵白鳥蘆花岸黃河秋水津斷

碑沉墨字短樹結龍鱗自是牛眠處星分天上人

是日禮董

太史先壙

景州塔山空致政匪夷太爾時猶笑七十未工

一塔直如削孤撐北海天猶容此傲骨不墜幾千年夜

吐珠中血秋寒舌底蓮何須昏黑後更取玉繩懸

河間道上和壁上韻二首

問酒停驂楊柳中黃沙白草試秋風甲兵畧野晴雲卷

黃山詩畱 王子 卷之五

十三

禮樂叢園射雪空無地種松非病嬾餘囊檢藥以貧工

夜淡淚濕痕猶在錯怨燕山啼斷鴻

又

神龍何戀此囊中滄海雲高歌大風葉亂鳥巢孤月湧

霜消驢背萬山空逢迎到處才偏拙談笑千年伎未工

不是江聲催客夢為誰嘹唳起驚鴻

河間道中

熒惑自掛羽林軍歛出光芒曙色曛露下秋河泛太史

星殘曉樹問魚君須尋茅屋迎仙輅誰斷寒冰到夜分

後載豈無金鏡出黃埃寶馬雪紛紛

太史河名魚君地名

香城二首

昭君里

家在峨眉第幾峯承恩一曲繞銅龍如何淚斷天南水
愁度昭陽夜半鐘

短墻何處美人家青草深深絕塞沙十里晴湖一片水

誰彈明月上琵琶

趙北口懷蘇劍浦叅軍

長堤疎柳漫晴湖秋水清清問小蘇野艇霜搖飛騎斷
危樓雪盡倚天孤蓮陂草壁烹魚賣白幕紅鑪散酒沽
聞道黃河流日下東山不出倩誰扶

黃山詩畱

壬子

卷之五

十四

牧馬

虎帳貂冠罔牧雄橫驅萬里獵秋風
容刀鞞盡黃金錯鏤珮啣珠赤玉瓏
欲挽長河洗臥甲故翻斜月入雕弓
傳聞聖主思文事况復東南粳稻空

寄登州總戎劉施平二首

陳兵青海外驃騎上將軍嶽隆連山曉丹成召石薰
漢書留羈帶國典補高文虎節秦砂渥龍韜密水勳紅
厓桃萬樹赤鴈羽千羣尚有長生術菰苗見五雲

又

東海思休息揚波萬里平
使車不廢武鈴關亦談兵功

勒之罘石人懷不夜城畫橋霜角落金水雪弓鳴莫問
祖洲遠誰消鞭血驚笙簫起貝闕實日一峯晴

寄登州太守楊如石

曾聞車轍過榮陽計俸清齋愛日長埽鑄黃金馳駿馬
山高白雪種神羊桃花萬晦雲留榻菰葉千帆月滿床
自是風流賢太守往來飛舄帶秋霜

坐魏環極年兄小齋見長君無偽卽簡呈二首

亮節霜平泌水津歸來叔介不知貧扶天入夢餘新草
兼乘含珠憶老臣經國文章封海嶽傳家直筆掌絲綸
於今民力思休息自有賡歌答聖人

黃山詩畱

壬子

卷之五

五

又

霜空酒盡半橫參耿耿天高桂樹林早識南華分赤水
肯開北谷絡黃金光芒漢影星疑動談笑秋風夜未沉
自是家聲冠司馬龍門雪色幾千尋

環極山
右人

再寄登州總戎劉施平

遠控三沙萬里兵望仙波湧護重城層橋鞭石秦皇渡
射水飛鴻漢武營早雪姑餘船上藕還徵木子殿中精
從軍欲躡丹峯頂神劍光搖大海平

于子季秋集可亭連句

別或十年二十年法黃重來猶是可亭邊周伯人從異

國憐同調魏環學自前言啓後賢成我秋色黃花香晚

圍馮訥牆陰綠竹映初筵魏無疑占星聚金臺北脫簡

霜寒九月天法黃

再和聯韻報無偽

恰避定襄甫九年紛紛珠樹倚江邊冠山麓擁龍門草

頰水詩成虎座賢蘇軾歐陽事亦我存故里大野黃雲驚遠獵誰家

白雪厥高筵貧交不去階前日映帶霜毫推半天定襄公七

歲能詩無偽甫年十六

感書四首

載酒延重幕開簾疊細茵湘魂依燕玉淮水斷吳春低

黃山詩畱王子卷之五

七

曲侵雲落殘脂艷雪新忽來花隊下恐是楚江人

又

江水沉歌舞燕山散雨雲蹙眉消淺淚無語倚斜牕去

國調新曲思鄉意細君玉簫吹斷處相對不堪聞

又

薄命羞黃髮新歌試短衣江南春色斷燕北雪行飛家

住隣白鷺人來近紫微可憐桃葉渡三月雨霏霏

又

誰剪吳江水新裝小鳳頭羞彈馬上曲悔別美人樓色

借黃金好春須紫燕留莫愁湖上淚不肯向西流

壬子九月廿八壽魏環極

時公年六十九

彷彿年當以德揚西臺佳氣遶天章停雲不去留姑射
短髮何曾讓洛陽石菊千年沉水綠官麻九月照霜黃
傳聞蒲子山中樹早晚席前師聖王

用聯韻簡張爾成魏環極

鬚眉遙隔太行東二十餘年漸不同偶解青樽消客淚
猶憐黃葉卷秋風西來驄馬徵蒲子北望層樓送髯公
却怪清貧老岳牧天高霜影數蜚鴻

時環極爾成內擢

艾長人招同宋子飛段西美田兼三飲石園

復閣石闌下釣灘星芒舉酒帶霜乾蒼崖壁削千峯合

黃山詩畱

壬子

卷之五

七

黃葉雲空萬樹寒天柱西南分上黨太行東北護長安
十年別後山川色長倚白雲入夜看

宋子飛北直段西美河南田兼三山西故於五六聯及之

李坦園招同魏環極田兼三園亭夜集兩公皆晉

人

相公載酒辟秋園曲巷叢籬月在門環樹石陰疑葉響
斜欄菊晦半霜痕新開晉嶺通函谷遠護秦軍遮太原
獵馬初迴修講藝相期何以事羲軒

十月朔再集可亭

其如流落半閒人呼酒驚看小臘春輦路聲傳海外曆

天門喜近殿中臣遙憐壠樹白雲落空老秋山紅葉新
每到可亭無俗客論文昏黑更情親是日頓曆

過故居

六載重經舊草廬和風吹滿紫香車浣花箋落溪頭水
湘雨魂歸江上書石榻恩餘宮墨汁桃花人種野溪蔬
可憐別後長沙淚不識東隣楊子居近揚猶龍宅

邀顧文起周西水黎子晉話借樓二首

尋君大隱入京華濂洛源淵貫百家書校疑龍侵嶽色
天高織女泛星槎曾憐秋色翻荷葉不爲空山種杏花
明到西河樓上約莫愁沾酒傷人賒周公學聯諸家故於中聯及之

黃山詩畱壬子卷之五

又

六

石鼓何曾近上臺名卿半爲解書來黃龍風雨從周子
白馬弓刀借楚材花寒雪擁西山出酒盡雲濃北海開
去到滕王高閣上問誰車馬影徘徊時黎子晉將歸江右

李鄴園特簡少宰紀事

長安爭識五花驄詔領縉紳阿閣東捧簡曾來留月上
懸囊不去老霜空澄才未許勞君相報國何妨論異同
自是賢臣依聖主可從啓事問山公

上李坦園相公

空同梅熟艷霜黃宰相傳家勅畧莊北嶽雲流連大陸

南箕星正繞明光乘仙摩括青銅狄握髮婆娑黑洛陽
顧命已經十二載曾依簪筆侍先皇

簡耿又樸年丈

公叔父耿章光
爲光大夫同門

弁山遙接歷亭斜四十餘年種桂花太白虹纏歸麗井
東丹血落哭秦砂書懸客座高于卷賦老文園恰半車
年少石銘誰得似原從海北問通家

公叔父舉
家投井死

壬子十月廿七日王敬哉夫子七十三壽題書

十月梅花白鶴仙紅深紅淺幾千年颯車多少吹笙子
猶喜王喬近雪筵

又

黃山詩畱

壬子

卷之五

十九

晞髮逍遙八十翁履聲不上建章宮山中雪後花千樹
結子龍團帶黑紅

陶暗山去扶桑五萬里有
桃樹千圍花皆青黑色

簡高堂令劉雲麓

盼子河東水漫流燕南鄭重鸚鵡裘白衣自許留清響
丹石何曾去畫洲社鼓驚連千夜月穎瓜封拒半園秋
龍頭龍腹諸君在遮送絃歌入嶽樓

長至日簡戴年兄雲門

剡溪接屋作南隣沽酒淡談入夜親旣得驃騎天下士

雲門典
武園

應憐韋布聖朝臣孤鴻雪盡千峯影一線寒吹

大海春傲吏清貧疎散甚自稱詩畫老山人

送張友舟別駕激江

石龍峯頂問停驂除却宗流無所貪天盡七星蒼海北
帆懸三楚大江南
淡春老樹分風雨踏雪諸蠻近火蠶
自是受經歸司馬不須饑渴種黃柑

得劉子羽來京師二首

海內稱詩伯山東老布衣
秋雲依馬渡蘄雪伴鴻飛
貧不沒肝膽文猶判是非
別來五六載無淚自依依

雪後山容改瑯琊近若何
亦憐車轍少未免鴈行多
白髮侵紅葉青雲散碧蘿
死生俱在眼流淚滿漳河

黃山詩畱

壬子

卷之五

二十

壬子十二月五日上馮相公易齋二首

誰躡青空摘露盤
星當東壁照長安
小珠月杵丹厓動
大峴峯高白雪寒
定業兩朝重沂國
扶天八水見貞觀
康浪粲粲石猶在
柰可勞君一杖彈

沂國王季先貞觀房喬孫青州相公

又

肯訪盧敖寄釣綸
可知調燮問何人
一言夜識星雲色
千晦花迎海岳臣
自是求賢歸博陸
豈關脫粟拜平津

吾家尚有三都在
留取封醅曲米春

左太冲亦齊人獻賦張華薦入秘書

公時有
去志

壽夏封公文山八十

長郎諱以鋒字抑
公江右進士刑部

先生年八十註書章江濱未知於何年玉璜浮釣綸奇
文層數卷風雨情相親朝日魚離曲西山雪照秦不肯
謁天子對策到楓宸跋扈飛青髯飄搖掛折巾腹藁江
聲急骨勁老嶙峋天子下徵書有詔兼蒲輪問讀何代
書歲祀忘庚申晉魏以後事不爲堯舜陳問道何近古
慈孳篤天倫太公舊治蜀扶鶴上青岷歸翼諸孫子未
許墮石麟以之駕元將昷茲臯夔臣遭逢近吁咈龍膏
起八荀以之分一命冠蓋廻車麟逍遙歸南浦蒼顏照
金鱗口腕有餘力落筆驚鬼神曰日隱飛電明月照高
旻生平未了事倒峽泛天津還須持萬言走馬長安春
黃山詩畱壬子卷之五

三

期不負所學天地使還醇白首猶知壯青雲未足貧疏
廣歸嫌早伏生命未屯何必留丹麴家從鹿洞鄰縱遲
二十載尚是百年人

鞠觀玉齋頭卽事

門外閒馳馬梨花護雪廬丹砂侵玉冊白筆擁金車水
早留封事山川入諫書虎狼終未去鴻鴈近何如錢柱
凌霜起春風待掃除

上孫作庭樑見受業

濟南名士自雲屯孫復諸生驗討論經國文章開鹿洞
洗天風雨到龍門却疑柳絮迴春色不掃梨花戴雪痕

昨夜光明喉舌出遙看聖德遍郊原

逋雪歌

白仲調喜子雪圖三年未報抵長安以扎從有逋雪之句卽爲逋雪歌題畫以答之

射粉無才入畫圖飄搖飛絮滿江湖須來天際峩倉頂
奪取寒聲夜半呼

又

幾年未了剡溪約白髮空留江上船錯記雨花臺畔影
香侵桃李帶春烟

又

彷彿山陰萬樹寒如何潑墨報袁安非關酒債尋常有
鄭重陽春欲和難

黃山詩畱

壬子

卷之五

三

又

帝子樓成水晶寒那能逃去借冰餐於今賣却青山盡
只許銀河天上看

壬子長安除夕病中八首

旅夢今宵盡如何夜更長羊裘經六載鴈爪印三霜檢
藥偏愁嬾傭書以墨忙黃昏諸客散慘淡問行藏

又

慇懃送柳車此去復何如酒漉漳河雪冰敲渤海魚愁
雖留藥竈喜不到家書嗟爾相從久莫漫苦馳驅

又

獨立東亭下寒聲夜自沉天高雙闕迴榻傷五雲深攀
樹今宵淚空山昨夜心離家七月後搔首到於今

又

有客遺尊酒同憐北海人問天分甲子守祀解庚申鐘
磬消殘臘星霜護老臣不知鴻雁影幾個渡平津

次年
癸丑

又

計到稱觴日焚椒隔夜呼香寒青黍液脆剝白雲蘇佛
事衛諸子春聲待老夫低徊燈葉落相對不全孤

又

珊珊何處渡猶恐是江天別路三千哢今宵二十年餘

黃山詩畱

壬子

卷之五

三

囊分甌米稗子索除錢未有小兒女不須調護憐

又

不必談鄉井相逢南北人奇文堪結客濁酒送清貧霜
破天河近星回帝女隣畏寒須早睡圖籍老相親

又

原許澗秋別何曾入臘歸春吹宮樹葉香綴侍臣衣筆
諫無才著神工老力揮可憐赤鴈隊空傷帝城飛

懷陳開之二首

家住茗溪上乘風薊北來曾聞陳亮後誰是稚川才生

死皆堪托安危無所猜來朝又改歲目斷愛山臺

是日
王嶺

之來京因問
陳開之消息

江上留嘉客如何遠虎狼得詩疑自削偶病檢遺方愁
或中宵去春從明日長欲揮雙鯉腹血落子雲床

丹癸丑

芙蓉正月和艾長人除夕咏懷五首用韻

星回六甲待清虛入夜參橫掛玉除論道青宮明月上
退朝黑髮洛陽疎纔分寶曆辭陪輦不散春風問下車
但得桃花村酒熟商量歸去自踟躕

明月太
山峯各

又

黃山詩畱

癸丑

卷之五

五

斜日天門春色多喧喧社鼓亂雲和神羊已奏承明否
歸鴈其如問夜何禮數原寬山子夢鄰家細按雪兒歌
不知祈穀傳官漏幾許金刀帶珮珂

又

芙蓉堤上白雲來肯使千年骨半灰玉冊纔從飛鳥去
丹厓依舊落花催却疑石走秦砂渡莫問松聲封禪臺
入夢襄餘九十策來朝子細待君開

又

於今何事不皆然耐可撐扶近八天雪盡樓臺凌帝闕
星殘車馬入宮塵縱消約法三千草早鑄刑書十二年

東里何曾避烈火傳家休著說非篇

又

何須舉網織春絲調燮剛柔問不疑青海魂歸今夜淚
黃河笑注百年思可憐杖底龍頭在猶寄霜痕鴈影知
自避高賢形勢迫好風着意上天吹

皇寺題巢公僧影

袈裟偏著草痕欺獨立蒼苔何所疑直晒青精霜底飯
却忘白雪夢中詩松長一蓋龍鱗老杖破千峯鳥路遲
聞道西山花幾畝可堪結伴曳軍持

正月廿一日發使歸寄懷家黃門初度

黃山詩畱

癸丑

卷之五

三

近來黑髮幾無餘又送東山使者車強半春風兒女事
慙慙老淚弟昆書寄來村酒皆虛甌留待荒籬早種蔬
恰憶洗天阿給諫滿頭白雪近何如

家中寄酒如此故寄一笑

正月廿六日雪中簡李少林御史

皇帝十二年時維王正月黃河水北流歷下飛泉竭山
東小麥乾蘄北鴻爪沒御溝判冰澌官柳如枯骨云自
秋徂冬雨雪密爲罰走胥酬高歌錦棚燈吐醇大夫亦
隱憂相向唯咄咄聖主天授才大蒐校征伐甲冑艷公
卿南苑聲發發衾謀翼六曹政不在平勃仗馬一長鳴
臥治播百越身角起撐天逐邪力突兀曷不少延留攀

車一正笏萬家杼軸空法令益綜核維帝恤公田春雪
怒如艷昨夜彤雲來凌晨尚未歇曉色落天河蒼茫搖
玉闕小者如牛尾大者如飛鷹不知東海濱猶可問歲
卒亦與雪泥泥又恐道路滑何以脂我車歸山采青蕨
相將及婦子涕淚中心骨蓬蓬雪滿頭乍見驚白髮

得杜子濂蘇竹浦黃破塵上人約入東山

江上別來六載餘昨年秋盡一行書非尋月杵仙人竈
又送桃花使者車客舍留僧家漸遠官貧沽酒禮全疎
還商采藥諸兄弟去釣黃山海大魚

壽東撫張來之公祖

正月廿九

黃山詩畱

癸丑

卷之五

三

龍節平波大海隅峻嶒太岱復何如白雲檢注封中冊
青女香吹天上車火樹千帆飛曉月桃花十水釣春魚
相公膏雨偏珠野猶意先皇賜玉書
火樹珊瑚名也

五十一 送魏文石相公予告歸里三首

復得中書見異人驚傳蒲子解車輪爲誰入夢推平陸
不老鳴珂去泃津佐命兩朝皆聖主扶天七發自孤臣
湖園春水盈千畷肯許裴公下釣綸

又

昨夜清暉玉臂長猷冰明月水蒼蒼還留紫綰封華蓋
且載白雲放墨莊調燮豈勞天上力絲綸不許野人忙

養成聖德經筵在尚問蜚鴻去幾行

又

二月春溶蘄北天扈車中使太行前圖收海嶽三千冊
身繫安危二十年雪注山頭留宰相花平谷口擁神仙
須知他日勞叅政莫漫沉封水旱篇

同鞠觀玉送劉蘭岫年兄假歸

別業繞昌水高風接士鄉濂溪遵老更少室見神羊不
比南江險無嫌北海藏洛河宮禦史調燮水衡郎上殿
青精戲退朝紫錦囊逍遙常隱几疎散亦飛觴只說丹
厓好空懷菰帶長埒頭驕馬俊荷葉束車香轡結深春

黃山詩畱

癸丑

卷之五

七

暖脂啣淺褥霜山門迎綠野書卷駕青箱或釣或樵叟
爲歌爲酒狂吾家去未遠逐隊約偕行柱下看星動臺
邊問夜忙治安勞聖主水旱節農桑抽吏田園盡小臣
菊逕荒閒雲沉藥竈密樹掩花牀枯麥愁冬塞蟄蝗畏
雪涼豐年過十載約法豈三章截海歸堯舜休兵邁武
湯千峯從木插三月買蠶筐此去尋箕穎歸來仔細商

又別劉蘭岫

君子之車未可留昌河春水抱門流鏡懸熊耳千層嶺
書接龍眠萬卷樓連轡香舍分紫塞輕尊雪浪入青州

計歸寒食吹桃李不向東門艷五侯

公歷官豫吳

清明送蘇竹浦歸里

二月陰霾柳半扞桃花早送進賢車神工墨雨侵雲濕
老淚春星醉月疎芍藥猶留江上曲臙脂不去夢中書
相憐別路十年後何處東風問故廬

芍藥譜臙脂集
俱竹浦舊刻

癸丑二月得河南王金章年兄來京

別來二十載嵩少自嶙峋未了乾坤淚還留風雨身天
高龍鬣遠日近鳳毛新東閣聯鑣出南園獵馬屯纂書
翼祖烈賜筆戴恩綸宰相分題卷先皇駐玉輪萬言飛
騫立三賦奏楓宸姓字陪龜筮揮毫動鬼神蛟螭乘喜
怒騏驥走風塵血濕看雲盡官餘釣雪貧諸賢懷大曆
黃山詩畱 癸丑 卷之五 壬

擬南苑大蒐十二韻

用王金章
年兄韻

短髮笑逸民所見先朝事相憐去國人無才藏岳牧何
地種麒麟白石悲歌曲黃河南北隣驚逢顏色好自恠
洛陽春今日文章重朝廷侍從親曾聞封渤海誰許訪
盟津早晚思前席貞觀有舊臣

御園萬騎接晴烟鐘鼓遙傳洛水篇問道銅龍停曉輅
談兵涿鹿走春畋咸陽馬隊聲廻舞王會屏開花影翩
自是穹廬分絕塞何須綸羽問籌邊白雲雙嶽連秦楚
青海三山護薊燕天子登臺華蓋出上卿慣射羽林穿
湖光十畝含星動甲擁千官破陣先繞樹旌旂催縱藥

合圍虎豹喜烹鮮珠文貝錯黃金縷曲艷梨香紫袖錢
古定津南鴻欲渡受降城北雪初濺得親禮樂貞觀日
不改文章侍從年尚賴諸臣成聖德早歸獵馬視經筵

讀千秋金鑑有述十二韻

遙頌南山紫氣浮老臣五卷足千秋偏多寶鏡天顏喜
詎少封疇玉斧修累業重華符帝胄萬年分陝戴王猷
文垂石鼓留奇字獵夢丹書入釣鈎只有黃龍伊雒出
何曾青鳥太行收梁園禮樂先歸第花萼旌旄自列侯
棧落集賢方士酒歌來於薦魯山詭非無十日輪朝宴
好送諸司洛水舟詔賜毛詩絕塞使客從宰相日中留
黃山詩畱 癸丑 卷之五 无

重逢姚宋陪宮輦並坐齊高退舍謀麗正新開分講席
貞觀舊接諫書投昇平須計開元後風度誰堪上殿頭

時高劉兩
公近臣

五日陳開之偶病借孟百聚楊海文坐話四首
懸艾將何避中原幾故人貪眠非酒力多病了詩貧扣
角歸齊市封絲弔楚臣誰能分半黍投入老龍津

又

老友依陳遠風流識孟嘗一時逢北海無計避東墻訪
醉看花嬾奇文結客忙五絲何所用彈淚灑雲莊

又

一統剛慷慨半榻借公侯避閣留鷄牧看山信馬投君
王喜射柳甲士逐輕舟傳說瀛壺水晴波不肯流

又

楊生稱絕伎學畫近古人奇字凌高爵立談識老臣蛟
龍皆逐食豺虎足埋輪却恠山陰道春聲入夜親

楊生
紹興

人

五月和魏無偽韻卽送別王蓋臣之里

天地陰藏過五陽投車別館借微涼書分黃石松千畝
舌吐青蓮酒半觴豺虎何曾懸艾注蛟龍不肯避絲長
得逢白日王喬舄莫戀蒼厓近故鄉

黃山詩畱

癸丑

卷之五

三十一

代贈姜賓陽

廷尉家聲近百年大珠書籠厥三千傳經石室留雲卧
濯墨泉寒帶雪濺歸去懷單遺白髮老來結伴訪青蓮
西莊尚有沈桑落不向吹臺問六賢

特單拙
庵已

贈朱長公

韓綵號萊縉癸丑進士復下帷讀
書不欲以圭組自了喜而贈之

纔推杏苑紫香車嬾着宮袍結珮魚到夜談淡開闢事
懸牀力解治安書花看渭北迎仙輅人在終南近帝居
年少如君才未老冠山擁篲復何如

用韻和環極年兄送王蓼航之虔州

二十餘年過帝城天涯到處問耆英相逢白髮驚相識

左掖何曾響樹聲樹聲簸簸疑同調傅粉仙郎顏色妙
欲倚含香京月馭君王鍾愛偏年少如君鯁骨不曾多
白筆崢嶸凌玉坡朝携太室封金鑰夕謫東蒙連珮珂
手挽黃河清孰比駿馬追風看虎齒直拍太行南斗雲
十年字貴洛陽紙蒲子不言誰復言文皇錄定兩朝恩
宮中筆扎分天老親試鴻詞近至尊至尊猶惜仙人謫
一日同哭秋雲白秋老雲寒去太常長安不見青麟跡
談經七載臥高堂慷慨從軍荻血長嬰城百戰填南海
三浙無冤報聖王可憐司牧單車出可憐平陸謹聲促
問誰畫轂下西江借才依舊推丙戌回首金臺看鳳毛
黃山詩畱 癸丑 卷之五 三

附魏環極原韻

蓮花宴孽雪痕高采蓮飛棹輕綃曲灑墨龍舟動紫毫
揮毫紅隊珠璣落天河雨洗人如昨爲送王生老犢車
汗侵野衲斜冠籜南浦潮聲萬里來八天重擊渡江才
留君如許絲綸篋鄭重來時上殿開別後行行淚如瀉
君行六月霜飛也前年作賦章江上滕王閣上諸賢列
今年握手與君別別後行行淚如瀉

北闕晴雲遠

北闕晴雲遠鳳城先皇開館集羣英四十九人相接
席槐陰日日禱書聲是時畿輔稱絕調更兼齊魯才
華妙嵩陽特鍾三四家風流儒雅推逸少余忝唐風
未足多忻隨公輩度鸞坡一朝步入梧桐掖封事中
宵想玉珂欽崎磊落誰能比論公姓字芬牙齒斗酒
能吟詩百篇逢世却無一片紙仕局紛紛那敢言詞

臣外擢忽新恩單丁豈合爲老母烏鳥終當報至尊
余送君歸官亦謫母氏念兒雙鬢白陳情得荷聖人
知與公俱遠長安迹慈闈先後去高堂兩家千里淚
痕長鮮民空有微軀在幾時奔走答君王壬子余方
應詔出大梁有司亦敦促膠州前來公後來癸丑重
逢三丙戌兄弟相看總二毛不歌不哭笑聲高兒婚
女嫁從容說有時長嘯一揮毫揮毫與酣風雨落九
州老氣無今昨彷彿淇澳竹萬竿颺颺秋天一掃籜
座上飛傳除目來麻姑五老借公才天子有命留不
得長江簫鼓畫船開行矣行矣懷難瀉此人真去處
州也旣不置之石渠天祿間何不瀉
對夏峯先生者行矣行矣懷難瀉

賦得聖朝無闕事送楊岱嵐請歸卽題書

聖朝無闕事驄馬自東歸海上多風雨田家存是非依
山結石屋落葉補秋衣看畫蒼厓頂輕雲着意飛

送別陳開之六首

黃山詩畱

癸丑

卷之五

三

七月長安雨十年江上人懸囊無所贈臨別倍相親未
了山川夢宵輕風雨身盧溝明月水車馬自麟麟

又

欲去不能別非關苦雨留凌晨迷鳥路信宿問魚舟太
史河邊樹獻王城上樓莫嫌驢背嬾草色政初秋

又

蕭條一旅擔大半古人書下馬思辛苦片雲任卷抒南
皮浸雪李西冷泛秋魚逢著長江客應憐鴻鴈疎

又

南北經營力十年以客貧鋒稜藏益銳愛憎老無隣雨

盡千峯失烟開萬樹新生平知已淚仗劍出天津

又

此身有所許三載已無家野水侵平草秋天捲暮鴉渾
陀浸古渡易水帶荒沙班馬雄關外蕭蕭莫怨嗟

又

高風仗劍易失路受恩難季布方全節魯連不拜官雖
貧才未老乍雨鳥初寒此去南江上相依北斗看

長卿故倦

遊離貧其
才可依也

送別孟百聚之江南八首

年少輕言別中原意氣偏所商知底事此去解誰憐溪

黃山詩畱

癸丑

卷之五

三

雨秋前路蒼烟江上船行行須鄭重沽酒問餘錢

又

秋向天津道有家尚可歸青雲封竹戶白髮檢秋衣貧
賤人猶是艱難路漸非濁河八月上鴻鴈政飛飛

訊東
圖先

生

又

老友餘肝膽死生百戰身龜蒙山北道彭澤柳西隣書
卷還歸魯桑麻早避秦年來甘露降邀醉幾仙人

再訊
東園

先
生

又

又

憶爾千竿竹青青一草亭酒濃分筍瘦飯熟避魚腥石
髮三年老桐絲一夜停相將好兒女繞膝撲秋螢

又

計到南園後涼風七月時山中黃葉路江上白魚絲三
絕還留石百蠻重落碑賢良新詔出歸馬莫遲遲

又

咲我逢迎拙憐君心事違立談皆致主小鳥亦雄飛去
住停杯卜山川任意歸相携秋艇上別淚兩依依

又

鳥路依人少天涯結客難文章猶重士錢穀自輕官水

黃山詩畱

癸丑

卷之五

三

落峯千點樓陰竹萬竿長生如有術不必問彈冠

諷命石

又

聞道開關久山中秋葉深星纏天闕迥雪落海門陰杖
去平湖水禪叅滿地金別來貪畫事幾樹老霜林

又諷命石

再同馬天衢送孟百聚言別四首

既煮蔬一盂亦沽酒一壺曾解長門賦猶懷司馬廬離
情燕子夜別淚稻孫湖不敢商行行李相將顧老夫

又

既沽一壺酒亦煮一盂蔬同作燕山客還驚梁父車清
江不可渡虎狼終負嶠君子行漫漫報我平安書

又
秣馬送之子悽然有所思言歸商結伴久客怨輕離碣石宮中樹靈光殿上碑舟行野水動早寄九秋詩

又只去嚴城爲讀里藏小詩

又愁今夜雨秋水斷天津別路三千里輕帆一二人看

雲懷白髮隔鸚鵡護青臣收拾天人策須憐一劍身

時隨孟端

士詞林南下

十二月廿八日馬天禱內使齋頭緋桃盛開

淺淡宮妝散玉階君王曾問相如才疑侵翡翠還留錦

輕注珊瑚綴落梅艷色偏憐近帝座含香不許出蓬萊

黃山詩畱癸丑卷之五

三

穩知結子千年熟故放名花雪後來

甲寅

元宵雪中同鞠觀玉坐李望石齋頭

敲樽雪盡已三更影倒銀河天半橫縱許栽花分上苑

何曾擊鼓徹平明貂衣疑出蠟螭塞鵝隊輕消淮蔡城

時秦楚驚聞

自是春風吹諫草從來李牧不談兵

三月送魏無僞歸里應小試

亦如膺大敵小戰勿輕試胸中十萬兵不必謀甲士請

觀負弩者矯矯聽馬嘶旣峙乃糗糧亦鍛乃弓矢竈陰

鷄犬留况肯驚婦子勝之於廟謨見之於萬里軍中易

韓范勿負天子使吾子方英年讀書淨渣滓下馬揮手
言上馬提容鞞所行紀律師所受風雨壘布屨結春雲
二月渡澤水臨別思所贈柳條未放系

響樹園十四首

借張楚
撫大人

吾家留北海避客寄東園擁樹閒雲過短墻落葉屯攤
書移借榻煑藥淹孤村虎豹不能至秋清早閉門

又

臺廠橫高野城孤見遠天星河低曉樹風葉卷秋烟筆
扎非貧懶參朮以病憐遶畦榆漸長來歲解春錢

又

黃山詩畱

甲寅

卷之五

五

無意雲深處花園臥樹聲乘風奪竹戶負雨撼山城白
草填車馬黃沙動甲兵西南久底定何事請長纓

又

長安遺散吏聖主樂求賢疏義裁門子用兵問井田餓
魚愁夜戰野馬看江懸到晚登臺上分明尺五天

又

龍節垂湘水何曾薊馬空開櫳浮柱北解榻御溝東棗
棘畏霜白芙蓉帶雪紅青天公子出拔箭射飛鴻

又

墻陰紺宇近玉女下東阿愁近靈鰲輦遙傳宮珮珂市

聲摧甲冑燈影亂星河却許關門早深秋枕半叢

又

補綴連青闌天高聖主孤白間霜鑰迴紫袖月輪扶早

計魚龍夜誰親鴻鴈圖慙慙王給事未肯廢江湖王巢雲見

訪

又

會天又

夜半驚濤起寒聲過北林千峯迴鴈渡一病了秋淡赤

括榆吞血黃侵桑落金非關試戰馬錯聽變哀音

又

九月京師震原非坤德違神鰲滄海動玉軸赤龍飛日

黃山詩畱

甲寅

卷之五

毛

短消饑渴村荒訛是非吾家春酒熟計伴早東歸

又

雨歇邊風急園荒樹棘墻菊花香在市楸葉掃盈筐劍

客尋詩坐柴車換酒嘗半生失狗監無力獻長揚時沈濤武

會元過訪適以車易酒

又

太白天中出求言受諫書長孫辭國是角里上徵車但

得留歸馬何須問釣魚北風黃鵠落惆悵子雲居

又

不記中儀宅猶傳太史園芙蓉尚未老棗棘自盤根斜

月分蓮影寒沙照露痕先生如未死亦倒庾公樽長安例外
吏至必
有一飯

又
先皇詔玉篆秋色戀春宮曾侍曲江輦忽分渭水鐘餘

香沉甲舍小珮結金虫二十年來別招魂酒肆東此宅原李

官詹

故居
雨宿谷口
暮雲佳節
高對
賦
與
秦
羅
子
詩

又

墻頭補木末落日照西櫳天影低雲黑霞光沒雪紅雖
寒停撥火亦倦送飛鴻切莫長弓射愁翻大海東

甲寅七月鏡臺山修先大父母墓六首

黃山詩畱

甲寅

卷之五

三

登臨二十載蘭谷待人來仙子乘珠水秦橋依鏡臺結
廬侵岸側斷草圯沙隈祖武凌碑篆驚看鳳詔裁

又

此翁始作主抱水湧諸峯滄海青天落石樓丹葉濃潮
聲先雨動谷口藉雲封賴有桃源使乘春駕老龍

又

又
舍小
麻
諫
金
虫
二
十
年
來
別
招
魂
酒
肆
東

六月至七月朝暮見南山聚散雲空影陰晴雨欲殷收
鷄鮮吏醉放豕待門關羊棗壠前樹依栖不忍刪

又

爲卜高山下潮聲隱樹聲危峯補斷壁野水帶新晴谷

隱忘離亂雲淡問死生於今穩負春不必苦經營子亦治墓
於祖壠
之側

又
懸峯天上落石巖蹴龍文環嶺圍低月雙溪結斷雲新
沙蔭古徑修草遍秋墳六十年孺慕死生淚未分

又

蓼蓼青山頂依依白髮孫神靈憑古木漁火亂孤村數
卷書留榻千溪水到門就從廬墓側瀝血戴君恩

哭單香令墓上二首

同君上鴈塔公子吹龍吟俠氣留生死懷人論古今嶺

黃山詩畱甲寅卷之五

五

雲依白馬松刺落黃金老淚縈秋眼相看已滿襟長公甥館

又

死別二十載衰草濕秋雲白下沉魚素黃河斷鴈羣魂
歸廬子水淚濕鄭公墳我亦年垂老從誰紀墓文公在官沒

於江
南

寄黃民部方振

曾渡桃花嶺停車問政來聖王懷積貯天下無餘財白
髮留盤水青雲看吹臺山東識管子倚賴救時才

卽席簡趙羅山

焚書三十三年後齊魯遙尊老布衣戰壘生餘鴻鴈淚

海門細煮蟹魚肥水精亦許稱臣子角里何曾論是非
莫怪遭逢難爲弟東來吾道自光輝

乃弟浮山
爲門下士

九日前留別趙浮山

避客城闈未可攀柴門雖設亦常關秋天老話文章事
滄海寒深甲冑閒種樹人依鸚鵡水荒城屋坐鳳凰山
相期明日茱萸酒可送沽河驢肯還

沽河近
膠東

李海若書室成得奇石索額字曰擁籠卽倣近體

紀事

驚飜怪石出秦砂小鳳山高三百家拾去補天生桂樹
携來鞭海種桃花誰沉雲母仙人炊自鏤珠文帝女車

黃山詩畱

甲寅

卷之五

早

尚許攤書十萬卷勞君砥礪破烟霞

九月四日月下坐鞠瞻玉齋頭

環海飄搖數點峯荒城草閣月溶溶天高水落千山雪
秋老烟寒萬畝松酒盡池頭眠虎豹弓飜穉子射蛟龍
爲勞細檢封章事傳道長安避玉驄

偕劉不倚黃山河上

凌水鳩農力隔溪渡老夫淺沙尋柳坐深草借僧趨到
岸青瓜影側畦紫菜鬚入秋蓮子落着雨稻孫扶高下
寒河水瀠澗綠米菰鑿厓築稼圃近寺帳屠蘇惜種桃
花少愁依松栢孤黃金結客盡白髮倩兒媵指點山川

事焦勞牛馬呼已經二十載誰問八千圓纔得天台使
相憐明月湖有書須眼破無酒傍村沽還逐東蘭約將
求蒼海桴遠天隱甲冑危磴釣珊瑚莫戀觀陽頂且來
衡福隅潮聲湧月動石骨切雲鋪尚許終年計騎驢掛
酒壺

早發翫底道中卽詠劉不倚山居二首

火星尚在畢驢背數叢峯瀑水侵衣濕村烟傍晚濃紅
肥秋樹老白練海雲封須到前溪問此中有臥龍

又

環峯洞夾岸折水半西流絕磴盤渦盡寒雲斷續留有

黃山詩畱

甲寅

卷之五

四

山背種樹無酒亦登樓那得從仙子逍遙菰葉舟

同鞠瞻玉簡村夜話二首

山店少重屋繩床柴鎖薰關門彈往事沽酒獵奇文剝
芋白于雪甘灰青似雲盤餐尚未了入夜已平分

又

繞屋多紅稻山家亦不貧村醪醉限飲樸畧更情親滄
海人情厚青驄氣象新相逢醉吏少好住避秦人

九日前雨中留鞠漸盤山莊二首

飛濤橫萬樹密雨暗山城墻缺藜松補風高落葉輕淺

沙汎徑水絕壁散秋聲不遠龍山路還期載酒行

是虎
有小

去城纔十里家住萬松山茅屋依厓削柴門傍夜關雨
溪催樹響客懶坐雲閒且有白衣至停樽自往還

時趙
羅山

送酒

九日李海若招同鞠漸盤鵬萬瞻玉趙壽椿浮山
文獻張又學平瀾盛九苞諸公登鳳山觀獵晚
歸浮山索句限高字卽簡正二首

翻身赤海坐秋濤直上層峯舉鳳毛手摘青天分跋扈
波開白雪任揮毫兔肥小獵歸輕馬鯨走沉樽補斷鰲

黃山詩畱

甲寅

卷之五

里

不數吹臺十二子彎弓老力射輪高

又

誰從海外結銅標胸盪清秋萬里濤村結雲衣鸚鵡去
臺空石甲鳳凰高才逢渤海多名士年少中原解贈刀
送酒滿山皆未醉歸來獵馬帶香醪

嵩山西有鸚鵡
村南有鳳凰臺

九月過王松心山莊二首

時公年
七十

七十老翁無老容鶴毛虎齒力猶龍多攤棗栗千言篋
新構樓臺萬晦松墻補東山青女近家隣西海紫雲封
相期再過十年後黃髮蓬鬆厚幾重

又

洞樓曲磴厥平臺六十餘年兄弟來朱果青黎囊布結
綠桃白芋壓瓏栽不須扶杖攀山走可耐騎驢踏月迴
潦倒橫談餘酒意商量夜半到蓬萊

大嵩道中二首

鸚鵡歸何處空山尚有村白衣妃子淚紅豆上皇恩誰
復留金鎖相憐解玉痕徘徊茅屋下秋色送黃昏

鸚鵡村

又

纔識五龍渡秋河澗不流沙平擁岸樹橋斷倚橫洲老
友文章在忠魂海岳留於今皆已矣不必問鴻溝

五龍河

沽河渡

黃山詩畱

甲寅

卷之五

望

飛虹北望折中流長使蛟龍夜半愁落落青茅遮斷壁
行行白鷺宿橫洲慕容車騎雙沽盡秦帝樓船大海收
直到穆陵三島外書生何事不封侯

南薛家島故封陽武

十二月朔三日諸子文成以詩示之志感

樹黑參橫雪未乾山深何處問長安坐來諸子談文事
遠去朝廷削釣竿不許輕霜分落蘼猶餘老淚代和丸
死生二十三年夢又看星芒入夜寒

亡荆已去二十三年

送劉不倚東歸卽訊鞠瞻玉趙浮山李海若諸君

子仍用安字

薄送東溪落葉乾黃山西北望長安談兵自有三千士

種竹還須數萬竿空谷小春分臘粥故人昨夜到泥丸
得鞠觀鳳城諸友勞相問雪盡青羶坐未寒

除前山居十二首

去去黃山路依依紫陌遊春雲垂海岳聖德厚巢由插
柳圍斜水編花護借樓明年殘雪盡肯爲百兒留

又

風塵二十載今得臥山村淺水環沙逕深雲抱木門剪
蔬陳臘事截脯補詩尊一榻留餘雪高吟聖主恩

又

寒空迷樹影可奈野人尋偏壓石茅屋全欺水樹林輕

黃山詩畱

甲寅

卷之五

四

堪凌白鴈墩不敵黃金只說乾坤大竟爲白雪侵

大雪

又

清晨雪未盡畏凍不能眠雙峽銀河落千村明月懸翻
然無片土何處捫高天剩有陽春色猶留石逕田

又

星迴節又度上德野人留種樹當年計遺詩身後謀金
桃舍入夢玉斧月移修到夜分天臘兒孫何所求

又

農夫何所事散粟換春卮月正王侯臘索先表噉時閒
村檢鳳竹照野祝蠶絲爲爾多燃炬晴光到北籬

又 祭月已過半荒村東炬麻曾聞禁爆竹何處訪梅花舊歲

京師嚴禁爆竹會酒酬詩力因風送鴈斜出門山鬼滿螺首書

誰家良藥草長蘆葉雲山墨苑千樹火雲起六門關

又

北風吹鴈背灑淚海東涯二十年高塚兩三人故家只

依松栢樹休種蘆亭花不敢留城市晨鷄亂暮鴉禮海

大夫墓壽黃山詩畱甲寅卷之五

又

踏雪旂山下松風千樹喧丸遺香在篋雷過血餘痕大

黃山詩畱甲寅卷之五

海雲留榻山城月抱門哀哀終未報到墓事晨昏先祖

又

高海鬪濤白低峯照雪紅貽謀百代遠新塚萬山中結

搆惟茅屋往來見落鴻半生事業老可問鏡臺東依先

結屋祖墓又

又

好領見孫輩挑籠築雪山星流千樹火雲臥一門關徧

插珊瑚隊直遊銀漢間敢云近木假濁酒洗衰顏首書

如何依臘夜只此樹青茭雪厚豺狼遠人餘貧賤交神

龍無定窟驚鳥避危巢恰落陳蕃榻盤空有二肴

客至

雪中同王宜之宿高密二首

不是剡溪約相逢戀子猷橫談一夜盡老淚百年留淡

雪圍茅屋殘星帶戍樓相期事未了豈肯爲貧愁

得王宜之

夜話其時公有西河之變余有長孫之痛

又

所商身後事囊底待人刪大被席皆暖清談門不關貧

同避地遠拙傍野人閒殘雪春風盡來看盧子山

約王宜之

入

雪中陳開之至山中二首

黃山詩畱

甲寅

卷之五

吳

去年同看長安雪今年大雪斷膠河人留墨水啣書少

鴈度盧溝入夜多須種垂楊遮土屋不妨秣馬到雲阿

如君俠骨長天直肯避春風皚皚歌

又

昨夜懷人在密水不知人已到雲河乍疑樹樹梨花少

自恹山山明月多江水寒空餘凍篋村烟臘盡宿盤阿

只愁脯酒酬詩力淚盡堪聽白鴈歌

雪中宿孝源莊感懷若直亾弟

蒼茫白屋接天痕駝嶺盤渦落孝源誰向空山射綠粉

我來孤塚坐黃昏寒侵水色雲千晦樹斷人家雪半村

四十餘年鴻鴈陣於今老淚帶霜吞

乙卯菊四詩各口號十四首

白辛詩寄丁率胥乞柳栽種慈庵下

新結慈庵大海東珠峯擁坐鏡臺中繞溪種柳千行少

斷岸齊雲萬畝空生菱須留兄弟約石銘不盡聖朝工

他年休息枯楊下自說鶴歸丁令公

子墓亦在慈庵側故及之

談白復李一如來黃山

吾兄鬚髮盡皤然雪色寒侵五月天不惜單驢千樹雨

猶憐七竇半谿烟疎狂許掃龍蛇落嬾惰終貪海嶽眠

數日驚惶生死淚眼中合見兩盧仙

時宋艾石玉宜之先後亡

黃山詩畱

乙卯卷之五

學

送李一如莊天水回里兩公皆七十二首

白髮珍珍老布衣於今七十不為稀鯨魚儘可撐天去

蝴蝶何曾入夢飛繞岸淡雲留客坐環峯疎雨斷柴扉

須訂買酒尋秋約九月千山黃葉肥

又

坐擁南山兩極星村醪鹿脯不曾停夜分講易吹藜火

酒盡懸鋤到草亭只許讀書聲在樹猶留貧賤友忘形

百年世事連宵話扶杖臨行子細聽

莊生說易李生獨飲

和談四村居口號十四首

長留大海擁柴門疑傷秦橋甲冑屯去問牧羊歸臥處

隔溪老眼漸沉昏

坐聽牛歌一日閒
秋來風雨護山川
床頭尚有楊雄賦
寂寞荒村又半年

手弄又原野露蒼

多種山花傍水津
夜來經雨看花新
自從談子騎驢去
不見門前沽酒人

雨會又博采海營

荒村酒盡不須錢
老去經年少醉涎
剩有西山多種黍
君來商確作同眠

黃山詩畱

乙卯

卷之五

吳

古又

山僧扶杖且行行
過雨山花送落英
須記明年多種樹
消貧無賴老經營

小貝又

驚聞南海典文章
君自關門不肯忙
放去溪前鵝鴨隊
老狂無意打鴛鴦

真寶又

萬樹聲搖驟雨飛
病餘竟月鎖柴扉
不知市上猶多虎
惹起山翁說是非

開製又

半谿春色半谿烟學輓銀床灌菜田幾晦種瓜幾晦樹
歸來無力枕書眠

又

雨聲和淚灑牛歌新割青茅結斷箋不許巢由貪綠野
山中只有白雲多

又

柰子青青杏子黃十年不記滿山筐摘來臥讀李斯傳
先語承恩拜始皇

又

黃金何處射龍鱗昨夜輕風報後因我去哭君君自去
黃山詩畱乙卯卷之五

看君天上結金身哭宋 艾石

又

少微星沒黑雲平十日書齋草自生只許他年訪地下
相憐不失故人情哭王 宜之

又

前年曾泛九龍陂郭泰舟橫江上波淚灑白楊長幾許
紅衫又去染婆娑哭郭 文海

又

賒得白雲伴此身老餘不死兩三人但能醉吏相逢少
潦倒南山樹色新

看荷兼示諸子四首

纔種蓮花傍小村，低圍斷嶺作墻垣。
淺深紅隊雲擎蓋，歌舞白衣月滿尊。
拒石藜梢橫樹壁，編松葦葉護柴門。
客來日夕科頭出，錯認山中王儉園。

又

種荷一畝近西村，沙湧山谿樹作垣。
粉墜波紅搖鏡幕，脂寒帶綠結金尊。
留僧煮藕長依客，枕水看雲不閉門。
嘗到苦心饒白酒，何曾碧椀泛石園。

又

五十餘年寄此村，依然四壁補荒垣。
須留白鷺陰長蓋，

黃山詩畱

乙卯

卷之五

五

不結黃金借半尊，到水花香依客座。
憐人秋色到柴門，相親鄭重芙蓉曲。
八駿還來玉井園。

又

堰沙鑿水抱谿村，數尺蓬蒿截短垣。
五石淤泥微涓賦，十分夜卷待歐尊。
曾傳藕在仙人井，自許珠翻大海門。
若箇蓮房堪結子，早看桂檝到秋園。

懷甯夫子相公感書

公諱完我

會閣

天肯復生耶律材，不然東閣爲誰開。
猶留至大文章事，竟老貞觀制作才。
種好春花陪玉輅，封殘霜骨上金臺。
可憐問政十年後，桃李紛紛漫草萊。

七月七日爲柴太守雲巖壽

字秩子

天河東壁星皇皇水拍銀盤天際長嶺上笙簫白鶴度
門前車馬五龍翔詔書早出丹厓路綺節纔臨墨雨莊
島近三山飛使鳥花裁七月走神羊江寒菊蘂秋妃石
海泊菰肥金殿光生當此日英雄事定有方平索酒嘗
又逢八月了一病足淡秋別客南河岸環山北草樓戴
荷驚雨蓋依葦護霜裘且煮泥尊酒堪消夜半愁

又

撥雨尋茅屋不須竹杖携塵消書在榻魚飽壁存詩葉

黃山詩畱

乙卯

卷之五

至

底搜蠶子墻頭摘豆萁病淡餘老力看菊倚東籬

寄王金章虔州刺史

聞君在唵峒撐柱蛟龍護二老時往來颺車駕風雨其上
藏玉版其下吐珠圃木客出讀詩猶誦阿房句曾借
睂山遊曾作蓮溪渡聖主重才人長材多奇遇可與其
讀書可與登高賦揮力造百舟疏鑿叢石聚鬱鬱望魏
闕雲淡長安路倉卒忽用兵劍門凌恠樹西斷碧鷄飛
南平秋血怒儒者近子房逍遙屬太傅相約過石津風
鶴不曾顧海嶽銘功勳八天任高呼所念東海人食亦
不我餽東西南北身蹙蹙如寒鷺亦欲折三萼其池不

可注亦欲借金航其水不可涸惆悵寄秋風癯顏自瞿

瞿
郝雪海補侍御

驄馬新恩帶雪晴洛陽不許野人驚軍中早畫樓船羨
篋底還消淮蔡兵自有一言酬聖主須商何事起蒼生
於今多少飛鴻在早向中原問長卿

題蒲城壯繆公廟四首

開國憑蒲子南天相虎臣封書猶在楚倚劍不忘秦生
是桓靈後死非晉魏人神靈終未遠躍馬護平津

又

黃山詩畱

乙卯

卷之五

五

八水何難定天門風雨搖終羞分霸業遺恨不臣朝血
落三湘浦魂歸萬里橋新傳鐘鼓夜彷彿錦江潮

又

西風懷聖主北斗近諸天擐甲猶呼戰掀鬚亦聽禪此
人自萬世去漢已千年誰斷丹甕力將軍起後賢

又

大白光芒滅甲兵尚未休此生期報國原不爲封侯榘
桐蒙金鏤旌旄晃石樓飛揚大將力鄭重讀春秋

過霑化訪李吉津齋頭坐話

仄巷連書屋繞畦種菊圍文章論得失治亂渾幾微潔

水憐生死盤河問是非畏寒借酒力潑墨隱愁揮別路
迴車泣淡秋背鴈歸老成持簡默跋扈接雄飛戰守從
邊徼經綸重簿帷但能留婦子可以審兵機白雲埋鏡
麓貝錦落金徽未必乏舟揖誰與近鑽闈將軍隈雪凍
獵馬戴霜肥枕柝侵歌舞徵才遠啼饑有言報聖主何
事答民依嶺轉桃花近水敲魚子肥行行驢背嬾長嘯
結無衣

泥燈二首

聞道天階迴丹梯自九層霾陰消鍊甲雪暗障泥燈草
木秋風滅樓臺夜氣增騾姚何日出看爾射飛鵬

黃山詩畱

乙卯

卷之五

五

又

懸燈虛客至影伴不曾孤米聚三湘路兵消八陣圖秦
皇惜爵祿羊祜節江湖自有平蠻策且將一醉沾

比部侍郎魏環極饋俸米答謝

四百諸兄弟開國躡青雲侍從者四十宅揆幾升聞昔
有中書令今有耐久君長留貧賤意不作榮枯分握手
自唏噓締結渾網緼或與追古道或與論奇文治亂不
敢言人情何紛紜相戒以大義忠孝切如焚爲國養元
氣所遺萬世勳偶登我堂上儻粟伴燕芹復坐我床上
枯墨列典墳臘淡踏雪跡裊底帶霜紋曰我有俸米可

以致修饋饑食大官廩聖澤戴餘芬三十年餓腹可以
鼓南薰恨不多萬石飽我秦楚軍天下息組甲歸去老
耕耘

御史張青樵遺羊裘答謝

貪吏不可爲廉吏不可幾百年餘疎拙不復嘆知希兒
女苦襁褓老婦捺杼機此身尚不死未了寒與饑上旣
有聖主我則何所依下亦有賢相我則何所歸生不騎
戰馬馳驅如鳥飛生不佩弓刀殺賊張國威所抱數卷
書誰爲解是非黃山千萬峯不能掩柴扉長安轟車馬
出門與衆違舉頭鴻鴈來低頭雨雪飛反爲故人憂惆
黃山詩畱乙卯卷之五
五雷
悵羞輕肥司農遺之粟柱史遺之衣法生忽不貧襟帶
動光輝

所言

養兵數十萬不費粟一粒豈惟鬼神謀百年計出入卽
使置兵荒亦不苦束濕其議必顛顛其容必澌澌上欲
報主恩所言無過急大臣出一言治亂與呼吸天地裕
和平山谷息夜泣更願千百載稷契歡相揖

沈貽堂壽索句

豈是補戈識至尊

虞世南事

兼材自許倒詞源受書石下留

癯骨散髮山中落墨痕便殿不妨圖海嶽懸蘆何以答

義軒千年長侍通臺下肯共霞舟載菊樽

借馮閤老易齋賀比部馮訥生長君登第二首

隴西小大以名尊年少輕揮玉斧喧簾擁冠山垂世業
屏開雲母近天門驚看射水分龍子會結飛樓種稻孫
此夜德星占太史光芒已徬紫微垣

又

舊築晴隄種玉砂喧喧簫鼓進賢車魚君河北連金絡
亭子山頭散桂花錢穀原非宰相事文章却在司農家
應憐棗栗還如許坐看天高八月槎

用文章却在司農家句賀魏環極長君登第二首

黃山詩畱

乙卯

卷之五

五

文章却在司農家年少翩翩奉赤霞曉月晴蛛侵桂妥
宮雲春馬看桃花一言報主籌邊策五字承天上殿車
又爲君王得國士何須海嶽費金沙

又

文章却在司農家鄭國風高萬戶霞兼乘珠寒飛殿雪
數聲墨潑結官花自工行步長安馬新接連鑣蒲子車
會奏日邊雲五色明年三月築晴砂

乙卯冬艾長人于岱仙任海澹招同譜宋子飛冀

公冶王迂叟林北海劉公愚孔心一劉潛夫魏

環極田兼三朱小晉馬劬石咸集時朱右軍治

禮中堂馮易齋李坦園秉政皆未遑及也於戲

從龍者三十年而十八人落落長安子亦以下

大走從諸公卿後良可悲也為之紀事

三十年餘客帝京光搖箕尾半天橫落落梅花舊廣平

歸來驄馬蜀岡清子飛直指揚州弱翁家住竹溪砵不許看雲

大岱晴心一山東復夢節度領上卿於今鍊藥散春城

北海漕中丞殿上臣虎舊知名憔悴岳牧理和羹公愚以省

閩人家北直纔識春官大禮成上稱長者著東明潛夫官禮政以

縣令起家陂留子貢解春耕詔列棉蓼調玉璜迂叟官大鴻臚歷吏治起

家曼倩駟馬自崢嶸畜仙官大司寇缺里賢封宗水衡公治官工尚書

黃山詩畱乙卯卷之五 姜

北直人以上借燕君子燕趙慷慨不虛生魏武愚忠幹國楨環極

司農子方直諫鬼神驚天下想望為重輕兼三官都憲吉

州鍊柱邊馬鳴秦砂千載祝珮旌小晉官太僕晉人直指山東秦砂在萊子

以上借虛傳東海近蓬瀛扶德何難八柱擎幻石以吏部外任山

東扶風豪士拙逢迎蕭蕭詩畫老青精真秦人猶留艾

孔尋齊盟長人彥升清節水如晶海滄山聖朝並簡著

刑平天下自謂無冤情二公俱大少司寇吁嗟乎紫陽

苗裔大賢聲閉戶胸藏十萬兵右君大司馬治母喪越藉畢公四世

篤忠貞太初無妨去就爭調燮補綴滿書籬夜深避客

苦經營十五人留恰二更尊酒今宵弟與兄忻逢少海

水澄泓肯借恩光天上行

時行建儲

乙卯十二月朱小晉劉公愚劉潛夫再招同譜得

閻嵩岳艾長人任海澹于岱仙田兼三冀公冶

林北海魏環極馬幼石與予偕集僅十二人而

宋子飛以病謝孔心一去山東朱小晉主人翁

也亦以病謝聚散之際亦云難矣再紀

十載刑清楚水長色老驚看年少郎三公司寇濟同堂

近傳東海不飛霜原無闕事在義皇疑說中丞焚諫章

河渠漕輓兩更張尚勞司農籌徬徨詔捧前星北斗光

大官勅貢肅冠裳郊廟笙歌頌太常天駟不聞凌上驥

黃山詩畱

乙卯

卷之五

五

青驄何故避東牆巢父瓠子樂洋洋扶風賣瑟自佯狂

誰復憐才薦五良水旱兵戈散四方今夜飛鴻問幾行

擬賀冊立 皇太子紀事六首

青帝宮開明月懸千官劍珮擁晴烟寅回陽德三星勺

詔出崑崙萬里天早闢金華求太傅乍傳銀榜近神仙

於今聖主勲宵旰鄭重皇恩儲大賢

明月峯在太山

又

詔下瑤山分紫宸纔封象輅隱麟麟火王接武當箕尾

木德承天紀甲寅八陣連旗獻獵馬六官束表薦霞綸

光芒到夜前星出海旬傳呼兩聖人

又中二萬散奏來新
兩宮口勅透重關祿負丹街拜至尊文綴雙螭盤玉璽
影搖七鳳到天門不須博望開雲路自許山泉照月痕
勿海汪洋波萬頃小臣何處沐新恩

又

遙望重華春色新海東小水接天津爲擎寶冊分中使
祇許君恩到近臣賤路虹飛遮電影深宮藥茂戴龍鱗
聖朝自有倪寬在不識封山共幾人

又

誰御蘿圖戴玉輪香扶紫極出楓宸重逢龍德天人表
黃山詩畱乙卯卷之五 庚

早洗魚文江漢濱河朔風流陪趙復燕山車馬白王恂
會看睿藻思成就已卜摩金十萬春

又

陶詔春風動珮珂甲兵昨夜洗銀河無勞雪陣平淮蔡
自拜天書獻尉陀紫氣銅樓看日近白雲玉冊傷恩多
况經三十餘年後共識重暉扶杖歌

守歲大雪二首

雪聲奪戶壓泥缸遙望車書會帝邦掌出仙人承露迥
城懸鳳闕入雲雙貂封馳壁人猶在鵝隊消兵寇未降
只恐軍中三萬婦夜來流淚滿漳江

天高萬里凍雲疎帝德更新與歲除自散寒花埋白骨
故留春雪護青廬徵金市盡江干粟清楚逃空渤海魚
今夜應憐鴻鴈在來朝白獸復何如

是年海
魚皆空

除夕

乙卯十二月春是丙辰初立春三十日諸事可漸除何
以除橫征何以除苞苴亦可除妄殺亦可除猾胥或與
除鬻爵或與除剝廬顧此一尊酒抱此數卷書酒借故
人飲舉卮忘啼噓故人伊阿誰陳子其借余去家三千
里六載棄門閭霜雪吹大被風雨障泥蔬持書與共讀

黃山詩畱

乙卯

卷之五

五

古今漫恣睢既不競意氣談咲自卷抒與之讀介子一
蛇行徐徐與之讀羊求饑渴亦與與左之有阿戎草野
禮數疎右之有痴兒棗栗無所餘東顧黃山雲不及子
同居北顧盧溝雪不及我同車豈曰饑無食豈曰寒無
襦有田不能種山空騎短驢有官不可求何處問曳裾
今夜已三更明日復何如

黃山詩畱目錄

卷之六

丙辰

元旦雪中送丘愧如賚冊儲詔之浙江四首

豈是袁安歸夢賒四首

和魏環極少司農元旦雪中二首

正月十三夜

正月十四夜

正月十五夜偕孫忤庭鞠觀玉諸君子坐任海濱

齋頭

黃山詩畱

卷之六目錄

正月十六夜招王蓋臣單牧之坐話

正月長安自壽六首

寄贈王元之

送任海濱祭告衡山南海奉詢楚撫張玉如大人

送勞書升公祖學憲山東三首

送董蒼水之閩謁吳臬使兼訊田髡源

送葉世光新任南和

清明發使歸里三首

得何相如補官來京二首

贈胡非熊二首

發使中州日京雨雪

清明同張先三諸君子坐馬天衢齋頭酬首

送成我存待御子歸

答指南子 精五星

寄賈純一上人 春詩

同單牧之諸君子報國寺看海棠歸江右接音紀

再事東園之茂潘魚二首

偶病二首 春詩

趙澄山將試廣文卽和原韻二首

春雨二首

黃山詩畧 卷之六目錄

二

雨餘劉木齋過訪論畫二首

偶書 山陰茂園文四味風集

送陳開之應淞江臧使聘卽借道歸里十首

再別陳開之賁借魚二首

送閻嵩嶽離使淞江二首 春詩

黃曉九年世兄春捷

東學士顧文起二首

四月廿日 春詩

胡非熊南歸次日雨五首 春詩

三月念七日京師雨電

答艾長人大司寇

丙辰春得杜鼎資同年來京訊別後得兒十五人

孫二十五人貧不能食將試青瑣戲贈近體乖

老兄弟情見乎詞二首

代贈

和董樵贈友人作用韻

和田霞綸尋花用韻二首

三月十八日四首

病起二首

送韓珠厓奉命迎婚歸里二首

黃山詩畧

卷之六目錄

三

五月初一日

送趙秉如學博東平買舟運河

五月六首

五日魏無偽惠筆墨卽答謝四首

五月八日孫忤庭六十二

東黃畹九二首

送黃畹九年世兄榮歸三首

艾大司寇長人扎來以退食槐聲句報之司寇輒

用爲開句做近體扎云庭槐得題句後日響不

已卽續十章紀異因各用開句依韻以和十首

得李吉津書附問蘇三竹浦病五首

送友人王父母父母父天願孫事六首

簡友人二首

送許竹隱新擢會稽司馬卽用喜雨原韻

苦熱中夜次大畧二首

弔陳忠愍將軍東海

題鳴鶴

借樹園雨中六首

六月雨中陸見紀事三首

和魏環極少司農秋初見慰一章贈二首

黃山詩畱

卷之六目錄

四

和少司農秋日平涼歸降捷至用韻二首

哭艾長人大司寇十一首

上膠守某公

張爾成兵部招同魏司農環極郭中允快庵夜話

問菊

頌董樵中秋泛大通橋二首

送鞠觀玉視鹺河東二首

過故居感懷二首

荷恩贈王父母父母及元配紀事六首

和孫作庭少司馬武闡卽事二首用韻

壽魏少司農環極

和魏無偽惠句卽用韻

送魏庶常子相請養太母榮歸卽贈

哭周伯衡從軍亡卽和魏少司農韻將寄王孝源

同年二首

弔蘇竹浦兄弟

送陳開之去山東

十一月廿一日八郎生日

除夕聽雪

丁巳

黃山詩畱

卷之六目錄

五

元旦病中三首

初二立春四首

正月十日馬天衢招同成愚昆楊海文及楠枚兩

兒登毘盧閣十二首

正月二十二病中十首

清明後送權侄歸里卽訊阿弟黃門

三月少司馬孫忭庭請假不果

三月十七日早朝引見道中口號

寒食雪和李吉津太史二首

哭趙石寅將寄萊子諸兄弟

哭朱華胤四十六韻
王子芄世兄送芍藥圖大人贈香韻等三首
得蘇鶴雪房清瀾來京二首

題張晴峯雷琴詩味園詩類此卷滿

五日柬于桐江

五日後雨二首二首

送膠守張其玉父母東二首

山茱萸二首

李吉津扎稱王元美詩有諸事便當如我死一貧

原不受人知之句屬商郝復陽侍御答此兼弔

黃山詩畱

卷之六目錄

六

蘇竹浦兄弟二首

得李太初來京將之楚借訊撫憲張公玉山

和孟百聚落花詩三十首

送顧文起學士之粵東二首

柬劉潛夫工部二首

和周蓋臣

莊澹庵惠大士像和陶詩賦此答謝

寄南陽太守張年兄深發

喜雲兒秋捷奉懷
兩大人卽寄諸子三首

十月雨中標兒捷後賦送公仁姪回揚州

劉潛夫年臺齋頭采落菊卽限菊字古風六十韻
沈昭子先生分闡以易得樗兒

黃山詩畱

卷之六目錄

七



黃山詩畱

卷之六目錄

黃山詩畱卷之六

又

樟

宗焯

光祖

膠東法若真黃山父著男樵校孫

宗爨

枚

輝祖

丙辰

元旦雪中送丘愧如賫冊儲詔之浙江四首

丘生閩人

卿恩六轡出江干馬綴天香萬里寒
倒落銀河分漢使懸封玉冊紀秦官
吹花菊水留仙石洗甲潮聲下釣灘

借問禹航賢太守幾壺白雪帶冰餐

時王鼎臣任杭太守有賢名

黃山詩畱

丙辰

卷之六

昔聞又

又看春城改歲華天街濃艷紫香車
封江上行人舉雪斷山中太史家
醉眼輕開渾柳絮飛鴻逐處避梅花
遠臣自許朝叅嬾豈是袁安歸夢賒

兼訊黃太宰次辰

丙辰

蒼茫樹影閉柴關朝退隣家車馬閒
青闥龍鱗封北闕白雲王氣滿西山
寒催鎧甲徵兵合天入樓船載月還
子細江干分鏡鎖海門深處可誰攀

又

慇懃使者去何如菴畫谿南問故居
鴻鴈懷人千樹雪

河山客夢半床書，驚分銀榜宮中詔。遠載水輪海外車，
須識新恩天地濶。壺公絕頂釣春魚，兼訊湖州故友

自餘豈是袁安歸夢賒四首 正貴寒

豈是袁安歸夢賒，淚乾雪盡半天斜。疑吹落絮千門柳，
直送歸騎萬里砂。青海祗堪分鴈影，黃山何處問梅花。
蒼茫記得谿前路，不識春聲第幾家。

張詩又 詩是孤根去問林南樹字家 仲王

豈是袁安歸夢賒，寒空目斷九天斜。少年鍊鉞分投石，
絕塞瓊裘畫聚砂。客送南州避瓠子，書來東嶺泛桃花。

昨年曾許留桑落，早去盤河太史家。懷李吉津

黃山詩畱 丙辰 卷之六 二

張詩又 詩是孤根去問林南樹字家 仲王

豈是袁安歸夢賒，荒天雲影半林斜。誰憐海北留新穀，
不信淮南盡唱砂。屋傍丹厓千嶂樹，人來青李半畦花。
那能扶杖長河外，去問村南楊子家。寄楊仲玉

張詩又 詩是孤根去問林南樹字家 仲王

豈是袁安歸夢賒，娥眉影落半輪斜。江分百粵留金馬，
詔下千山煮澱砂。戰壘屠蘇清埜壁，將軍玉樹滿船花。
自餘月照西山雪，逐夜光輝五貴家。

張詩和魏環極少司農元旦雪中三首 仲王

昨年釣雪伴山翁，今年官米推司農。啣恩聖主偏高臥，

獻瑞龍車近扈從甲冑千屯留楚塞將軍一劍報秦封
國儲不必須劉宴自有黃金十萬鐘

時陳總兵殉難

十首又

貞觀才士重姚虞天臘春風總未殊歌舞不妨隨戰壘
葦菱何處借軍蕩乾坤到眼疑縱橫鴻鴈中宵問有無
只說捷書昨夜至誰從白獸上新圖

美齋正月十三夜

昨年今日築雪山手挽兒孫天際攀徧插松栢結青嶂

山椒散酒放愁顏少焉月出東山上環峰懸雪戴石班

萬樹寒空天地白短屋荒村門不關亦有村燈燒蠟燭

黃山詩畱

丙辰

卷之六

三

老友珍珍杖履艱兩河僧眠鐘磬歇踏雪長河載月還

草野皆稱堯舜主山中親見巢由閒可憐今日走長安

舉頭新月半輪彎社鼓高歌兒女謹錦燈綉履翡翠鬟

美酒沽來從易水俸米又邀卿相頒海內故人貧相倚

遙聽新詔下白間天下治亂不敢言兒童佻泄愚且頑

我亦思歸無所歸眼開月落淚潛潛

貞齋正月十四夜

天淵春風歸來杖履艱不復聞鐘磬

斗酒不能下出門尋月明寒烟吹紫陌殘火散春城斗

柄低東海參匡正北平綺燈人半醉錦馬雪新晴細逐

兒童隊遙憐粉黛輕幾年草野淚半夜故園情垂老無

深計籌邊咲請纓還携陳夫子高臥對泥檠

甲子正月十五夜偕孫忭庭鞠觀玉諸君子坐任海濱

甲子正月齋頭

草野倨卿相忘形留故人迂疎減禮數貧賤渾情親
白雪高秋憲青樽扶月輪琉璃封火樹翡翠解金麟伎動
簪花晏書分鴻寶臣從容伺色咲踟躕戴乾坤猶記曲
江事可憐棘水津亦知寬夜禁何處放漁綸

命未正月十六夜招王蓋臣單牧之坐話

王諱辰襄陽人

故人羊角來相揖席門開恍忽三年夢春風易水懷雪

壓崆峒頂雲封樂毅臺天街橫車馬燈火徹明催蜚鴻

黃山詩畱

丙辰

卷之六

四

半在野相親白髮衰所談海嶽事草木亦變哀仙人擁
飈車朝暮迭徘徊不如歸種樹乘風先雨栽此亦如民
命未可與崩摧此亦如詔令勿使滋疑猜慷慨悲秦川
白嶽戰秋苔城郭半坵墟婦子散蒿萊何處知天臘鶴
唳驚風雷哭聲滿天地巢屋結崔嵬皎皎一片月依舊

照山隈

甲子正月長安自壽六首

鴻鴈飛飛亦未眠自是南箕搖漢影依然北斗指春天
書生原不知兵事太白何勞當戶懸

又

六十年餘骨未衰
木精天上復重來
萬家雪色漁陽夜
一壘春風樂毅臺
且省以官憂國是
敢留此舌向人開
但能寇息邀歸去
十晦垂楊信手栽

司牧一官十年不補

又

海國洋洋大曆賢
杖頭原自少餘錢
因談開關青黎話
到眼乾坤白雪篇
經國無煩勞將相
封禪自去徧山川
停尊且紀簪花客
天臘春風十五年

時頒祭告嶽實是日李望石單牧之

又

鞠觀玉劉木齋任梁河黃方振張青樵諸君子邀酌

黃山詩畱

丙辰

卷之六

五

別來何處問平原
許聽吹笙去海門
斷壁樓臺高白眼
依人熹怒老青尊
江雲卧甲諸軍策
春雪清宵聖主恩
不識山中幾歲月
何曾畫繭寄兒孫

時約王蓋臣計東歸

又

豈是滹沱問渡難
前宵落月滿長安
泥缸息火停歸夢
土榻支几借避寒
未了蘭河松萬晦
可憐石社竹千竿
愁來短碣尋休息
不記生前岳牧官

又

昨年攀樹雨絲絲
雪盡千山未可期
創守艱難半夜淚
死生曰杵幾行詩
鳳凰結隊春天夢
草廡深寒墨水思

惟得連宵依白髮猶憐今日抱兒時

寄贈王元之

襄陵人

聞君慷慨舉生平載璧堪償十二城肯散黃金新結客
猶留白雪舊知名神龍早卜星雲動駿馬何曾草木驚
自是多賢羊角里於今誰復解青萍

送任海濱祭告衡山南海奉詢楚撫張玉如大人
詔出天門載玉幢啣恩海嶽護南邦詎留鴈影分銅柱
早折梅花渡墨江萬葉紅雲封帝冊千帆青雨挽龍艘
正當聖德春風遠誰道務脩未肯降

又

黃山詩畱

丙辰

卷之六

六

相逢裴度計如何况有天南漢伏波迴鴈摩雲思聖主
神龍夾楫聽鏡歌江深湧雪圍元濟灘急寒潮問射陀
早隲柴烟封玉簡君家父子傷恩多

海濱公子
登秋第

送勞書升公祖學憲山東二首

聖代文章未盡停猶爲千載寄傳經車留海甸隨春雨
人到奎婁見使星自踏蓮花開北極曾憐草色解西銘
翻然直撤桐魚響又撥秦封太岱青

又

輔廣推來大海濱圖書玉馬壓車輪親逢當代銅樓使
鄭重從前金粟身明月千秋分鳳冊桃花百畷帶魚綸

山東未必多才子得士何妨一二人

送董蒼水之閩謁吳臬使兼訊田髯源

此行萬里隱秋深
荻血應憐馬上吟
卧甲天南遮敵國

吳漢事

奇文海北見中林
吳傲事囊餘白雪千山句
舌戰黃

花一夜金爲問
千秋天下士
田千秋虔刀今日向誰尋

送葉世光新任南和

特詔狼溝長者車
漢家侍御復何如
珠宮不盡千尋樹

步慢偏留萬卷書
隨雨輪深孤竹水
看雲泪斷小修魚

須知劍氣章江上
夜夜光芒恨未除
其伯父死江西縣令以功官其父

清明發使歸里三首

黃山詩畱 丙辰 卷之六 七

寂寞連宵雨
慙慙千里書
山家多種樹
客食久無魚
枕

泪依痕老春鴉過
影疎約歸三月後
檢點問柴車

又

借屋堪留榻
買官無一錢
尋花迷斷雨
市柳帶殘烟
多

病全依友離家苦
老年猶遲半月客
消受此春天
陳開之德

清人有半月泉時開加納例

又

冀北烽烟少
山東歸路長
一書隔數月
同伴檢餘糧
只

我傭白屋須見種
綠楊將來結構處
省得老人忙

得何相如補官來京二首

老友歸天上翩翩公子來文章垂冀壘冠蓋滿聚臺瘞
鶴碑中字射龍江上才年來生死泪南北爲誰哀

何庸夫久

故

又

遺書終未失接武散光輝馬逐龍池上花啣燕子飛園
依竹徑滿江落海潮歸自賴多知己輕囊春雨肥

贈胡非熊二首

南江稱國士北海藉儒聲白髮千絲短黃金一籠輕清
談卿相友奇篆鬼神驚不必憂貧賤留君仗劍行

又

黃山詩畱

丙辰

卷之六

八

客結清江上少年小孟嘗餐花分鳥篆煮雪洗魚腸自
許虔刀佩長懸拜石囊相憐饑欲死何處問行藏

發使中州

陰陰雨未解細細柳垂絲老寄十年友貧將數卷詩黃
河新路圻青海故園思烽火愁懸釜愁歸花落時

清明同張先三諸君子坐馬天衢齋頭四首

依松留客醉春雨解新晴射水推龍子看花到鳳城空
天金粟盡小苑獵騎輕曾避封侯賞蕭然故國情

又

客裏逢寒食山花半未開春溶偏細草雨厚卜濃苔墻

斷西山補樽開北海來何年休甲冑歸去訪吹臺

何年稱報國曇海近東籬松蓋虬龍老天高鳩鵲移空
林巢瓦鼠沾酒灌花畦過雨留痕濕蒼茫前代碑

又賈諷一上人

祇園隱故老易水借清樽折杏凌花藥攀藤帶雨痕青
雲年少事白髮聖朝恩自是張華去文章寄後昆

先三公子

春提

送成我存待御子歸

春舩江上水潺潺此去人留天地間特勅君恩加異數

黃山詩畱

丙辰

卷之六

九

輕燒藥竈減餘閒歸商野老年事出救蒼生幾月還
自是囊中多補綴朝廷肯許老東山

答指南子精五星

踏雨輕驢背借來賣卜錢械開飛白雪舌在出青蓮檢
點羸官事蕭條倚甌懸相逢咲曼倩富貴是何年

寄賈純一上人

大道歸何在山中問赤松輕囊天地捲護竈鬼神攻去
住隨青鳥晨昏駕黑龍何時飛鳥下落在小珠峯

同單牧之諸君子報國寺看海棠聞江右提音紀

事

尋花直到老僧家淺淺紅絲未解花澹粉愁消春戰
輕脂怯避雨香車山空自許支公嬾酒盡何妨陶令賒
忽報九峯平大寇捷書幾日出龍沙

偶病二首

客裏偏多病長安何所歸春鴉偎子哺巢燕傍人依藥
減看囊盡甌空咲鼠肥時來東陌上楊柳正霏霏

又

爲踐海棠約乘春訪藥闌遲歸非病嬾看書以貧閒書
去家何在客來門不關那能載瘦骨拮据到黃山

趙浮山將試廣文卽和原韻二首

黃山詩畱

丙辰

卷之六

十

聖朝需趙復瘦馬綴鉤膺縱拙猶餘舌惟貧無所能扶
天非力短多病以愁增吾道江河在龍門未可登

又

白雪歌難和黃金價倍高長卿裘自解神女瑟空勞四
海同俎豆百年一布袍奇文終不沒天地老吾曹

原有
坐歌

春雪曲漫惜
樽輪袍之句

春雨二首

終日陰霾後黃昏細雨來柳絲折水盡花妥摘畦栽酒
換春宮錦眼開封禪臺門闕多病嬾今日爲誰開

又

半夜連聲雨，清晨幾句詩。悲歌餘老力，愛惜種花時。薄粥東山米，輕鹽北海匙。何年少醉吏，放下故園思。

春風雨餘，劉木齋過訪論畫二首。六子合賦。五風如

天高雲若幕，不雨亦長陰。扶病畏泥淺，看山入畫深。卷

抒十日力，歌咲百年心。曾躡超然上，秋烟未可尋。超然臺名

在諸城 又與劉木齋論畫。劉木齋詩。劉木齋詩。劉木齋詩。

又與劉木齋論畫。劉木齋詩。劉木齋詩。劉木齋詩。

不斷西山雨，曾留北海詩。濕雲留墨汁，射雪照蓬絲。老

盡消磨恨，貧餘慘澹思。瑯琊近故里，何計補秦碑。瑯琊臺無

字碑也。後有防字其上者。痕深數寸。憑弔者憾之。

黃山詩畱 丙辰 卷之六

十一

偶書

愁來輕雨後，風怒捲黃沙。土壁沈虛甌，石床擁落花。雲

低仙子洞，樹斷野人家。到夜星辰出，空林歸暮鴉。

送陳開之應潮江。饒使聘，卽借道歸里十首。

春風送鴉鴈，翩翩天上飛。我亦送之子，乘風鼓楫歸。雪

空江，牽捲潮靜，海魚肥。劉晏才名重，况經動少微。

天高又春，草不雨亦具。劉木齋詩。劉木齋詩。劉木齋詩。

春風送鴉鴈，雁悽悽。不忍離我亦送之子，舍泪任風吹。禹

穴三千戶，錢塘十萬師。借匡鹽鉄使，正是輓輸時。

又

春風送鴉鴈，雁悽悽。不忍離我亦送之子，舍泪任風吹。禹

春風送鴉鴈風急陣行遲我亦送之子匹馬轡垂垂檢
點舊書卷淒涼新贈詩十年老兄弟江上寄愁思

又

春風送鴉鴈雁欲去復回翔我亦送之子相顧兩旁皇箒
邊分空井括海摘龍藏上已看花日慙慙到故鄉

又

春風送鴉鴈雁風高結伴飛我亦送之子心事兩相違意
氣乖貧賤行藏問是非春風撲柳絮尚落故人衣

又

春風送鴉鴈雁飛飛影漸高我亦送之子盧水不容刀西

黃山詩畱

丙辰

卷之六

十一

湖花作錦東湖監如膏別後十年事星霜已二毛

又

春風送鴉鴈雁嗷嗷聲半聞我亦送之子馬隊入空羣曉
樹胷霜影寒花照劍紋東南賁海利不必避終軍

又

春風送鴉鴈雁飛飛影漸空我亦送之子老淚避春風酒
盡盧溝北人歸滄海東馬周才自足花柳滿吳宮

又

春風送鴉鴈雁將度大江頭我亦送之子江水正東流新
柳迷燕雨輕雲掛楚樓親朋半月上邀醉小漁舟

又

春風送鴉雁翱翔別子門我亦送之子幾日宿江村
水搖山影桃花帶雨痕長安逃客路白髮戴君恩

再別陳開之煮借魚二首

雖非彈鋏客同食久無魚扶病饒餘舌懷人泪枕書
閉門依藥竈分厨典柴車霍霍刀聲急空調煮凍蔬

又

久斷東山扎借來北海魚倉皇野老農收拾故人書
別泪餘懸榻臨行試上車江東鶴笋貴早寄箬溪蔬

送閻嵩嶽巖使湘江二首

黃山詩畱

丙辰

卷之六

十三

江鹽高白雪海路薄青雲老友餘貧賤得人資見聞陰
陽潮月動消息見天分須識艱難力登臺懷右軍

又

傷心此去路勞吏爲誰貧撐骨逢迎拙喜官車馬新離
筵非酒盡老泪以情親自賴君恩厚鹽梅起孟津

和董樵贈友人作用韻

前年禮丹厓盤曲千山樹蛟龍落秦橋白雲遮輦路曾
聞有老人乾坤同所寓矯與木精遊公卿不屑顧不爲
鸞鳳喜不爲麋鹿忤弋矰與網羅無所用其妬赤海翻
青波血戰神鯨去撐劍倚長天高峯半月吐曾參不殺

人愛憎爲誰數捲書來圯上恐遺長者惡

和田霞綸尋花用韻二首

爲訪海棠來嬌藥落春潛俠客脫新轍坐與山僧語生
未抵祇園澹然無所取紅樓倚白雲寒花翩欲舞東苑
散榆錢乘風墜何處願借贈高官卿恩散同侶

又

尚餘桃李花飛飛西園外偶結看花約竟是蘭溪會嶠
峯落玉溝山河在襟帶紺殿接星辰雙闕留春靄戈甲
靜無聲老松遺清籟聞當黃虞時君臣際交泰夔龍奏
禮樂巢許亦無賴日在潁水上爛醉洗黃犢

黃山詩畱

丙辰

卷之六

十四

三月十八日

傳聞鐘鼓列神仙深殿垂衣避御筵碧藕詎留滄海外
青精不去聖人前雲封玉女平秦塞詔下銅堤近楚天
四海車書朝北極同歡箕水戴堯年

時詔停
壽筵

又

西山春色雨初晴遙接龍顏傍帝城上冊兩宮開輦路
陳書三殿歇鐘聲從容羽獵楊雄賦縱橫樓舩王濬兵
却下百官停燕賀朝廷何以勞公卿

又田霞綸尋花用韻二首

單車又自老風塵高臥啣恩近紫宸問道回鑾分石鼓

移舟下馬釣龍津重逢魚子義軒事坐看桃花秦漢人
上壽同天千萬載長安三月喜陽春

燕于又寄苦離羣

天壽層封接御溝東西擁護帝王州潮聲萬里歸黃洛
花氣千山送白浮金鑑偏從春殿上玉函自到曲江頭
遠臣那得陪丹陛坐聽絃歌入鳳樓

病起二首

關門二十日于橐漸無餘破篋營柴牧熟茶伴野蔬老
年疑佛事解病枕奇書何以謀歸計蹇驢駕竹車

又

黃山詩畱

丙辰

卷之六

五

強扶纜二日何處學長生揀藥章江水談星鐵甕城繞
床懸筆扎欹枕避公卿自臥羲皇上何曾間用兵

時夏抑公

遺藥方豫人姚公五星鎮江人

三月念七日京師雨雹

春風過九十雷起聲殷殷黑雲自南來雨氣結氤氳天
地皆閉塞星辰無所分霹靂橫電影雹栗結氷文瓦屋
亂飛揚戈甲空中聞鳥鵲翻欲墜花落雪紛紛樹頭春
燕子今夜苦離羣

書答艾長人大司寇三良喜

刑措於今三十年還依北斗看長天尚書履曳金門上

司寇風高武庫邊自傷白雲千樹影幾經赤棘半秋烟
先生舊有持籌畧何日同揚聖主前

丙辰春得杜鼎資同年來京訊別後得見十五人
孫二十五人貧不能食將試青瑣戲贈近體垂
老兄弟情見乎詞二首

傳經事聖主開國下蒲輪獻策初投漢焚書豈避秦河
山羞白髮甲冑咲青燐縱酒桃花岸留君釣棘津

又

不必汾陽去見孫逐額來饒須春苜蓿家近海蓬萊治
事胡瑗法陳書石介才風塵三十載相對且啣杯

黃山詩畱

丙辰

卷之六

去

代贈

血落蜀岡賦栢舟白虹雙出大江流遺書庚戌言猶在
對奕婆星泪未收好夢桑君分夜石幾留橘子解霜秋
應怜世德千年後護惜兒孫萬卷樓

黃畹九年世兄春捷

諱蘭森字畹九膝縣人父諱家瑞丁卯先大夫同年

青箱世濟喜重新脫却褐衣亦自貧遺夢入天空海上
傳家一犢去江濱艱難創繼傳丁卯開闢文章載丙辰
原是山東兄弟輩長安沾酒更情親

黃年伯官揚撫

東學士顧文起二首

二十餘年衣布時依懸木榻近東籬身經百戰瘡痕在

筆落千行海嶽移自咲山濤諸友醉長留文靖聖人思
同朝只許憑高臥不說衡山綠字碑

公先官吏部

又

相逢解珮近同朝白髮於今壯志消鐵柱揮兵塵聚米
石龍合陣錦纏腰花陰悔別東隣酒天間愁懸北斗杓
俱道無勞卿相力萬年聖主自神堯

四月廿日

用兵何日解中原會計經營勞至尊早識三年通國用
且從入議濟君恩愁依燕子春巢落泪灑魚君月影翻
爲語諸軍留婦子歸來買犢結山村

黃山詩畱

丙辰

卷之六

七

胡非熊南歸次日雨五首

客去偏多雨清消馬上塵輕囊束鳥篆望闕隱龍鱗花
落桑乾水泥濺榆渾津計程江上渡歸路不知貧

非熊精篆

法

四月廿日

又

關門半夜雨惆悵送人歸沽酒魚君渡憐春燕子飛客
愁非病瘦雲濕看花肥盡禿張顛髮老狂一醉揮

又

清晨修斷弗深雨坐忘機縞帶難貧賤杞憂問是非借
巢危宿鳥計米解春衣勅市懸官爵青蚨血盡飛

又
送客盧溝北思家墨水南春殘薺菜美雪盡鰈魚甘書
隱山河汨愁深風雨舍相期八九月村酒待君酣

又
寂無車馬至潯雨帶春寒紅杏懸花市黃毛脫笠冠梁
巢聽燕語酒麓看星乾莫漫愁新法猶餘天地寬

送韓珠匡奉命迎婚歸里二首

自是騎山後風高江水長少年輕意氣報主藉文章才
大聲南國學成述北堂拜官金馬上得士玉螭傍臣請
填鳩鵲君恩賜鳳凰霞流宮珮軟月綴錦纏芳過雨桃
黃山詩畱丙辰卷之六
花碧憐春梅子黃淞籬環杞菊香水洗鴛鴦樓結仙橋
遠蓮分藥圃光風雲連祖帳珪璧動門墻星穴搖珠岸
天書到石梁猶來清潁上一識舊歐陽

又
昌黎不再出吾道其誰扶磬石星雲動同山風雨呼窺

垣稽古力返國借城圖英妙邁曹植奇文識定夫虔刀
分寶笥木假載舍珠帝眷中書省材成大冶鑪乘龍請
聖旨繡虎綴兵符時際五日著雨梅花濕尋秋桂葉鋪雲填
鳩鵲尾月抱鳳凰雛銀榜輝仙路金門照上都珈璇陳
棗栗錦綬列屠蘇拜詔書樓夏回朝玉陛趨鴛鴦封殿

瓦牛女鏤宮壺調燮陰陽理轉移天地樞黑頭登宰相
早晚賴名儒

五月初一日

黑氣湧西山揚風捲紫陌砰磕掣雷聲濕旋搖天碧倒
影散黃埃拔樹走沙石長街瓦屋飛騰裂垂片席曰礮
駕鳥翔樓閣半傾圻行者謹于市居者死斷籍男婦走
東西頸血濺蹠躡俄舉翼青天俄曲盤敗械雷發擊水
電喬喬亂穿魄礪礪如甲兵葉落曳雲白蜿蜒墜長空
天高不可指入晡朝日食頃刻變陰液黑氣薄紫紅墜
囊如飛射童叟拍手呼長呼復歎息歎惜增官賦何人

黃山詩畱

丙辰

卷之六

九

初建議

送趙秉如學博東平買舟運河

秉國如乘航波搖天地長神龍飛夾楫帝子詔阿房滄
渚晴烟碧汶河秋雨黃輕槎歸載石斷水射危梁一木
風雲捲片帆天地藏文封婁埜度官隱太山傍須句皆
國士魚山近楚狂壁書遺覆甕苜蓿厚餘糧趙復持名
教胡瑗得聖王三年修羽翼吾道看飛揚

五日六首

西江婦子滿春航痛哭波寒夜半霜自乞君王待續命
不知誰織五絲長

又

加賦官田佐度支臣饑欲歿亦多時嚼來墨汁枯腸濕
蒲酒何曾澆畫師

又

漂泊楚江鬼亦狂江聲雨樹漫爭光生前不賜官厨米
角黍何曾水底嘗

又

飛飛鴻雁滿江湖照眼榴花近帝都已見中原多戰壘
相逢誰解辟兵符

又

黃山詩畱 丙辰 卷之六

三

江上機絲力倍艱陳書請減上方官傳聞依舊徵新縷

只恐宵衣聖主寒

時請裁織造不果

又

瓠子沉波二十年柳枝土困稅漁舩好將五色纏荷葉

不許蛟龍避上天

時河工苦累

五日魏無僞惠筆墨卽答謝四首

暖泉里下水溶溶家近尚書第幾峯千載文章人未老
一江風雨墨猶濃誰留麋子分懸虎早挽穎君直射龍
年少如公多腕力不妨彩縷繫芙蓉

又

沉波玉米色如瑩愁避蛟龍到夜爭已斷南江神女夢
猶留北海故人情長綵直釣沓珠圃命射還封管子城
賴有司農疆臂力勞勞石火苦經營

又

避兵到處黑如雲沉黍江頭影未分直搗千城尋墨子
何勞八陣問毛君懸絲自結青麟隊擁酒還書白練裙
却稅官田酬會稽好看射柳報將軍

大中又

又坐薰風地臘辰招魂誰到楚江濱飛花夢繞神龍腹
洗雨寒深蒲葉春縱市簪文飛鏤面祇藏松液待金身

黃山詩畱

丙辰

卷之六

三

蔚州徹底門如水定令還須問老臣

又五月八日孫忤庭六十二

官少司馬

天中勅下賜宮衣到夜長庚近紫微十漸還留成聖德
七書不盡說兵機玉函鳥落來神女石策花封散釣磯
又是修名分甲子何年北極卜東歸

東黃晚九二首

大曆才人半古今康浪石齒苦低吟咲僂退冢還留筆
恠爾騎山不種金白雪懸樓空胃脯黃花短髮戴荆簪
猶憐兵火青瑣在泪漬經營到夜深

黃年伯官前撫軍遺居爲長吏奪堂

上老母不
改荆布

又

蕭條九十老春光黑髮顛狂骨半強兩代先臣從社稷
吾家事業僅文章相憐詩畫消生計自捲星霜入半囊
却讓巢由甘洗耳偏逢堯舜以身藏

送黃畹九年世兄榮歸三首

間世奇文出百年有定論名從天下識學以布衣尊官
錦萱花艷綺筵竹葉新依依珠樹在古道賴常存

得識五千字何須問太吞椿高巢燕子杏老望魚箋扣
角停新市倚蘭入舊絃君王有詔出自喜得齊賢

黃山詩畱

丙辰

卷之六

三

中天皓月上送客過山亭奪錦于峯紫開樽一路青菱
荷吹鳳道風雨護龍形尚有蜚鴻在勞君馬上聽

艾大司冠長人扎來以退食槐聲句報之司冠輒

用爲開句做近體扎云庭槐得題句後日響不

已卽續十章紀異因各用開句依韻以和十首

退食槐聲聽不窮從容平反問民風自調海嶽長庚外
疑在乾坤大呂中聖德垂成司種棘山門早閉洗分桐
萬年倚賴蕭何律豈重封侯十石弓

時分兵
楚粵

又

退食槐聲雨後清，鳳臺上漫吹笙。猶疑車馬迴春輦，不斷風雷入夜枰。淮蔡兵戈非勝計，曲江詞賦亦多情。傳聞樹酒紅腰醉，誰道南人敢用兵。

又

退食槐聲隔岸聞，輕黃乍逗坐晴曛。飛樓宰相垂花堰，問釣山人倚洞雲。秦史不妨推變法，楚些何處解清芬。西園留得長安月，肯借空同半夜分。

時近五日

又

退食槐聲近戶低，坐來亭子與山齊。花開暑雨封黃柘，書滿晴雲墜紫泥。怪樹不妨山鳥落，新詩偏許野人題。黃山詩畱丙辰卷之六
三
可憐劉向年垂老，那得從王一杖藜。

又

退食槐聲襍晚蟬，半天樓閣散晴烟。山頭縹緲誰飛鳥，月底婆娑幾醉仙。鏡浦潮橫迎謝眺，杏花雪墜失曇遷。柴門早閉無人至，耐可清齋近坐禪。

曇遷高僧，俗。

又

退食槐聲入暮涼，疑敲環珮晚鏘鏘。深宮不構長門賦，從獵誰羞小苑妝。雪凍蜃樓分遠吏，雲含宣室侍先皇。諱君種樹三千畝，早下秦橋結大荒。

退食槐聲隱落霞封丘新稅不曾加樽開箭括千峯雪
簾捲湖園十畝花苦避官田畏剩土饒依僧飯煮餘茶
習家池上清波軟可縱長天萬里槎

時立
新法

又

退食槐聲何太頻抱門五柳識前因閒消尺寸朝廷土
老寄浮沉天地身縱橫猶留車上舌度支不稅擔頭薪
休兵自許從寬政檢點空山送子真

又

退食槐聲曳復留水雲深處一尋幽參差石磴擁書巖
慘澹松巢檢藥謀大半公卿勞國計幾曾鴻雁解人愁
貴山詩畱丙辰卷之六
請看粉黛軍中滿不許壺公遮馬頭

時闕
師歸

又

退食槐聲秋漸多其如岱嶽望公何縱留絳幘閒投石
豈解黃旄問比戈聖代薦紳新稅畝天街子弟選長歌
越裳南北分銅柱大海誰平萬里波

得李吉津書附問蘇三竹浦病五首

棘城使者載書來細字行行親手裁却問蘇三多病渴

曹南芍藥倩誰栽

又

別後三年書幾何今年何事病偏多曾傳騎馬湖亭上

搖曳垂韁美綠波

又

同上齊雲三十年山東甲午薦名賢吾家只此文章事
鄭重深衣未盡傳

又

不信盤河行路難君家種竹幾千竿爲儂扶杖呼龍子
再到桃花嶺上看

又

懷人搖落滿山阿十載雲留太史河新法於今誅草舍

不知何處放牛歌

時稅
間架

黃山詩留

丙辰

卷之六

五

送友人

暑到延英講未闌如何輕去較書官豈分章句移花影
自識星文人夜寒倚闕青天雲五色買舟赤水水三灘
與君且泛湖園去肯老秋風理釣竿

簡友人

瑤山直上接崑崙制到連州捧至尊細草不妨分鹿洞
春魚自許到龍門珊瑚萬樹圖猶在鐵網千年水尚存
天下人才歸藻鑑舍桃亦是聖朝恩

送許竹隱新擢會稽司馬卽用喜雨原韻

洗甲天南渡太原隨車潑墨解清尊神光石鏡雙圭瑞

詔縮湖波一曲恩，
芻牧分驂豈報績。
異書半榻自忘言，
蒼生今日依霖雨。
不許東山結綠村。
南太原在江南

苦熱

又煉祝融火，
敲冰骨不凡。
寒侵白雪句，
暑盡黑麻衫。
裹舌啖毛弗，
魚絲俛米函。
長安青菜美，
多少解僧饑。

弔陳忠愍將軍東海

諱福

將軍百戰號嫖姚，
孝德忠名搏絳霄。
鐵背飛擎肩虎齒，
神弓破壁射龍標。
猶憐甲腕三田里，
誰識鬚掀萬里橋。
太白漸移星柳舍，
何須淚斷

臣朝

公會於亂軍中負母墜城而走時大

白在柳

三日沒

黃山詩畱

丙辰

卷之六

三

題鳴鶴

拳拳挺孤鶴，
其鳴在九臯。
上帝聞之喜，
嘹唳走驚濤。
其喉則宛委，
其聲則哀號。
豈謂失中澤，
豈謂惜屯膏。
地非不處厚，
天非不處高。
進退負跼踖，
翔翔亦勞勞。
何如彼小鳥，
光輝被羽毛。

借樹園雨中六首

抱屋凌高樹，
鬱葱借四隣。
簷虛飛燕石，
木末掛漁綸。
雲影沉黃洛，
天低近紫宸。
甘霖渾晝夜，
可到小珠津。

又

只借東家屋，
隔牆分樹來。
濃陰護破壁，
礮響過重隈。
呼

戰催兵甲洗天上誓臺飄搖驚客夢錯認射龍才

又

節度貴公子留賢買小園依隣圍老樹比屋結荒村天
怒雷聲礮月沉山眼昏除泥危虎豹早計閉柴門

又

借園爲我榻借樹爲誰眠入夢雷霆捲空林天地翻黃
花依徑墜白雪傷人憐大半浮生了長依甲舍賢

又

誰種老槐樹聲催萬木稠攤書邀雨洗開閣借雲留只
許迎天子豈堪封列侯一柯渾入夢咲爾伯南州

黃山詩畱

丙辰

卷之六

七

又

今以園借樹昔以樓借山西山擁帝闕老樹留人間我
偶借其中百年自往還多少侯王第朱門風雨關

六月雨中陞見紀事三首

十載重來近午門陰陰暑雨洗堦痕輕烟不散宮中樹
細草偏親聖主恩倒落銀河分露掌蒼茫玉水見雲根
遠臣喜徇龍鱗色影霽高天識至尊

又

曉鑰濃陰趨紫宸九天甘澍送車輪葛衣細着金門雨
步輦輕消玉殿塵氣迴西山凝帝座雲來北極接天津

退朝指點中書省猶憶先皇侍從臣

非日又

遙開閨闈欽仙儀詔近天門官度支漏歇蒼虬雲細細

烟含白獸雨絲絲疑翻碣石三千甲早洗荊州十萬師

偏是憂勤勞聖主幾年驚落曲江思

時簡補楚藩

和魏環極少司農秋初見慰一章

洛陽司馬亦何名四百年來議未成自是文章為國重

敢云海嶽以人輕龍頭久已屬兵事驢背翻然見太平

那得秋風醒醉吏漁簑歸去老餘生

和魏少司農秋日平涼歸降捷至用韻二首

黃山詩畱

丙辰

卷之六

天

受降飛檄到神京使相何曾苦用兵婦子同歸戎馬去

河山新紀廟謀成請蠲詔下山村冷解甲烟空塞月明

好問南江秋水上樓船簫鼓半天聲

又

御璧歸臣奏帝京天高八水暫休兵捷書半夜金門落

拜爵中軍玉冊成肯散笙歌分霸上忽傳輦路出承明

從容獵馬龍顏喜莫問新秋風雨聲

哭艾長人大司寇十一首

昨日商量新和詩慙歎別去夕陽時猶餘血濕刑書草

豈信人留遺愛碑鯨背不言天下事魚文自結夢中思

寢門及見生顏色難割秋風老泪絲

又

此別空留十二詩石園不記響槐時半生自了空同傷

早去還摩太岱碑焚草餘函滄海泪奇文滿壁故人思

芒鞋昨夜秋山頂長嘯苔痕結兔絲

公好禪學

又

那得山隈重論詩愁逢落葉送秋時少年同受丹書冊

垂老偏逢墮泪碑卿相猶存兄弟意夔龍忽斷死生思

懷中有策多如許持贈何人血作絲

單學士拙庵石侍即仲生宋藩司艾

石張銓部澹修皆前後公詩有補天終埃夔龍友句

黃山詩雷

丙辰卷之六

无

又

又哭濟南白雪詩石蘭老樹早秋時追扶蒼翠圖中簡

遠播响嘍江上碑遮說汝陰逢漢武可憐鄴水客陳思

只留夷水同知已腸斷械旛細雨絲

公有請聖學戒兵諸疏時從魏少司

農執

又

眼枯難續八哀詩一夜生平論定時結客狂餘桑落酒

揮毫力斷棗疆碑青雲許掛千山色白簡愁懸十漸思

聞得長安深巷哭穿針兒女泪絲絲

時近七日公亦棗疆籍

又

已矣西園雪讌詩清秋聚散幾多時雲寒白髮吹臺約
墨濕青痕圍令碑老友難消羊仲泪少年輕許嵇山思
曾同哭別楊雄宅草樹十年結蔓絲懷楊猶龍故及之

又

奚囊收拾兩年詩不復從前唱和時北極聲懸廣武賦
東皇召註摩厓碑千秋宅閉鸞車火萬樹烟寒遺劍思
子細爲君看大殮伴棺惟有幾青絲

又

千載誰焚黃鳥詩遭逢聖主拜恩時何曾泪斷車前血
不必名留水底碑詔下輟朝三日勅人來賜晏百蠻思

黃山詩畱

丙辰

卷之六

三

於今玉殿垂楊在愁拂秋風階上絲

又

飛樓殿閣愛山詩入夜登臨露下時釣影魚波沉斷粉
尋花鶴瘞檢殘碑廣陵曲盡青蘋葉燕玉聲消白雪思
一哭清宵卷幔子可憐金蘭老蠶絲公治石園築山鑿池善琴學

又

行行泪濕野人詩太白光侵小月時慘澹秋曹停漢史
逍遙神女渡秦碑空翻墨海遊龍出細逐天花暮雨思
早晚招魂華不注還愁一路哭新絲

又

上帝趨修玉殿詩騎箕猶是早朝時生逢青閣賢臣頌
死贈白雲刑措碑忠厚兩朝遺諫草風流一代結哀思
交情三十三年後視簣從容絕泪絲

公有請修祖訓
疏公於五鼓亾

上膠守某公

超然臺名
自千由

簪纓分海岳帶礪出辰韓甲冑天人表威儀星日觀世
業崑城寄聯駿五轡繁揚旌鉞柱頂賜履墨河干颯颯
吹甘雨颯颯解佩蘭空山封虎豹淺渚釣瑯玕青晦牛
羊訛白茅鴻雁餐超然懷子轍不夜避田單斗粟三錢
易燈深五袴難鮫文吐字影巢燕帶雛乾唱米連兵韞
校書諸士寒望烟詔稅屋截水泛漁竿禮樂存州乘山
黃山詩畱

丙辰

卷之六

三

河壯羽翰題詩尊馬岌臥雪足袁安青鳥隨飛舄赤龍
駕上闌早渡丹厓上親逢銀榜看皇恩錫玉簡莖祝奏
金盤肯待巢由去醉歌天地寬

張爾成兵部招同魏司農環極郭中允快庵夜話
諸賢畢集菊初黃司馬臺高載酒嘗天下安危依廟部
朝廷經濟視文章貧消墨汁千行雨醉老花畦九月霜
客散驚傳迎獵騎西山宮闕鬱蒼蒼

問菊

墻外忽見山墻內不種菊細雨旣淒淒薄霰聲箬箬何
處俠客來會藉共枕宿不必索酒嘗黃飯飽空腹不必

市多金秋蔬以當肉昨日司農家高筵色盡盡今復呼
兩兒繞食大官粥嘉節逢長安老槐垂借屋借屋綴寒
雲慘澹若深谷携得帝京篇雨聲入夜讀

頌董樵中秋泛大通橋二首

有客泛析津萬櫓停秋止驚濤下長江蛟龍怒鬣起誰
憐此槁師纜渡碣石水鼠角夜縈縈奔走長安市西凌
燕子臺東望黃花壘廟部有神君聖眷藉燧理乃邀董
山人徵歌入栗里輕舟坐青天直上銀河裏水底刺血
珠水外沉飛牝雄談驚四筵雲行月欲止荒荒草樹烟
白骨黃沙委尚多悲秋人豈僅儂與爾

黃山詩畱

丙辰

卷之六

三

白詩又

今夕是中秋猶分天地平留此一片月偏向長安明昨
夜月猶虧今宵月已盈盈虧任明月相看兩無情皎皎
長河影活活砧杵聲上書增賦米誰恤此熒熒安危任
衛霍緘默尊上卿狗監不曾識長門浪得名澆酒醉河
神粉黛苦南征肯教沽酒盡白髮傷愁生

送鞠觀玉視嵯河東

鞠觀玉

企陀驄馬太行遙樓上薰風北斗杓萬頃霜華飛玉藥
一天銀漢響秋潮魚鹽不載周官冊水火還須宰相調
坐愛南樓歌解慍夔龍覩見聖人朝

河東有薰風樓

過故居感懷二首

別來二十二年餘風雨還留此舊廬
珮作芙蓉霜葉汨魂消楊柳月痕書
誰移石笋懷司馬不向金閨問賜魚
却笑老槐低結子飄搖吹落故人車

舊有李五絃司馬惠石丈前配周夫

人亡于

重來二十二年餘彷彿當年楊子廬
鐵麓長依千嶂雪

瑯琊新載滿船書槐聲夜響留歸鳥
石井秋寒問釣魚

只落墻陰圍斷棘光輝不傍紫香車

近為王阮亭容居

荷恩贈王父母父母及元配紀事六首

黃山詩畱

丙辰

卷之六

三

陟降瞻祖武七十有餘年墨水千秋業
怡雲百畝田偃

僂無倦德跣跌不叅禪會際新朝渥
重恩額九天

王父累贈

通奉大夫

又

有孫生也晚王母任劬勞負背隴頭
雨聽書海上濤時

危抱夜泣家政晰秋毫盛典重暉下
恩波蘭水高

王母李累

贈太夫人

葬蘭水上

又

五十成鄉薦談經開墨河人宗東魯
士老寄北山歌誠

正扶朱子文章師孟軻太平遺廟在
俎豆近如何

父累贈通

奉大夫先任
太平祀各宦

又

君恩不易得累代邁馳封十載山頭泪百年塚上松聞

雷無計掩臥雪復何從哭拜朝廷典輝煌下九重兩母皆贈

夫人

又

阿母劬勞力七十有七年負兒搯井日執盥哭霜天課
績貧無藥支床雪在瓊於今恩詔出和泪灑重泉

又

何以酬貧賤于歸十五時支機橫墨水問病渡雲池曾

黃山詩畱丙辰

卷之六

三

抱奇文哭可憐破臼悲百年同穴處那得苦追隨元配崔贈

夫人葬旂山
在老母墳側

和孫作庭少司馬武闈卽事二首用韻

木落霜黃雁陣催環弓多士逐秋來車中自許搜璜玉

馬上無勞問麴媒河鼓光芒依六甲羽林宿衛近三台

傳聞獵騎皆千里豈信臺空八駿才

又

蜡柳堪從接戰期諸生一夜解囊錐空同陣角尊黃帝

石鼓銘功任李斯有劍江干疑犯斗何人天上問騎箕

武臣自擁公卿坐早許生男臥鼓鼙

前年公壽飲公酒今年公壽登公堂堂上美酒開新甕
賢聖無分留客嘗酒酣醉舞樂徬徨請頌岡陵第幾章
知公學不在温飽所願非徒壽且臧或願堯舜主手握
進退任賢良或願訪水旱輯武垂拱靖四方相看頭黑
鬢漸白况復天清霜半黃囊中千秋金鑑冊夜沉耳熱
坐書床其中調燮在陰陽天下錢穀誰與商萬古臯夔
稷契後名留海嶽與天長

和魏無偽惠句卽用韻

丈夫悔受此浮名學劍學書總未成白髮何須深夜晝

黃山詩畱

丙辰

卷之六

三

黃金豈盡一鋤輕秋天樹老連雲黑石徑霜侵落葉平
但說河東近聖主曾憐毀譽爲誰生

送魏庶常子相請養太母榮歸卽贈

諱希徵
鄆城人

金閨辭珮珥玉簡戴恩馳蒼簟依慈母青精望遠兒已
陳三禮賦所願百年期不必封魚鮓翩然種橘枝勺香
鋤菜甲織葛濕霜絲和藥垂空篋牽車上壽卮黃麻瑩
布毳紫綰帶春縞自是文章士相高雅須師墨帷述父
業亭縵結仙姿疏水寒暄濟晨昏風雨持雞鳴試燮理
鳩杖挽孳恩純孝分南斗丹心戀北箕花飛紅雪麓山
捲白雲司早到廩丘上光輝洗聳時

吳周伯衡從軍亾卽和魏少司農韻將寄王孝源
同年二首

從軍何處問傳餐廉吏不難拙吏難縱許談兵馳白馬
誰憑草檄解黃冠書來鴻雁秋原泪血盡蛟龍水底看
尚賴諸賢饑未死楚江彈鋏釣魚寒

又

虛傳幕府贈魚餐搖落湘江酒債難只說薦賢勞補綴
何嘗解甲問儒冠紅腰隊結啣歌入碧血聲消倚泪看
縱死胸中十萬在須留銅柱抱雲寒

弔蘇竹浦兄弟

黃山詩畱

丙辰

卷之六

美

憶昔理總角射策濟南湖指數天下士驚聞大小蘇相
聞不相識少年意氣孤丙子之八月輔車聯泥途雖未
動天子文章風雨呼國步漸艱難大道在吾儒上皇初
定鼎下詔海東隅側席問經術山澤思黃虞尚不棄貧
賤漁釣及屠沽僕得掄六經拜表薦天衢主司十八人
慷慨哭遺珠乃去華不注騎驢盤河紆輒下蘇生榻霜
色捲茱萸締結李太史雲齋掀長鬚伯也髮未白母也
執爨芻解杼縫我衣饔飧勞矍矍朝拂南軒竹夕醉桃
花醺悲歌不得志倚病結繩絢忽捧聖主詔馳馬覲皇
都說易陳七言揮毫及須臾宰相動顏色顧盼侍中樞

戊子分網羅小蘇列徵蒲力爲黃金奪劉蕢泣血枯甲
午用林子大蘇耀昆吾三十年老友及門識定夫紫陽
不再見兄弟哭鷓鴣劍浦判晉豫解綬歸平蕪註書力
未畢駕鶴去蓬壺瘦骨猶在殯泪濕抱鳳雛聊商百年
事阿仲老馳驅曹南木芍藥親手種百區苜蓿飽餓腹
刪註曳生徒鬱鬱辭南宮而爲章句拘白髮叫鴻雁哀
哀太岱嘔無何甫改歲驚聞形骸瘞太史有書來猶云
理杖扶倉皇以詩詢白鳥已云徂檢點生前計誰爲爾
勤劬浮沉身後名誰爲爾鍾鑪爾尚有令子接武拱遺
謨可以振業業可以擁呱呱餘力及猶兒相顧兩龍駒
黃山詩畱 丙辰
卷之六
毛

奇文留後人貧賤護青瑜鬼神終不妬祇咲儒者迂雖
破書萬卷君子不我誣秩秩其大猷君子不我盱治亂
無所與典冊無所訐山東失兩士雲際長白岬嗟子亦
老矣諸兒皆下愚六十年壯志歎息復何誅爾長子數
年墨汁潑珊瑚此志終未酬况復理蜀鏤青山與白水
覆載十尺軀借語爾季子生荔其我須我亦何所歸盤
河秋泪鋪

送陳開之去山東

從趙撫軍聘

明月其在天有子尚同影白雪其在山有子不獨冷吾
子將何之車馬帶書箬別我去山東將度桃花嶺桃花

五百里吾家有畧井可以滌詩腸花落惹長綆四壁樹
柴門鉄水繞箕穎有田亦可耕耨子亦標穎海上結蜃
樓挿天風雨景何獨我不歸惆悵顧深省相傳有虎狼
半在介葛境慎勿浪東歸牙爪經雪猛曰爾且勿憂中
丞珍肆靖嘉惠施熒獨紀綱肅再整宜大夫庶士而爲
太岱屏嗟彼鴻雁飛尚爲天子請况爾有室家戚戚何
所騁吾子其相從黃山山數頃上者種松楸下者種桃
杏且與浣繭衣泪痕落咽哽

十一月廿一日八郎生日

漸喜兒無病可以事老年亦喜兒抱子可以計青旃將

黃山詩畱

丙辰

卷之六

三

與解書史讀之不終篇祖父拜岳牧皆耻取一錢力既
不能耕授爾南山田拙亦不能買何曾扣麥船携爾來
長安北風吹雪濺所支尺寸釜肥不及豚肩敝裘歷九
載益之激浦綿頗知消怨尤習貧如自然爲借析津酒
爲煑蕨如拳楊子老畫師白髮倚陳搏兼揖濠梁友土
榻近高筵何以爲子珮慘澹豐函燕屬之調墨汁紅紫
種花荃匪足千宰相將以乞粥餽匪足結俠客將以老
雲烟年少力偏優寸陰亦可憐君子精一藝名致帝王
前巢由無所避臯夔亦獨賢何必讀萬卷而與獻甘泉
雖欲歌南風誰與撫五絃雖欲釣渭水誰與擊濟川海

丙漸平治奇伎薦螽蟻但識分五教漸次謝丹鉛扶我
之夕杖適我之晝眠但得山中少醉吏且戴堯舜之高
天

除夕聽雪

長安雪艷塞高天不破羊裘二十年坐聽冰花敲斷壁
斜偎凍骨到層檀愁封赤麴山中酒泪灑白雲海上篇
又爲人家忙勝字三更角鼓傷城懸

丁巳

元日病中三首

半是家園泪悽涼入澹脾裁菱依土甌燒笋帶霜匙老
黃山詩畱

丙辰

卷之六

三九

逐貧交後虛逢聖主時會須看射水一戰引龍兒

是年
計秋

試

又

何曾一石飲舉酒漫傷脾爭醉黃金壘誰憐白雪是慙
勲暄背晚點注落梅時青殿傳新政競看坦腹兒

又

楊生精畫理相對解詩脾舉火司農米懷人螺女匙天
心斗轉夜春色雪濃時縛葦司門掖何憂莠面兒

魏少
司農

遺

初二立春四首

斗柄今夜轉四海仰天心露影封華蓋星疎淡羽林官
貧持繭贈草細待春深調燮皆同力關門白雪吟

又

寅回亮帝德夜靜識洪鈞禁闕雲標動乾坤雪色新頌
花迎聖主春燕到山人共喜條風起輕吹海外臣

又

徧留孤榻上細細數征鴻泪灑旂山北魂依蘭水東青
門餘臘酒白獸試春風多少朝叅客新貂綴雪紅

是夜夢先

大母先母故有
浙山蘭水之句

又

黃山詩畱丁巳

卷之六

單

夜來傳寶曆早起正房星雪霽西山白樽開北海青調
和新秋服檢點舊傳經那得椒花頌啣來上鳳城

正月十日馬天衢招同成愚昆楊海文及楠枚兩

兒登昆盧閣十二首

絳閣當年厥御筵蓮花翠羽近諸天白浮影落千山雪
青海寒空萬樹烟直擁江淮分塞外新開邸第傍城懸
疑來王母瑤池上坐向清霄問自然

是閣爲前孝肅皇
后建時海禁江淮

之涯皆
畫界外

又

丹楹複道湧崔嵬到眼山河萬里來漂渺雲沉金闕迥

蒼茫日落鏡輪開天低水暗魚君渡曲盡花飛燕子臺
莫怪寒淡留臘雪傳聞帝輦帶春廻

次日
駕廻

又

版閣檀欒天地寬蕭然金鎖借雲盤纔廻草色臨宮闕
恰惹爐烟到廣寒碣石北來遮渤海太行西去入長安
千峯日暮陰陰雪不許遊人泪眼看

是日雪
暗西山

又

絕壁挑燈一徑呼尋幽抗不倩人扶麒麟纍種新桃路
鷓鴣重開細柳圖雪厚山皴和樹老春濃塔影入天孤
新傳閬闔飛銀榜可檢空囊問有無

議兩兒應例
試不能從力

黃山詩畱

丁巳

卷之六

四十一

又

駝嶺廻翔上谷關千年王氣遶西山遙臨紫闕風雲動
直釣黃洲落照間鐘鼓聲消香細細衣裳珮冷月珊珊
會逢玉女來天上早晚龍車問寢還

黃洲在
海中

又

大乘飄搖第一樓金收海嶽帝王州驚看月樹連根動
倒落天河傍戶流夾道蛇龍遮輦路依人鴻雁避簾鈎
相從那得黃金術也許凌虛到上頭

又

飛樓天半接祇園驚躡婆娑老樹根裊裊雲飛晴萬戶

娟娟月上影千村傳柑喜贈宮中事社鼓聲喧聖主恩
俱道五雲新氣象共瞻春色到金門

時奉旨擊鞀鼓
作大頭和尚戲

又

寂歷塵封碧葉蓮旛搖石影倚寒烟豈無龍女傳歸路
定有經聲落半天斷續星橋侵淡粉參差寶馬綴連錢
長安又到留三載何處堪消白雪篇

又

四望春城山作隣梯航萬國到天津鮫官織血魚龍避
鳳閣栽花車馬新東盡黃河分六水西來白嶽擁三秦
莫愁尺五天門遠自上丹梯見聖人

黃山詩畱丁巳

卷之六

聖

又

石鳥輕飛送畫梁遲遲驄馬綴懸囊分花螺底留仙子
上賞龍頭拜聖王但得一言堪濟世何須九葉解慈航
乘春去路垂楊雨不遠愚山是墨莊

成愚昆後至先宰
小保定曾邀上賞

召拜
御史

又

天高夜語不曾聞極目珠山雁幾羣繞砌龜龍留斷碣
還巢鸚鵡老新軍魂依碧血疎星動客去青丘大海分
唯有楊雄能作賦相携無力躡春雲

時陳開之去山東
惟楊海文留京師

故懷
及之

又

石幢曲磴掩松關接引從容客自閒豈避珠文縈甲第
須開鐵鎖照春山黃花塞遠孤鴻少白水雲晴小月彎
此去八天非入夢愁來自許老僧孱

正月二十二病中十首

老骨畏寒以病藏今年禿髮半蒼蒼可憐倚榻沉霜夜

借酒何曾到客嘗

勣觀玉昨年是日
集客載酒相邀

又

春雪寒侵洛峪天悽涼藥竈兩兒看知留世上能如許

已了傳經六十年

黃山詩畱

丁巳

卷之六

三

又

北海先生饋大魚貧交三十有年餘春迴小徑多殘雪

不避柴門長者車

馮青州
饋魚

又

貧消瘦骨滿江湖萬卷書床客未孤却咲星迴甲子後

乾坤不借杖頭扶

又

消受餘年老自狂却疑夜半夢文昌故人早起縈蒼頡

不是飛樓召玉皇

是夜夢文昌凌晨陳
元祥請書額故識之

又

雲流雪凍穆陵關回首劬勞夢未還只有春城雙泪眼
因風吹送到黃山

又

畢青猶懸大海東長安客病怯春風前年此夜沽村酒

醉倒山中白髮翁

老友楊仲玉年過七十矣

又

送酒金尊載洛陽奇文稚子坐繩床清貧自不憐歌舞

且泛雕蘆子細嘗

時焦荆岩遺家釀付次公以十歲擅文各

又

計種憇園半晦歸收藏鯁骨鍊泉隈停針縱有椒花泪

黃山詩畱

丁巳卷之六

四

入夜何曾一雁廻

又

塞牖攤書避雪寒春來老泪不曾乾愁消指點千山易

病起調停一飯難

清明後送權侄歸里卽訊阿弟黃門

二月至三月天地闕常陰早市籠花籠春街濺雨輪攤

書校穉子傍榻送勞人檢藥長安肆思家墨水津黃鬚

疎未脫白髮老誰親大被何年暖占星昨夜新停樽留

伯仲告祐薦絲綸蔬水皆云志文章終不貧籌邊冠蓋

滿客路雪霜屯

時霜雪並至

陶潛詩猶苦王褒論有神扶風

垂世業木起擁繙紳鄭重伏波訓高堂倚大椿

三月少司馬孫忭庭請假不果

乍近春深髮漸蒼新傳結屋半南疆須看解甲還司馬
豈計銘鐘問太常白雪聲寒千障石青湖掉落萬書莊
正當借箸留賢佐肯許華山以藥藏

三月十七日早朝引見道中口號

擁坐城闌五夜寒靈虬細細影初闌青街泥洗迎新輦
紫陌聲喧避大官莫怪桃花驚雪艷重看曉月帶霜乾
忻逢 聖主千秋節檢點春深問借冠時大雨雪後

寒食雪和李吉津太史二首

黃山詩畱

卷之六

星

久客逢寒食春花傷雪飛西山迷樹影北闕暗星輝卜
火謀隣吹長風送雁歸猶餘析令酒擁醉閉荆扉

又

何處容車馬關門避雪寒花聲離市遠草色入門看到
眼青山老依人白髮難思歸歸不得誰共理漁竿

哭趙石寅將寄萊子諸兄弟

不見秦砂水於今四十年賢哉二千石鑿水見清泉繞
郭栽新柳萬樹宿春烟將計驅黃犢載芣受漁屨羽翼
諸伯仲再讀白水篇蒼顏擎勁骨未敢受人憐其間有
趙生鬚落如龍蜷文章以意行五言力翩躚遨遊十五

國囊底括山川三江洗淡粉八水下高賢

公於秦中得張勇以國士

遇之雖不洗牛耳懶着珊瑚鞭乾坤一過眼治亂此青瑣
忽漫割小友歸尋召石仙人不可得西登鵲華巔慷慨
范夫子三喪贈麥船亦欲檢鳳雛收易南山田百年
事未了擁麓且高眠誰與翻滄海鯨魚橫八千趙生騎
之去掀手搖長天天上揮奎璧僅以玉璜傳願言趨其
寢顏色自宛然願言接其床垂老受清禪願言挽其手
藜杖掛冰絃所構幾奇書可獻聖人前別後驚人句光
芒星日懸遺之諸公子或不失蹄筌吁嗟亦已矣死生
誰後先只此五六載兄弟半棄捐縱非饑餓死亦與溝
壑連未嘗失遭逢貧拙半播遷誰爲爾蓋棺銘之以丹
鉛誰爲爾置芰海上問僇佞及此翺翔去不爲醉吏牽
袍鼓動天地喜脫風雨濺或此地下宅不愁新稅錢或
召玉案吏不畏銅山煎留看一片土早晚出青蓮寄語
諸老友可以停哽咽

哭朱華胤四十六韻

北海摧風雨飄搖華不注石裂帶雲崩紛飛走萬樹天
地皆昏黑波撼鬼神怒童叟踊哭聲爭識龍舌路一代
瞻偉人緩急復誰顧嗟公生奇穎讀書渾章句平頭冠
圓橋風雲入詞賦揮霍拓前徽咳唾驚珠圍捐軀扶昆

弟危亡整大故呼天抗奏書高車開華路結客半東山
識君恨遲暮太岱鐘竒文江聲橫練素百戰破龍門半
生無一遇東屨走兵戈死生全手足羽翼定浙潮下馬
草露布指揮控燕齊埋輪獵狐兔嘆彼黃鳥飛恩勅忠
臣墓伯道舉鳳穴碧血濕金輅公子起橫經春動桃花
圃中書畫龍文光輝潔水渡方許期百年兒孫慰孺慕
方許籍經綸謀斷迴天步或與諗進退或與定好惡叅
之陰陽間洞徹治亂數况此天下士舉火待嚙哺我欲
留衣裳熒熒伺呼籲一言奮日中射書連飛羽矯矯雲
中鶴聳立失群驚蜷策資治平不借金人鑄胡爲太山
崩胡爲喬木仆皎皎湖月明澹澹長天鷺石函問鳥歸
燕草封秋露中原老弟昆零落白雲度那得如白雲飛
飛散復聚蒼髮坐窮愁半爲虛名誤富貴須何時委蛇
如斷瓠血汨灑盧溝瀟不肯住君自得牛眠青山海
嶽固何時載芟來勒馬黃河駐磊落鬱中懷尚可爲君
訢垂老此交情悲聲起獨寤白眼亂乾坤惟君可以悟
鐘鼓薦清樽惟君不我吐捧詔上青天招魂可再作別
汨迷山頭行行復何措繡江萬頃波浩浩漫長呼

王子苧世兄送芍藥

去年看花人漸老今年猶走長安道可憐年年頻送花

黃山詩畱

丁巳

卷之六

十七

可憐四月花開早幾枝濃艷濕胭脂幾枝粉澹蛾眉掃
相看白髮羞紅顏嬾倚蛾眉人自惱夜涼鄭重試春風
輕綃薄露偎春草凌晨早起拾殘花花殘猶自顏色好
况是雲邊飛鳥來湖園異種分天寶怪是青蓮載鋏船
不須海上安期棗誰插揚州金帶圍携儂並看芙蓉島
得蘇鶴雪房清瀾來京二首

楮山道未墜意氣滿中原過眼餘貧賤全生老弟昆懷
人痴墮泪往事恠停尊只此閒消受已多聖主恩

又

黃山昆弟老好友見吞齡風雨羞看劍乾坤解受經借
黃山詩畱丁巳卷之六

哭一

園遮樹黑歸路帶山青何以堪留客殷勤過酈亭

題張晴峯雷琴

諱衛

碣石宮何在瀑瀟青海波腹旣斷雷氏背亦篆宣和枯
桐隱風雨拂漆鱗如梭葺之千年後卷抒凌雲阿何不
碎街頭慷慨且高歌誰洗吳江水金沙帶劍磨自是乘
槎遠携手到天河廣陵餘洞響一嘯鳳凰過莫漫懸空
壁蛟龍海上多

五日東于桐江

銓部

召石仙人近洋洋大海濤戈橫妃水定劍倚峴山高經
國分嚴部承明賜契刀須憐鸚鵡賦肯惜鳳凰毛白雪

甘調薤黃金結夢桃波沉龍背鏡酒當鬱輪袍縱釣鮫
宮黍空饒臬鼎膏穿揚師大將濯雨洗秋毫有勅兵符
珮豈遺聖主勞

五日後雨二首

未斷深江泪魚龍自縱橫疑雲迷樹影沉雨亂書聲竹
簾依人濕薜蘿和泪輕不知今日夢何處問山城

又茱萸二首

故人昨日去好雨過墻來樹擁饑鳥墜花陰小燕催萸
絲青入壁結子綠叢莓不識山園柳今年幾處栽

送膠守張其玉父母

南臺用謝調事
西郭用裴冕事

黃山詩畱

丁巳

卷之六

兜

萬里砂連渤海城曲江宰相舊家聲南臺問政偏年少
西郭看花半老成自有慈雲遮馬渡豈無甘雨送車輕
敢當青壁留題句蔣沈堪消甲外兵

山茱萸二首

疑是茱萸子攀條接木離繁花飛綠粉斷壁綴青絲肯
補泥叢屋留添石菊卮晝長無個事拾葉好題詩

又日夕雨二首

愁深無避處隔樹卧雲濃黑兔嚼花藥黃鴉偃草茸故
園千里外海內一身容惟有堦前月相依夜半鐘

李吉津扎稱王元美詩有諸事便當如我死一貧

原不受人知之句屬商郝復陽侍御答此兼弔
蘇竹浦兄弟二首

巖壁藤花晝掩籬鉤盤又到幾行詩青湖波減禹書洞

王元美家

白雪聲高秦帝碑

李吉津濟上人

聚散猶驚海上淚死生

不斷故人思於今只可清貧好誰許因人結客知

宋思又

薜蘿門外影離離驚讀穿山二陸詩忠孝報仇三百載
文章經世五千詞雖貧餓腹兵戈泪不老撐天海嶽思
俱說昇平焚諫草安危豈許野人知

得李太初來京將之楚借訊撫憲張大人玉山

黃山詩畱丁巳

卷之六

五十一

濟南稱國士鼓掉採秋蓮劍倚黃山頂人懷白雪篇橫
談纔半日惜別已三年爲問長沙路書投督護船

又章又

憐多桑落酒喜見楚江才生死奇文在兵戈短髮催離
家思受屢爲客訪吹臺約到盤河上看君駟馬來

和孟百聚落花詩三十首

沉香搖落半亭空不避青苔綴粉叢弄色全欺侵曉露
驚寒着意怯春風纔依玉臂留輕碧忽散珠痕入淺紅
欲去欲來何處是紛紛溪下白西東

時御水東西皆貴戚第故有玉管珠

痕之

思不受人知之句屬商郝復陽侍御答此兼弔蘇竹浦兄弟二首

又

谿北谿南隔樹穠相憐猶憶舊時容
嬌含細雨新承寵
粉墜晴烟自帶濃
恰欲依人輕愛惜
偏從流水問遭逢
不知羯鼓長隨輦
原在昭陽第幾重
時有昭陽之痛

又

曾坐花茵看曲江
七香寶靨照銀缸
輕綃欲剪留春妥
鎖葉無聲綴雨幢
吹上魚箋偏細細
啣來燕嘴故雙雙
天孫有詔新裁錦
着力迴翔未肯降
時下嫁之盛

又

錯怨風前不勝支
為誰慘淡濕胭脂
休隨去鳥輕啼後
黃山詩畱丁巳卷之六
至一

故墜殘蛩欲睡時
低傷寒聲鐘落落
愁依返照柳絲絲
於今願作商人婦
拋却憐春入夢詩
時流離之慘見以下諸什

又

春歸到處送花飛
檢點看花歸不歸
細細輕翻春鳥隊
娟娟欲坐美人衣
還俛淺碧流雲濕
不捲深紅過雨肥
撩亂空堦無意緒
和儂杖底兩依依

又

驚尋花事策文魚
結陣香殘護客車
斷續全逃疎樹影
輕狂欲奪半床書
非關白雪消魂懶
自恠青雲結伴疎
到眼疑開多采色
於今歷亂滿山廬

相將到處曳輕裾何事蕭條苦自虞
點額琵琶催戰騎
迴風鐘鼓醉屠蘇
香車肯伴桃源去
艷舞新傳水殿呼
自是翩翩邀顧盼
可憐霜色滿江湖

懶別新枝渡舊蹊
沉沉小院半萋萋
纔隨艷曲黎陽北
恰散輕裝桃葉西
力怯春歸歛綠玉
香勻雪盡點青泥
莫愁五月風催急
環珮歸來入鳳栖

又

誰家結屋近丹厓
放出鸞車襯上街
散作金繩倚露洗

黃山詩畱丁巳

卷之六

五

分來寶玦失雲埋
御溝不許收紅葉
石洞何曾鎖綠柴
俱說夜來神女至
天花和雨灑清齋

又

朱門不是舊莓苔
幾度王孫春草哀
過兩千行啣葉去
催詩一曲渡江來
兔園近遶魚君水
花市虛傳燕子臺
紅淺紅深渾渾落
盡明年却問倩誰栽

甲故人居
以下諸什

又

可憐花盡可憐春
寂寞空山問子真
片片虛翻龍鏡影
行行別去燕巢新
偏疑墨雨留花使
何處旂雲載洛神
好屬關門著意掃
愁來繞座倍情親

又

誰散花聲天上聞
開櫳錯認月紛紛
疑催杏花歌中曲
嬾照影城夜半分
憐我拾來分受露
愁他飛去逐行雲
相看聚散知何定
可問深深蝶幾羣

又

重來曲巷鎖湖園
花落花飛半在門
曾和陽阿分月洞
不辭激楚結雲根
旒旒自戀輕娥水
裊裊還吹妃子村
無數遊絲牽不住
猶疑響樹拜新恩

又

欲傷湖園日
日寒紛紛桃李蘂
初殘香侵鸚鵡人行酒
黃山詩題
丁巳
卷之六
五

影墜嬋娟月作盤
自是垂房別有蒂
不妨結子更如丹
憑虛石壁全鋪錦
只說淵雲墨未乾

又

放脫春闈意
自閒擲聲到處拂珊瑚
隨衣五色雲千縷
結采三更雪半山
莫斷長絲投月底
猶來驚夢說人間
朱莖紫裏偏多艷
可上飛樓信筆刪

又

肯將拂檜洗春烟
結伴行歌三月天
一路垂楊低墨水
千行啼鳥護花舩
翻然紅紫凌風起
不避嬌妖妬雨濺

雙椅連鉛皆粉黛
清平誰獻聖人前

時有遊材之詔

又

春江春樹影飄搖錯認江聲夜半潮淡抹山光迷鹿洞
驚飛雨陣失龍橋輕占白齒梅花石懶別紅藤蠻女腰
却好乘風憑進退競羣水當自逍遙

又

飛騰野哭灑征饒老樹寒空春鷺巢窈窕歌揚侵日角
恍恍泪去結烟梢翩翩直敵蛟龍怒上下輕揮風雨交
正是花朝逢得意深閨不許倚棋敲

時有顛倒
跋扈之雄

又

倦飛力盡苦勞勞欲傍雲霄天影高劍挫層標開寂寞

黃山詩畱

卷之六

五

書成渾脫笑揮毫折盤愁入宮中曲隨笛橫吹江上濤
縱到長空無住着何曾一識鳳凰毛

張衡有七盤舞賦
惡西京之折盤楚

又

青柎紫蒂綴金柅可奈盤根春去何敢破江風潮上下
誰移月樹影婆娑愁翻貝葉十年少力捲桃花千尺多
肯許長楊同獻賦重來紅雨點恩波

時有應
召之舉

又

東南蒼鬱簇如霞望見扶桑幾樹斜絳帕神龍紛擊鼓
彩衣靈女故飛花香侵菰葉十洲水影泛冰絲萬里砂

只恐石人笑漢武射潮不必問乘槎

時斷海道

又

南園水過北園長水盡秋空明月光萬樹依來遮竹社
千峯擁去到雲莊補天摘落仙人石灑墨輕飛王者香
舊日主人亦半老百年底事爲花忙

南北園莊俱實

又

名花一顧色傾城留得飛揚借力輕曳繭依依追輦路
結風細細散花聲初教聚雪迴鴻肯直伴深雲蔽月明
莫怨襄王憐舞賦一齊歌管入秦箏

白鶴飛今繭曳緒南都賦舞容也

又

黃山詩畱

丁巳

卷之六

蓋

才人肯自結丹青新唱揚州種後亭金帶圍堪分贈客
紫荷囊許漫傳經波沉白骨香交濕葢綻紅肥血半腥
滿目蒼顏離亂後春天同伴哭漂零

又

錦錯盤陀萬馬騰山花揉亂濕雲蒸綠衣舞雪留金勺
翠羽空霜墜玉繩結束珠文橫八陣依稀火樹入千燈
歸來只恐漂零盡一顧君王笑不曾

時艱

又

看花懶上浣花樓爲看花飛送客愁力逐征帆嬌欲落
魂依江水泪深流低窺幔捲蘭鈎動暗渡歌沉錦纜收

憔悴千金贖不得死生一擲玉搔頭

時

又

幾陣風颺泊斷林催花到夜識天心離枝未了經春恨
繞屋何妨一稜深曲洞參差分絳雪空床慘淡失黃金
橫談開闢從前事不許顛狂入座侵

又

離家江北去江南牛首山中第一龕蓼水禪逃菁飯熟
龜蒙鳥去玉書叅曾簪脫帽還堪醉縱煮殘英無所食
近種花田幾百畷落花深處好誰酣

兼訊邢名石山東人客江寧好禪學

又

黃山詩畱

丁巳卷之六

癸

無情有緒影纖纖倚枕珊瑚傍睡簷自下菊妃辭綠蒂
久無秋馬走黃柑聲喧般鼓霜飛鶴夜吹金鋪火作蟾
不識武陵人去後誰調玉臂水晶鹽

又

携誰擊揖掛征帆年少如君骨不凡驚起北絃飛赤水
飄搖西柳失青衫纔噉墜葉成龍去慣啄輕花避雀囓
記得鳳凰臺不遠逍遙公自在黃岩

兼訊太翁東圃先生

送顧文起學士之粵東二首

馬上卯書拜尉陀勞君南海解兵戈輕航懶載珊瑚樹
斷嶺虛傳鷓鴣歌三劍光搖扶字出五羊色落傷城多

有詩萬里題銅柱不必封侯問伏波

又

天兵一路抵厓門灑酒花田仙子村瀧水何妨挾客渡
墨江自許釣魚吞傳聞鴻鴈千行少休息龍驤萬竈屯
早晚看雲天耳上不煩隱泪切霜痕

東劉潛夫工部二首

索酒

易水瀟瀟酒亦寒醉來一月不曾冠手封土缶歸工部
苦雨敲詩舌又乾

又

暴雨聲消入醉忙顛狂短髮倚天長雖貧徹骨舌猶在
黃山詩畱丁巳卷之六

五

賢聖無分請再嘗

和周蓋臣

諱邦彥漢陽人

金石聲消天地寒於今碎瑟到長安但能老去巢由侶
不必迴看岳牧官喜怒須叅燕市估文章大半楚江觀
他年下馬黃山頂東海東頭問釣灘

莊澹庵惠大士像兼和陶詩賦此答謝

稽首山椒禮大悲風流年少自吾師池圍萬頃江如墨
筆落千峯畫亦詩北塔黃雲空色相南天絳雪濕胭脂
重來供奉開賢路可問歸園近是誰

陶集歸園詩有二句不可攀之句

大士像出
夫人手畫

寄南陽太守張年兄深發

諱文明

十載循良推上卿，天封影落大河清。
懸魚圃菜留羊續，野杏春花問雉衡。
白髮樽餘空座友，黃霜雁避斷書聲。
於今不識長安路，目盡秋橫博望城。

喜檉兒秋捷奉懷 兩大人卽寄諸子三首

三世承恩五十年，怡雲手授一經傳。
曾占星聚懷車上，荀龍車亦額呼名。
到榻前墨水儘堪浸，月樹吳江幾渡。

大人葬海上莊

又

曲江九月出芙蓉，聞喜筵開白露濃。

唐制放榜賜聞兩喜燕於曲江上

黃山詩畱

丁巳卷之六

五

避餘生留虎豹

樸兒兩畏兵難

新恩無意戰蛇龍，書籠可送南

山老魚袋堪還北，關封唯約諸孫省。
藥力騎驢踏徧百

兒峯

又

當年步禱鍊泉津，白髮輕勞太夫人。
傳捷初聞驚一老，舍飴何處問雙親。
家貧春杵輪肩負，泪濕文章哭墨塵。
爾母旗山魂未遠，長松自護避雷痕。

太夫人禱於鍊泉山生檉母崔夫人

亦早

十月雨中檉兒捷後賦送公仁姪回揚州

我家東海子，蜀岡相望黃河一帶長。
久客翻然騎鶴肯

看山不避校書莊，龍駒自送千江雨。
雁塔新傳九月霜，何事花聲驚醉眼。
蕭蕭班馬兩三行。

劉潛夫年臺齋頭采落菊卽限菊字古風六十韻

丁巳十一月不雪涼風肅 聖主沛深仁省刑下輦轂
山東憂昏墊鮫室珠文縮迺謂屬老弱上書請大戮有
客留長安碎瑟悲聲蹙問酒劉工部火榻餘殘菊秋色
落黃金含霜綴月谷亦欲收墜英香分藜書籠握手三
十年官貧餘黑犢高擁冠山椒畫卷上樓讀南楚得周
生開研潑萬牘拳筆走龍蛇奇文湧白藪徘徊遲東籬
西山影盡盡撫此清爽姿織錦凌簇簇曾持伴芙蓉曲
黃山詩畱丁巳卷之六 五

江獻樸歛春色冷桃花嬌蹇倚黃竹妃石吹霜風甘里
祝君福葉流千尺潭浩浩幔亭瀑寒雲上紫階灑酒澆
龍腹宰相授紙筆羣僚驚艷馥吁嗟北風來零落變魚
服爲賦冒雨行爲走湘江哭何處問白衣空燕栗門麩
昔口同簪花今日不垂目昔日賜金桃今日不食肉誰
與禮天台放草蒸蓼蓼與之鬪山苓與之荷盈匊不釣
北海鱗豈種南山菽且泛太室蓮且咲馬蹄蓬白髮倩
借園看彼方有屋一日不再餐看彼方有穀巧者飽欲
死饑者死欲速頽塚架池深輕毫敵霹靂何日朝上皇
珠璣擬萬斛再見菊潭仙鸞登空翩翩和曲濺葡萄光

華照赤茜白獸散醕醪揮劍降飛鵬亦與贊奠甲亦與
薦菰粥帝曰王母來青精飯已熟小臣稱萬壽梓材天
下蓄不復羨葶蔕不復嚼苜蓿捶翻青島魚梯航駕臚
舳願言歸靈山秋雨拾斷菑綠雪濕函晶清標照大麓
弱幹抱蛾眉羞同粉黛逐上可佐桂茵下可憐菁菹葺
藥蘊西風狂歌漫擊筑如友老成人晚節守質樸如得
蹇謬臣冰霜罔傾覆所願借金公調燮理愆伏天書去
集臯草萊失麋鹿青青五柳門幽幽三徑築君門雖萬
里臣家不在陸歸言菊晦荒高臥追黃馵山中知堯舜
海內皆岳牧披襟試颺秋不須握粟卜吹臺伯仲七東

黃山詩畱

丁巳

卷之六

卒

蒙兄弟六婉變間松陰千家敲杼軸芬菲倚銀床泉聲
渾鱸輓黃花謝醉翁清波抵微球

沈昭子先生分闈以易得樗兒

時公荐第一人爲大力者所奪脚公

有惟元識元之語

一經世授接義軒三十餘年窺半園菴畫何曾近鹿洞
穆陵自許到龍門籌邊亦得文章士御席先分聖主恩
共說傳燈留大道力馮八代起守原
元家有傳燈錄

